

perduranda deservire posse judicabuntur, tractare, &  
te Divina Clementia, continuantibusque receptarum  
um, earumque Excellentissimorum Dominorum Leg  
ediarioris Officii, per Ministros ab utrinque sufficient  
ate & Plenipotentia instructos, & Deputatos, conven  
reservantes altissimi & alie prememoratorum Domi  
ncipalium Fœderatis, Regi scilicet & Reipublica Po  
c non Caro & Magno Duci Moschovia, ut vigore Il  
reciprocis declarationibus sibi quæsit, parique sub  
nciendæ hinc inde pro jisdem utiliter pacto & acceptat

mento, uti possidetis, dicto illi congressui intervenire, atque  
iam sua cum Orthodoxa Porta Pacta Pacis, uti jam Augu  
stimus Romanorum Imperator & Serenissima Respublica Ve  
ta habilitare valeant, & firmare, requirentes receptarum medi  
onum Excellentissimos Dominos Legatos, ut declarationem  
ostam, observatis tamen & prius verificatis ex parte Portæ  
orthomanicæ supra positæ, simulane ad hanc declarationem Pro  
tus, & recepti similis instrumenti, Nobis ad effectum con  
hendæ Dominorum Principaliū obligationis, huc remitten  
Circumstantiis, Portæ Orthodoxicæ insinuate, atque etiam ex  
dere non graveatur. In quorum Omnium fidem præsen  
a declarationem subscriptione Manus propriæ & appositione  
ostri Sigilli Naturalis, firmavimus, & corroboravimus. Da  
n Vienna 23. Junii Anno 1698. Franciscus Comes Kinski,  
rolus Relyni Eves. ( L. S. )

*Wet tey teddy deklaracyey zwiazymszy essentialia, ktoreby Intere  
Posskim mioszy qvām maxima dama, & lachonem fœderis  
ri, ktore verat in eum sensum : Qvōd in locietate illa belli  
ensivi, & desensivi permanentes partes, nullo modo & præ  
tu seorsivē, etiamli optima, optima & maxime favorabilis al  
tri illarum oblata esset, acceptare debeant pacem, nisi simul  
semel in eandem utraqve pars consenserit, eandemque ac  
taverit. Et in fœdere cum Serenissimo Caro Moschovia*



Cineres, corruptionis inscii, **CONCHÆ** Nostræ  
**MAGDALENÆ**, Terræ relictæ, infirmis vale-  
tudinem, afflictis nova solatia, desperatis non fru-  
straneam spem, millenis pereuntibus infortunio-  
rum procellis causant portū securiorē. O felicem!  
ô inæstimabilem **CONCHAM! MAGDALE-**  
**NAM**, quæ non in vulgari, ast in **MARI MA-**  
**RIANO** orta, nec solūm mundo necessarias, ve-  
rū etiam Cælo appetibiles gemmas parturit.  
Vestrum inde decus maximum, **MARIANI**  
**ÆQVORIS** Navarri optimi, Stellati Montis In-  
colæ, non degeneres zelosi **PATRIS** Filij, quī  
in **MARI** hoc, talem nacti estis **CONCHAM**,  
cujus pretiosus fetus, clarius vestris fideribus lu-  
men adauget, talem favore Cælorum Seraphicæ  
cognatâ Domui **GERMANAM** sortiti, quæ San-



Orbi paterecit, aduersus quam, cito conuigant infernales Zoili, catervatim hostium irruentes Cunei, non praevallebunt.

Vix præstantissimæ **ÆQVORIS MARIANI** **CONCHÆ**, valorem animus imperiti Oratoris scrutari aggressus, lingua occultas gemmarum. Ejus qualitates enarrare exorsa, illas non dico appetitiâ sufficienter, sed nec incepisse quidem æstimandas fatetur, jamq; definit. Nonne difficile mortali genio æqualem Cælorum Margaritæ æstimare **CONCHAM**? difficile hujus modicò temporis intervallò, qualitates enumerare, quæ, tota æternitate, lingvis Angelorum narrabuntur. Taceam ego, Tu gloriare in æternum Crystallino ad faciem Conditoris Marium



excenerunt; decor illius cum haustu unico An-  
tonij perijt, Nostrae soli Caelorum Regno compa-  
randae Gemmae, quas deglutisse & ipse Avernalis  
Pluto nunquam poterat, absq; minimo mutatio-  
nis detrimento, semper servabant precium. En,  
ut his & Superum adornasset Domum, post abun-  
dè concessum splendorem suum Vniversi oris,  
MARÈ suum secuta, cuius termini Emphyreos  
excedunt limites, cum magno spectantium maero-  
re, mox gaudio, in Caelum CONCHA Nostra,  
translata. Ergone jam hâc destituta Terra, suo de-  
core privabitur? ergone gemmarum Ejus preti-  
um egestatem amplius non sublevabit mortalium?  
minimè. Gemmae in pulverem tritae (Medico-  
rum assensu) agris sanitatem propinant, Sacri  
C  
Cine-



*Apol.*  
ANIMADVERSIO

IN

IOANNEM HVLSEMANVM,  
MINISTRVM VITEM-  
BERGENSEM.

Cum Defensione Satisfactionis, ab illo in  
Colloquio Charitativo Thoruniensi  
requisitæ, & ibidem  
exhibitæ.

AUTHORE

R. P. F. HIERONYMO à S. HYACINTHO,  
Definitore Carmelitarum Discalceatorû Prouinciæ Polonæ,  
ac Concionatore Ordinario Ecclesiæ Cathedralis  
Cracouiensis.

*Exem Camaldul*  
*ope Varsavian*  
Cum Superiorum permissu.



CRACOVIAE,

In Officina Viduæ, & Hæredum Andreae Petricouij,  
S. R. M. Typographi. Anno Domini 1646.




*159*  
Ab Aduersario mota Quæstio, discendi exi-  
stit occasio. Multa quippè ad fidem perti-  
nentia, dum Hæreticorum callidâ inquie-  
tudine exagitantur, vt aduersus eos defen-  
di possint, & considerantur diligentius, &  
intelliguntur clarius, & prædicantur in-  
stantius. *S. Augustinus Lib: 16. de Ciu: Dei, c. 2.*

Ille in iudicio contendit, qui impugnat veri-  
tatem iustitiæ: & in Disputatione conten-  
dit, qui intendit impugnare veritatem do-  
ctrinæ. Secundum hoc Catholici non  
contendunt contra Hæreticos; sed poti-  
ùs è conuersò. *S. Thomas 2. 2. q. 38. a. 1. ad 3.*

*Censura siue Approbationes à principio ante hanc Colloquij  
Charitatum sunt appositæ.*

*Bien. D. I. 22*





## P R Æ F A T I O.

**A** Nimaduersionem, in importunum eruditissimi Cardinalis Bellarmini Animaduersorem, hoc libello instituo. Occasionem, quæ me ad conficiendam illam impulit, primis Capitibus illius, per historicam fermè relationem, expono. Nimirum; & contra dicta, & contra dicenda, à quodam Ministro Witembergico, IOANNE HVLSEMANO, in causâ, quæ mihi cum illo intercessit, Scriptum hoc, velut scutum oppono, meumq; Aduersarium, simul & retundo, & anteuerto. Si enim commendat Sapiens Eccles: 18. anticipata remedia, cum ait: Ante iudicium para iustitiam. &c. Ante languorem adhibe medicinam: non minùs certè prouido consilio, anticipata propugnacula aduersus hostem eriguntur. Etsi enim satis benè exploratas iam habeam vires Aduersarij mei, telaq; cognita, quibus suo more praliatur; propter quod nec adeò formidandum existimem; quia nihilominùs intelligo hominem, ex quibusdam libellis, in causâ Religionis, ab ipso vulgatis, non minùs licentiosius esse calami, quàm presumptuosi animi, opera pretium fore arbitratus sum, petulantia & elationem illius, magis humiliando compescere, quàm parui momenti, rationes illius examinando confutare: idq; motus potius insolenti eius stylo, contra Ecclesiam Catholicam, quàm dictâ occasione priuata illius mecum concertationis: taliter quidè quod hæc impulsua, illa motiua fuerit mihi causa scribendi. Propter quod studio plerumq; intersero ea, quæ sparsim in prædictis suis libellis multiplicat (quæuè alioquin specialem ex professo confutationem non merentur) quò tenue & iliberale ingenium hominis, sic Orbi pateat, ut nec suos in errore firmet, nec nostris simplicioribus imponat.



# PRÆATIO.

Et quidem, non est mihi animus, hominem conuitijs & contumelijs (ipsi familiaribus) aggredi. Nam ut dicitur Prou: 10. Qui profert contumeliam, insipiens est. Nec tamen blandiori stylo ipsum tracto, sed quandoq; acriori urgeo: quod utiq; tam Apologia naturâ, quam Aduersarij conditio exigit. Apologia quidem natura, nequaquam patitur lentius agere cum Aduersario: Ut enim ait S. Basilius in Ascetic: de verâ fide: Quemadmodum non eadem instrumenta in manus sumet, & qui prælium est initurus, & qui colere agrum velit. Similiter nequaquam eodem dicendi genere vtatur, & qui in sacrâ doctrinâ cohortetur, & qui in disputatione sibi repugnantes redarguat. Siquidem aliud est genus dicendi, quo vtimur in refellendo, aliud quo in cohortando. Et certè Aduersarium implacabilem, cruento odio Domum Christi aggredientem, & solutis licentiosiori suo stylo frenis, ac ruptis modestiæ & charitatis Christianæ legibus, acerbissima quæq; conuitia & maledicta, simul cum atrocibus calumnijs & criminationibus (ut interim priuata seponam) contra Catholicam nostram Ecclesiam, eiusq; Personas, cuiusuis nobilissimi status, iactantem, talem, inquam, Aduersarium lentis ac blandis verbis tractare, quid esset aliud, quàm ei conuiuere; immò, facinori illius consentire? Hoc genus ergò scribendi Apologeticum, præsertim contra huiusmodi Aduersarium, suaptè natura excitat in Authore iram secundum zelum, quæ rationabiliter nonnihil acuit stylum. Nam ut rectè ait S. Chrysostomus, hom: 11. in Matth: Si ira non fuerit, nec doctrina proficit, nec iudicia stant, nec crimina compescuntur. Aduersarij quoq; conditio id exposcit. Hæreticus enim est; immò hæresis Minister: cui respondendum est secundum stultitiam eius:



P R Æ F A T I O.

am eius : hoc est , ut explicat S. Cyprianus L. de singul : Cleri-  
corum : Reprehendendus, cum asperitate. Tales enim, subiun-  
git, non per Orationem, sed per correptionem reuincendi  
sunt. Hinc & Apostolus Tit : 3. homini heretico, unam, & al-  
teram correptionem vult adhibendam : quanto magis, si ille pro-  
cax & insolens fuerit. Correptio porro aliquam verborum acri-  
moniam requirit : & ideo hanc nonnunquam apposui ; etsi, ut præ-  
misi, memor Christiana & Religiosa modestia ; illius item sententia,  
Ecclis : 19. Est correptio mendax in ira contumeliosi. vel ut  
alii legunt : Est correptio indecora, in ore contumeliosi ; non ad  
verba contumeliosa, contumelijs, Ministri huius, similia, prorum-  
po, verum ab illis cautè abstineo. Eo porro stylo utor, quo vulgò SS.  
Patres, præsertim S. Hieronymus, & S. Augustinus, vsi sunt contra  
Hereticos : quos etsi non solum confutando, sed etiam confundendo,  
& corripiendo urgerent ; non tamen ideo notam conuitij, aut calu-  
mnia subierunt, sed potestatem duntaxat authoritatiuam, quam  
Ecclesia, & Scriptores Ecclesiastici supra Hereticos semper obtinēt,  
probârunt, & demonstrârunt. Ideoq̃ cum eosdem terminos non ex-  
cedam ( esto sæpius extra illos euocet Minister ) conuitij, aut con-  
tumelia reus non ero, quantumuis alioquin Aduersario non parcam.

Et quidem, cum ille longè grauiora & deteriora, undecunq̃ illa  
corradere potuerat, & quacunq̃ heretica malitia aliquando excogi-  
tare valuerat, contra Ecclesiam, & Personas illius, in suis Scriptis  
prior euulgauerit, quo iure conqueri poterit, si fortasse rigidius à me  
tractatus fuerit ? Si item ; non vltiscendo ( absit ) sed ipsum refutan-  
do, nostraq̃ defendendo, aliqua sibi, suisq̃ veraciter obiecerō, quæ ille  
maiori cumulo, nos prior aggrediendo, fallaciter congescit. Sed &  
postquam ille dixit, quæ voluit, quomodo recusabit quoq̃ audire quæ



## P R E F A T I O.

*Vollet? Postquā heretico odio omnes Catholicos status, suo spoliavit honore, quomodo sibi à Catholicis honorē aliquē iure deferri exiget? Iudicio prudentis Lectoris decernendum totum id relinquo. Illud dūtaxat aduerto, quòd licet probus quilibet Christianus priuatas offensas, mansuetā patientiā tolerandas potius quā vindicandas, aut reponendas censuerit, publicas tamen Ecclesie, & Virorum optimē de Ecclesiā meritorum iniurias, contra hereticam praesertim prauitatem, omni zelo propulsandas esse & profligandas, nullus arbitror inficiabitur, factum uē iure reprehendet.*

*Ad vltimum monitum velim Lectorem, ut si dictus Minister, contra me, vel hoc Scriptum meum, nouam aliquam rursum Machinam, cum maledictorum congerie extruxerit, non miretur, si nullum ampliùs à me, ob causas vltimis Capitibus expressas, Responsum habuerit. Ut enim S. Augustinus L. 2. de Ciu: Dei, c. 1. ait: Quis disputandi finis erit & loquendi modus, si respondendum esse respondentibus semper existimemus? Tandem, vel hoc ipso Scripto omnia illius responsa, omnesq; futuras imperitio- nes retundo & elido, ut non difficile quilibet postmodum poterit aduertere. Deniq; talium conuicta, ait S. Paulin: Epist: 27. Viuen- do melius, quā loquendo, arguimus. Porro ne Aduersarius spe impunitatis securior,umat occasionem licentiosius exorbitandi; si fortasse taliter excesserit, ut iure merito nouam exigere confutatio- nem, vel magis correptionem, visus fuerit, excitabit Dominus quem- piam alium, qui retribuet ipsi retributionem: ut non gloriatur, nec apponat ultra hic homo, se super terram magnificare.*

INDEX





## INDEX CAPITVM.


- CAPVT I.** *Occasio porrectæ in Colloquio Thoruniensi Satisfactionis, ab Hulfemano requisita.*
- CAPVT II.** *Quomodo Hulfemanus Protestatus fuerit, & contra illum Re-protestatum: atq; requisita Satisfactio ad Acta oblata.*
- CAPVT III.** *Tenor Satisfactionis oblata.*
- CAPVT IV.** *Qua ratione Satisfactio, iam in ordine ad Protocollum ad-missa, rursus leuata fuerit.*
- CAPVT V.** *Quantum Hulfemanus l. borauit, ne Satisfactio esset Pro-tocollo inserta.*
- CAPVT VI.** *Quomodo Hulfemanus ex contemptu status Monachalis fe-rebatur dedignari respondere ad Satisfactionem.*
- CAPVT VII.** *Quæ contra Satisfactionem falso obijcit Hulfemanus, con-tra libellos eius veraciter retorquentur: & imprimis insignis eius immodestia, à Luthero suo Magistro contagione quadam in ipsum deriuata.*
- CAPVT VIII.** *Eiusdem Hulfemani insolens stylus, contra omnes præci-puos status Ecclesiæ Catholice: & imprimis contra Summum Pontificem, Christi Vicarium in terris.*
- CAPVT IX.** *Eiusdem insolens stylus cōtra Cardinales, & Episcopos.*
- CAPVT X.** *Eiusdem insolens stylus contra Religiosos, & Scriptores Ca-tholicos ac totam in uniuersum Ecclesiā Catholicā.*
- CAPVT XI.** *Quomodo immeritò se læsum in Satisfactione causatur Hul-femanus, & aliquos insuper ex Disidētibus presentibus.*
- CAPVT XII.** *Quomodo immeritò causatur læsum Ducem Saxonie, & Domum Saxonicam.*
- CAPVT XIII.** *Ex Protestatione Protestantium deducitur, quæ, & ex quâ parte fuerit causa belli, contra Carolum Quintū.*
- CAPVT XIV.** *Quod Protestantium Prætextus Missam abolendi, fuit iniquus.*

**CAPVT**




**Index Capicum.**

- CAPVT XV.** *Quod authoritas Lutheri, & Philippi Melantonis, pro abrogandâ Missâ, nulla fuit.*
- CAPVT XVI.** *Quod iniquè agant Lutherani, plebi, siue subditis potestatem supra Principes tribuendo, qui arguunt aliquos ex nostris Doctoribus, potestatem Papæ saltē indirectam in temporalibus asseruentes.*
- CAPVT XVII.** *Declaratur Hulsemani, nullam illi amplius replicandam: idq; duabus de causis: primò ad evitandam contentionem; secundò ad excusandum vanum laborem, eò quòd Scriptæ eius nihil habeant solidi.*
- CAPVT XVIII.** *Amplius ex suis scriptis deducitur, quomodo nihil solidè prosequatur: ut proinde nō mereantur sua responsū.*
- CAPVT XIX.** *Tertia ratio proponitur, cur illi nequaquam sit respondendum; quia nimirum maledictis aliorum minimè deceat moueri; multò minùs illis respondere.*
- CAPVT XX.** *Agitur de Responso Hulsemani, contra Satisfactionem recentē euulgato: & vltima ratio proponitur, cur illi non sit amplius respondendum.*



**ANIMAD-**





## ANIMADVERSI O

I N

IOANNEM HVLSEMANVM,  
MINISTRVM VITEMBERGENSEM,

Cum Defensione Satisfactionis, ab illo in Colloquio  
Charitativo Thoruniensi requisitæ, &  
exhibitæ.



## C A P V T I.

*Occasio porrecta, in Colloquio Thoruniensi, Satis-  
factionis, ab Hulsemano requisita.*

**I**Ntegrum Pastoris Ecclesiastici munus est, non modò  
gregem ouilis sui omni studio bonis pascuis impingua-  
re, ab incurſu malæ beſtiæ præſeruare; quod infirmũ ſo-  
lidare, quod ægrotum ſanare, quod confractum alligare:  
verũmetiam quod abiectum eſt reducere, quod diſperſum  
reuocare: & oues domũs Iſraël, quæ à viâ iuſtâ perierunt,  
ſummâ indiſtriâ requirere, ac more & exemplo Supremi  
Pastoris, proprijs humeris ad caulas Domini reportare. Eò  
reſpexit Præſulũ Eccleſiaſticorum inciꝑti huius Regni ſolli-  
cita vigilantia, cùm in Sacra Synodo Prouinciali Varſauia  
A. D. 1643. Menſe Nouembris celebrata, ſtatuit, vt cum  
Diſſidētibus à noſtrâ Religione Catholicâ Incolis eiꝛdem  
Regni, Prouinciarumq; illi adiacentium, Charitativum in-  
ſtitue-



stitueretur Colloquium de rebus Religionis, per selectos, & ab Illustrissimis ac Reuerendissimis DD. Episcopis designatos Theologos.

Contulit ad hoc piū opus non modicum Serenissimus & Potentissimus Rex noster VLADISLAVS QUARTVS: qui tanquam Primus Motor huius negotij, & S. Synodo rem proposuit, suamq; in hunc finem operam obtulit: & ipsos Dissidentes aduocauit: & denique altissimo ac prudentissimo consilio Instructionē confectam, per omnia illi, quam Catholici Theologi ab Ill<sup>mo</sup> & Rnd<sup>mo</sup> Primate Regni, Archiepiscopo Gnesnensi receperant, conformem, Partibus porrexit.

Quoniam verò Dissidentes Regni, à Suā Regiā Maiestate postulârunt, quatenus exteros suæ Professionis Theologos liceret sibi pro subsidio aduocare; nec hoc quidē denegatum est illis. Vi cuius concessionis Dissidentes Augustani quendam Ioannem Hulfemanum Ministrum Vitembergicum euocârunt, quem etiam Theologorum suorum numeri antesignanum instituerunt.

In decursu Colloquij, cū post aliquot Septimanas deprehensum esset, magnam temporis partem inutiliter fuisse insumptam, visum est Ill<sup>mo</sup> D. Legato Regio, pro tunc, IOANNI LESZCZYNSKI Castellano Gnesnensi, (qui in locum Ill<sup>mi</sup> Principis D. GEORGII OSSOLINSKI, Supremi Regni Cancellarij, successerat) per vnum ex Collegio nostro Catholico, nimirum per Reuerendum Patrem Gregorium Szenosiū Societatis IESV, Theologū Regium, palam & in Publico confesso Partibus exponere, iacturam  
ranti



tanti temporis; non aliunde prouenire, quam ob recessum ab Instructione Regiâ instituto præsentî accommodatissima. Quibus fusiùs per Theologum nostrum declaratis, ad Sermonem illius, ex parte Reformatorum, respondit Ioannes Bergius: Ex parte verò Augustanorum, respondit præfatus Ioannes Hulsemanus. Et quidem eidem Reuerendo Patri Szenosio, obigit prouincia replicandi Bergio: Hulsemano verò, mihi, vni ex Theologis ab Ill<sup>mo</sup> & Rnd<sup>mo</sup> D. Episcopo Cracouiensi PETRO GEMBICKI, ad hoc Colloquium destinato, est oblata, & ab Illustriss<sup>o</sup> D. Legato Regio demandata.

Quoniam verò longiorem suam perorationem Hulsemanus concluderat, declarando, se, suamq; Partem, *fiduciam nunquam extinguenda Veritatis collocare in illo Maiorum suorum Symbolo*, VERBUM DOMINI MANET IN ÆTERNVM; post refutationem sermonis illius, quæ extat in Protocollo publico, visum erat ipsam quoq; suspecti nobis Symboli inuisam mentionem refellere, quod his præstiti verbis: *Disimulare non possumus, Symbolum illud Maiorum Vestrorum nobis non parum suspectum. Meminimus quippe nos legisse aliquando in gestis Germaniæ quosdam occasione & pretextu Religionis, rebellionem contra memoratum CAROLVM V. meditados (quam postmodum minùs faustis auspicijs inchoatam, tristiori fato terminârunt) hac pro Symbolo & thessera verba habuisse: VERBUM DOMINI MANET IN ÆTERNVM: eorumq; instiales literas suis Vestibus affixas pratulisse. Non opinor Clarissimum D. Collocutorem, eò suo Epilogo voluisse alludere: hoc demum quippe à scopo & indole huius Colloquij foret non parum abluere:*



*Verbum quidem Domini maneat in aeternum: At hoc Symbolum, quâ nobis est, vel potest esse suspectum, ab hoc inclyto Regno exulet in aeternum.*

## C A P V T II.

*Quomodo Hulsemanus protestatus fuerit, & contra illum reprotestatum: atque requisita Satisfactio ad Acta oblata.*

**P**OST meum Sermonem, mox Hulsemanus eiusmodi contra me intulit Protestationem: *Illustrissime & Reuerendiss: Dñe, quæ publica sunt omittam, ut illustriss: Dñus Castellanus Chelmenfis prius possit dicere. Sed hic aliquid occurrit priuatû, de quo silere tanquâ subditus Sereniss: Electoris, Domini mei Clementissimi, non possum: Verba illa quæ Rebellionē aduersus CAROLVM V. præferebant, iniuriosa sunt. Ex Actis publicis constat, qui nam illi fuerint quos & æquitas, & ius naturale cõegit arma defensua suscipere. Velle autem illa arma, eorumq; expeditionem in publico Rebellionem dicere (dabunt mihi veniam Ill<sup>l</sup> Vestra) hoc demum est quod præterire non possum. Reuoco mihi verba illa ad animum: & peto Satisfactionem fieri tam Serenissimo Principi Saxonia, qui tamen est Summus Dux, & Vicarius Imperij, & de Republ: non tam malè meritus, ut Serenitatis Suae Maiorum Arma defensua, Rebellionis crimine notari mereantur: quàm toti Domui Saxonia. Et peto, ut authoritate Ill<sup>marum</sup> DD<sup>rum</sup> VV<sup>rum</sup> referant Notarij in Acta (nisi iam id sua sponte agunt) Protestationem meam de imputatione Rebellionis.*

Subco-



Sub eodem actu Reptestatus sum, & pariter protestatus contra eundem Hulfemanum, in hac forma: *Expostulavit D. Collocutor Partis Augustanae de clausula mei sermonis. Sed quia non est huius loci negotia Ducis & Ducatus Saxonia tractare, in quocunq; alio loco & foro paratus ero respondere, & dictorum meorum veritatem comprobare. Atq; ita quantum opus est, contra Protestationem Domini Collocutoris Reptestor, & contra illum Protestor, &c.*

Euocatus itaq; ab Hulfemano obiectione criminis falsi, & postulatione Satisfactionis necessitatus, eam quam à me requisivit concepi Satisfactionem: Et quoniam, (non obstante eo, quod me reuocabam ad alium locum & forum competentius, in quo causam hanc cum Hulfemano transigere) deprehendi Protestationem Hulfemani, & postulationem Satisfactionis per me faciendæ Actis Protocolli publici huius Colloquij, ad eius instantiam, fuisse insertam: non modo iustum, sed necessarium quoq; arbitratus sum, imò & Supremorum Regni arbitrio inductus, quatenus alterius loci vel temporis opportunitatem non expectando, ad eadem Acta Protocolli Satisfactionem meam offerre, ut ibi inserta reperiretur, ubi requisitio eius vrgebatur.

Igitur die 28. Octobris congregatis simul Illustrissimis & Perillustribus DD<sup>is</sup> Legato Regio, & Deputatis Partium; scilicet, Partis Catholicæ, Augustanæ, & Reformatæ (ut vocant) & in præsentia omnium septem Notariorum huius Colloquij, dictam Satisfactionem, quam à me requisivit Hulfemanus, & ipsum ius naturale defensionis extorsit, præsentavi, atq; ad Acta Publica obtuli, & ut iisdem Actis



infereretur, postulauit in hunc modum : *Illustrissimi Dñi,*  
*Cum in ultimo quem habuimus publico confesso, Clarissimus D.*  
*Collocutor Augustanus contra me protestatus fuerit, quasi in ser-*  
*monem meo Serenissimo Principi & Electori Saxoniae, suisq; Ma-*  
*ioribus, crimen Rebellionis contra CAROLVM V. (quod ne*  
*cogitauit quidem) imposuissim; & super eo postulauit per me fieri*  
*Satisfactionem: ne & postulationi eius defuisse, & Serenissimo*  
*Electori eiusq; honori detraxisse, & in probatione eorum qua dixi*  
*defecisse, vel succubuisse videar, Satisfactionem quam expo-*  
*suit D. Collocutor, exhibeo, & presento. Quoniam verò tam*  
*Protestatio D. Collocutoris Augustani, quam postulatio Satisfa-*  
*ctionis, Actis publicis est inserta, pariter & ego a quo iure postu-*  
*lo, vt requisita ab illo Satisfactio mea, Actis quoq; publicis inse-*  
*ratur. Quàm postulationem, cum Illustrissimus D. Lega-*  
*tus, & DD. Deputati æquam esse recognouissent, Actis inle-*  
*ri mandârunt, ea conditione, à DD. Dissidentibus apposi-*  
*ta, vt liceret D. Hulfemano ad eam respondere, & respon-*  
*suum illius Actis quoq; inferere; Porro Satisfactionis meae*  
*tenor erat, vt sequitur.*

### C A P V T III.

#### *Tenor Satisfactionis oblata.*

**N**Vnquam extinguendæ Veritatis fiduciam, Clarissimus  
D. Collocutor Partis Augustanæ, in illo Maiorum suo-  
rum Symbolo, VERBUM DOMINI MANET IN Æ-  
TERNVM, ad calcem sui sermonis collocauerat. Illi cum  
ex ordine Ill<sup>mi</sup> D. Legati Regij, totiusq; Partis nostræ Ca-  
tholicæ

tholicæ responderem, dictum Symbolum Maiorum suorum, tanquam Symbolum Rebellium, adeòq; meritò suspectum, improbaui: Ac proinde potius extinguendum, atq; à nostro inclyto Regno eliminandum, quam Veritatis nunquam extinguendæ fiduciam in eo collocandam, pronunciaui. At D. Collocutor Symbolum suum, Maiorūq; suorum, non eo applausu, quò à se prolatum putabat, à nobis exceptum fuisse, mirum in modum doluit, ægerrimè tulit, nec in ipso amplissimo confessu conceptū angorem dissimulare valuit. Porro tam alterati animi sui affectionē, eo obduxit colore, quasi arbitraretur Sereniss: Electori Saxoni-  
eo (cuius se profitetur subditum) haud modicum præiudici-  
cium illatum, quod in illa celeberrima & frequēti Panegy-  
ri, de Rebellionē contra Augustissimum Imperatorem CA-  
ROLVM V. fuerit insimulatus. Quapropter tanquam de  
gravi iniuria suo Sereniss: Duci & Electori, irrogata, præfatus  
D. Collocutor August: conquestus est, & solenniter prote-  
status, Satisfactionemq; eā de causa debitam, per me fieri  
requisiuit. Sub eodem Actu & Reprotestatus, & pariter  
protestatus sum (sicut & nunc de facto iterum Reprotestor  
& Protestor) contra eundem D. Hulfemanum Collocu-  
torem Augustanum, quòd Actum Colloquij Charitatiui,  
Causis sui Ducis & Ducatus Saxonix, ad præsens Colloquiū  
non spectantibus inturbaret: Simul nihilominus spo-  
pondi me in omni loco, & quouis alio foro promptum fu-  
turum ad dictorum rationem reddendam, & assertam Ve-  
ritatem comprobandam. At ne fortassis arbitretur, me in-  
danda Satisfactione ab eo requisita, tergiuersari, visum est,  
non am-



non amplius differre, quòd vel ipse libenter me præstiturum promisi. Hinc porrò rem exordior.

Importunè admodum D. Collocutor Augustanus in medium Charitatiui Colloquij attulit Symbolum Maiorū suorum, quòd ex notissimis Historijs vix suspicione vacare poterat. Eo enim Symbolo, & Lutherus suam suorumq; non modo ab Ecclesia Catholica Romana secessionem, sed etiam illius apertam impugnationem, honestare voluit: quasi pro Verbo DE I satageret: pro Verbo DE I contra Ecclesiam Catholicam decertaret: Verbum DE I à traditionibus vindicaret. Sic nimirum Verbum DE I, DE I Verbo, Verbum traditum, Verbo scripto suppressere conatus est: illud intendēdo, vt Verbum Domini, sine Verbo Domini, maneret in æternum.

Eo Symbolo & illi qui prætextu nouæ Religionis Luthero adhæserant, suam venustârunt Rebellionem. Cum illo quippe Symbolo, ad Augustana accesserunt Comitia, vbi prima Cõfoederationis Protestantium iacta sunt Semina: In Comitijs postmodum Spirensibus, vbi apertius eadem Cõfoederatio assurgebat, idem Symbolum magis firmârunt, quinq; illis initialibus literis V. D. M. I. Æ. Phrygio opere etiam pedisequorum, & stabulariorum manicis intextis ostentantes. Tandem in Conuentu Smalcaldico, vbi demum Cõfoederatio formata, in flammæ belli Smalcaldici erupit, illud idem Symbolum Vniuersim ab omnibus receptum est. Sic Rebellio cum illo pullulauit Symbolo, cum illo adoleuit Symbolo, cum illo ad crudam maturitatem peruenit Symbolo. Quamobrem importunè in-

quam

quam D. Collocutor August : adeò suspectum Symbolum (non quia in se malum, sed quia malè vñrpatum) Symbe- lum inquam, in Religione diuulsionis, intulit in Consilium reconciliationis: Symbolum dissidij, & Rebellionis, inue- xit inter studia pacis & vnionis. Tanto magis verò creuit nōnullis prædicti Symboli suspicio, quod per hominē Duci Saxoniae à bellicis (vt intelleximus) consilijs, familiarem, Sago magis quàm Toga celebrem, plus in tumultuosis, quàm pacificis negotijs exercitatum, inuectum fuerit.

Sed nec minùs incompetenter malè inchoatum, pro- secutus est opus : dum quòd ante minùs cautè protulit, tam tenaciter postmodum defendit, atq; interpositâ suâ Prote- statione, à negotio præsentis Colloquij Charitatiui, præ- textulæsi honoris Ducis Saxoniae, ad Historiarū Cōtrouer- sias; à disceptatione de Veritatibus Theologicis, ad extra- neas de Rebellibus Imperatori CAROLO V. cōcertationes; ab Ecclesiasticis causis, ad Politicas cum externis Principi- bus difficultates, nos auocare & distrahere voluit, occasio- ne vel à se ipso primitùs porrectâ, illius nimirum sui, suo- rumque Symboli, mentione importunâ.

Iam certè D. Collocutori mens Regia, & scopus huius Colloquij luculenter fuit expositus. Non hîc danda vel quærenda erat occasio ad peregrina deflectendi. Non hîc campus erat Politica negotia tractandi. Non causas Prin- cipum, vel impugnandi, vel propugnandi. Non lites bel- lorum componendi, aut excitandi : Sed in pace & tranquil- litate animorum, veritatem fidei Charitatiuo Colloquio indagandi : & modum quo in vnitatem eius conspiretur, inuesti-



In primo sermone, qui continetur in Actu Probocelli.

inuestigandi. Non quod Fides nostra Catholica cuiquam (quemadmodum latius antè insinuauimus, & iterum nunc amplius inculco) discussioni à nobis, quasi illius veritatem nunc primum exquirentibus, subiicienda foret. Non quod à Vobis nunc primum, an rectè credamus? quid uè credendum sit? discamus, aut doceri cupiamus. Infirmi est in fide quærere quod credat, & languere circa quæstiones, ut 1. Tim 4. vocat Apostolus: *Quando anima* (ait S. Chrysostomus) *cogitationum vincitur febre, quando ambiguitatis iactatur fluctu, tunc quærit: Cum verò illa sana est, non quærit, sed fideliter credit.* Quin & tardè nimis, imo periculosè quoque vitium est, aliquando S. Ambrosio, post tria sæcula (quanto magis nunc post decem & sex sæcula) Fidem nostram Catholicam quæstioni exponere: *Nouerimus*, inquit S. Doctor, *non sine magno discrimine de Religionis Veritate dubitamus, quam tantorum sanguine confirmatam videmus. Magni periculi res est, si post Prophetarum oracula, post Apostolorum Testimonia, post Martyrum vulnera, veterem fidem quasi nouellam discutere præsumas: & post tam manifestos Duces in errore permanear, & post morientium sudores, otiosâ disputatione contendas.* Hæc ille Magnus Ambrosius, de cuius ore nectar & ambrosia fluebat.

Eo itaq; sine huc conuenimus, cæterosq; in Religione Dissidentes, florentissimi huius Regni Incolas inuitauimus; externos quoque, si illis visum fuisset, pro subsidiarijs, non autem pro Moderatoribus, & Præsidibus ipsorum (quod quidem factum S. R. M. D. N. Clementiss: in literis ad suum Regium Theologum datis, velut suæ intentioni contrarium,

rium ægerrimè tulit ) eâ item conditione ( quam eadem S.R.M. in alijs literis ad DD. Dissidentes datis exprimēdo cauit ) quatenus genio Patriæ nostræ sese accommodarent, aduocari passi sumus : non ut ab illis , si quid per nos fortè erratum est in fide, disputando erudiremur : securi Fidem nostram Catholicam nulli prorsus errori obnoxiam : Sed ut Incolis Regni nostri, & Prouinciarum illi adiacentium, qui ab Ecclesia nostra Catholica, quam dicunt Romanam, descuerunt, opportunum aliquod reconciliationis mediū porrigeremus, depuratis Fidei nostræ dogmatibus, ab horridis ijs imputationibus, quibus malignitate nonnullorum conspersâ Religio nostra plures deterret : exemptis quoq; placidis modis, & tranquillâ disceptatione, si qui fortè de aliquibus eiusdem Fidei nostræ Articulis, scrupuli mētibus eorum hærent. Finem hunc D. Collocutorem Augult : aliò diuertere ægrè admodum sustinemus.

Tandem si suspectum illius Symbolum à nobis æquâ ratione, ( ut visum est ) repudiatum fuit , inde nequaquam iusto prætextu ansam tantæ offensæ sumere debuit , multò minus tanto conatu prætensam retundere : magis autē memorem esse oportebat, quâ lenitate & dissimulatione ea exceperimus, quæ ipse acrius, & contra Partem nostram Catholicam, & inprimis contra Amplissimum Regni Senatorem, & S. R. M. D. N. Clementissimi Legatū Illustrissimū D. Castellatum Gnesnen : declamauit, cum præsumptionē, & præsumptam licentiam, mentem interpretandi Regiam per Theologum Regium, licentiosius ei obiecit : cum clarâ illius, Regiæ Instructionis interpretationem, ceu ineptam,



publicè ausus est censoriâ virgâ notare, illam Regiæ Instructionis Caliginem appellans : Cæteraq; ea libertate protulit, vt læsam Senatoriam dignitatem, imò & Regiam ( cuius ille personam gerit ) Maiestatem, aliâ profectò confutatione, suâq; præsumptione dignâ, oportuisset vindicare, nisi lex & conditio Charitatiui Colloquij, ac insignis Ill<sup>mi</sup> D. Legati Regij animi moderatio, Aduenæ ignoranti, quo honore in hoc Regno dignitas Senatoria habeatur, condonandum censuisset.

At nunc ille tantam expertus benignitatem, nodum quærit in scyrpo, & in modesto satis responso meo, fingit se inuenire quod exagitet. Quoué suam amplius exageret offensam, læsum Ser: Electoris & Ducis Saxonix opponit honorem, suâ vindicandum opera. Ser: quidem Duci Saxonix, quemadmodum & alijs Principibus externis, probè scimus in hoc Regno, quantum, & in quo gradu sit deferendum: at sicut cum eis nihil pro nunc agendum habemus, ita nec ab illis ad ius vocari formidamus. Habeant illi sua nunc cum cæteris Principibus, quæ accõmodent ratione status negotia, mihi pauperi Religioso cum illis, vel ipsis mecum, haud æquum est certare.

Cæterum non defuerunt multi ex Auditoribus qui Ser: Electorem & Ducem Saxonix per ipsum potius D. Collocutorem August: suum Subditum, quàm per me & in honore læsum, & malæ reputationi expositum fuisse censuerint. Cùm enim de quorundam Rebellionem in Germania loquerer, nullamq; Ser: Electoris & Ducis Saxonix mentionem facerem, D. Collocutor August: inter illos ipsos Rebelles

Rebelles, minùs cautè suum Principem retulit, ipsumq; fuisse palàm prodidit : quod alioqui vel ignorasset Auditor, vel de alio quopiam ex plurimis illis, qui eodem Symbolo Rebellionis vñ erant, cogitasset. Adeoq; iudicio cuiusvis prudentis, modernus Ser: Elector & Dux Saxoniae, non à me, sed à suo Subdito, de crimine Rebellionis contra CAROLVM V. disertis verbis, sed reuera falsis, (vt post videbitur & vindicabitur) traductus est.

Propter quod meritò fidelis quispiam alius eiusdem Ser: Ducis Saxoniae subditus, si præsens adesset, contra D. Collocutorem August: solemnem interposuisset Protestationem, quod Ser: sui Ducis & Electoris nomen ac honorem, in tanta populi frequentia, ac in publico confesso, graui exposuit discrimini. Et vel ego ipse in defectu alterius, eam contra illum pro Seren: Electore & Duce Saxoniae, in amplissima formâ, solemnissimam infero Protestationẽ, Actisq; Publicis inferi postulo.

Tantò magis quod iniquè admodum & falsò, eam quã dixi, contra CAROLVM V. Rebellionem (recentiora enim non scrutor) applicatam voluerit moderno Ser: Electori & Duci Saxoniae, vel eius Maioribus. Non enim ille, vel sui Maiores, contra CAROLVM V. in ea, cuius memini, occasione fuere Rebelles, sed potius Ioannes Fridericus Familiae Vinariensis: cuius quidem Rebellionis crimen, & Electoratu, & magnâ suarũ Possessionum parte, illum spoliavit: ad Maiores verò moderni Ducis, & ad ipsum consequenter Ducem modernum, & eandem dignitatem Septemviralem, & easdem Possessiones transtulit. Adeoq; il-



lius Rebellio, huius (vt sic loquar) occasionaliter fuit exaltatio; illius calamitas, huius prosperitas; illius & facinoris & poenæ, ignominia; huius in Successione, & tituli & honoris gloria. Porro eundem modernum Ser: Electorem & Ducem Saxoniae (cuius scilicet D. Collocutor se subditum profitetur) cum illo altero Rebelli CAROLO V. confundere (quod nec dixi, nec quisquam gnarus Historiæ, dicere, vel cogitare poterat, nisi iam fortè occasione dictorum D. Collocutoris aliquid simile conceperit) est manifestè claritudinem illius non leui iniuria & falsitate obscurare, ac honorem denigrare.

Arbitrum vel ipsum Ser: Electorem hac in causa non recusarem, quò decerneret, à quonam magis læsus fuerit, num à me, qui nec Ducis, nec Ducatus Saxoniae, cum de Rebellibus loquerer, vllam vel minimam mentionem fecerim? num à suo subdito, qui dum de Rebellibus agitur, vbi non desunt alij, quibus veraciter crimen Rebellionis imputatum legitur & noscitur, ille suum denotari Ducem, minùs prudenter & reuerenter indicauerit? Iterum proinde contra D. Collocutorem August: meo, totiusq; Partis nostræ Catholicæ nomine, pro Ser: Electore & Duce Saxoniae, solemnissimam instauro Protestationem, quòd ille falsum crimen Rebellionis suo impegerit Mecænati.

Quòd si D. Collocutor in eo putat factam moderno Ser: Electori & Duci Saxoniae iniuriam, quòd suo Antecessori, esto non suæ lineæ, notam Rebellionis inusserim, ineptè admodum noxam, Prædecessorum, affixit Successoribus. Quis enim pijssimis modernis Imperatoribus Romanis in-

nis infame & ignominiosum fore censeat, quòd aliqui ex suis Prædecessoribus in Imperio Romano fuerint Neronēs, Caligulæ, Domitiani, Diocletiani, cæteriq; Impij gentiles & crudeles Tyranni, quorum utiq; moderni Imperatores non impietatem & crudelitatem (quod demum esset infame) amplectuntur, sed potiùs præclaras opponunt Virtutes Christianas? Simili modo Seren: Electori & Duci Saxoniae non oberit sanè, quòd aliqui ex suis Antecessoribus fuerint Romanis Imperatoribus Rebelles, quamdiu ille in fide datâ ijsdem Imperatoribus, firmus & constans perstiterit.

Si demum D. Collocutor August: non tam moderni Sereniss: Electoris & Ducis Saxoniae, eiusq; Maiorû, quàm prætextu illius suæ Gentis Saxonicae causam agat, nec libenter de crimine Rebellionis contra CAROLVM V. illam accusari audiat, vel ea nota insigniri patiatur, litem immensam contra plurimos Historiographos mouet. Illos accuset, qui hoc perpetuis consignarunt monumentis: me verò interim excuset, quod in fide illorum in ea parte Germaniae (à me quidem suppressa, ab ipso expressa) Rebellionem contra CAROLVM V. motam, ab ijs qui memoratum Symbolum vsurparunt, recensuerim. Rebellionem planè apud Historiographos vocatam, bellum illud Smalcaldicû, plurimorum ex nostris Scriptoribus Catholicis autoritate euincere possem: at quia fortassis illi, D. Collocutori suspectæ fidei forent, vel vnus sui, adeoq; non suspecti, sed nec postremæ notæ apud suos Historiographi Sleydani testimonijs, hoc ipsum comprobabo. Quem Tom: 1. lib: 19. paulò post principium, inuenio referentem, qualiter Cæsar  
in lite-



in literis ad Ordines Mauritianos datis, testatur se ad reprimendā Ioannis Friderici Saxonis *audaciā atq̃ Rebellionem*, iter esse ingressum. Et non multò post rursum : *Capto*, inquit, *Saxone Caesar, Vitembergam petit*, eoq̃ *cum exercitu die 4. Maij peruenit* : & triduo post, *Ioannem Fridericum ob Rebellionem*, ut ait, *Capitis damnat*. Subiungit postmodum Saxonem conditionibus quibusdam à Cæsare propositis, & acceptatis, *vitam redemisse*. Inter quas cōditiones illa quoque tunc erat, ut *dignitati Septemuirali*, tam suo quàm *liberorum nomine renuntiaret*, & *Cæsari ut pro suo statuere arbitratu, permitteret*. En quomodo CAROLVS V. ob crimen Rebellionis primò Capitis damnat, deinde poenam Capitalē condonans, Electorali dignitate Saxonem illum, eiusque liberos priuat.

Sed *Defensionem*, non *Rebellionem*, inquit Collocutor August : tunc Saxo meditabatur. Mihi sufficit, dictum ut vindicem meum, bellum illud *Rebellionem*, non *Defensionem* à pluribus Historiographis vocatam, & à Cæsare, teste ipso Sleydano, habitam, & ut talē mulctatam fuisse. Et certè bellum illud contra Imperatorem CAROLVM V. in fædere Smalcaldico conclusum, non est dubium bellum fuisse Civile, siue intestinum, inter Dominum & Subditos ; vel ergo ex parte Saxonis iustū fuit bellum vel iniuitum : Si iniuitum, manifesta fuit *Rebellio* ; si iustum, Cæsaris prætexet *Tyrannidem*. At præstat in fide tot Historiographorum, Saxonem vocare Rebellem, quàm temerè Cæsarem appellare Tyrannum.

Tanto magis quod & ipse Lutherus, teste Sleydano,  
Lib: 8.

Lib : 8. non multò post principium, semper docuerit Magistratui non esse resistendum : *Et extabat*, inquit, *eius de hac re libellus*. Imò aliquando dixerit, ne Turcis quidem bellū inferendum defendendæ Religionis causā. Et in Epistola ad Ioannem Saxonie Principem scripta, quæ Tom : 6. Oper : Luther : Edit : Ien : fol : 31. habetur, disertè ait : *Secundum Scripturam nullo modo permissum esse, ut quisquam qui Christianus esse vult. Magistratus se opponat, siue is iuste agat, siue iniuste, sed Christianus vim & iniuriam pati debet : præsertim à Magistratu*. Et fol : 32. *Quam diu*, inquit, *Cæsar manet Cæsar, nemo ei obedientiam negare debet, aut ei resistere ; Nam hæc esset Rebello, & seditionis excitatio. Quamobrem iuris illud pronunciatum. Vim vi repellere licet : nihil huc confert : cum non habeat locum aduersus Magistratum*. Sic Lutherus, eo qui Magistratui, aut Cæsari, non modo iuste, sed etiam iniuste agenti, vel ipso quoque ( vt inferius loquitur ) *defensionis Evangelij Titulo*, aut prætextu sese opponerent, crimine *Rebellionis & Seditionis* notat, quamuis postmodum & ipse, auctis viribus suorum, ac bellis alijs impedito Cæsare, sententiam in Conuentu Vitembergensi Anno Domini 1539. mutauerit. Et quam antea Sacræ Scripturæ locis firmauerat, illisq; nixus docuerat, Christianum hominem Subditū suo Principi, etiam iniuste agenti, non posse salua consciētia sine nota & crimine Rebellionis, nec pro defensione quidē Evangelij resistere; iā contra Scripturas à se allegatas, ( quas tamen vnicè se venerari iactabat ) placitis & deliberationibus quorundam Iurisperitorum, teste ibidem Sleydano, subscripsit, & conscientiam submisit : imò ad opponendū

C

sese



fese in tali casu, non modo Turcæ, sed etiam ipsi quoque Christiano Principi, necessitauit; vbi alioqui ex scripturis tolerantiam seruandam monuit; Atq; ita Regulæ Iuriscōsultorum ignorātiā hactenus pratexens, (teste ibidem Sleydano) ei iam cognitæ libenter acquieuit, quam antea dum viribus cum suis esset debilior, minùs sibi commodam iudicauit: Euangelium scilicet legibus Politicis, & temporibus accommodans. Sed iuuat Lutherum, vt Theologum potius, quàm vt Iurisperitum suis opponere.

Hic porrò addo: occasionem, quā sumpserint arma Confessionistæ, contra Cæsarem, non aliam fuisse, vt constat ex Historijs (quātumuis conetur id speciosis eluere verbis Sleydanus citatus) quā quòd Cæsar in Comitijis Augustanis Anno Domini 1530. ex consensu Catholicorum Principum, ac Statuum Imperij, Confessionem Protestantium iudicans pluribus erroribus refertam, publico decreto reprobauerit: Camera item Cæsarea Protestantes, vt ab iniqua, & foederi Religionis apertè contraria, Monasteriorum & Ecclesiarum occupatione abstinere, & iniuste occupata restituerent, adegerit. Hinc quippe Confessionistæ, præeunte Saxonix Duce, & incitantibus Prædicantibus, iā Augustæ auspiciatū, Smalcaldix postmodum consummatū fædus, aduersus Cæsarem, aliosq; Principes Catholicos ineunt, ac temporis progressu, adiunctis sibi pluribus & Imperialibus Ciuitatibus, & externorum Regum auxilijs, pecunias, arma, milites colligunt. Et quod in subsidium Cæsari contra Turcam denegarunt, contra ipsum Cæsarem conuerterunt, eiq; bellum Civile intulerunt: Eo colore suam iustifi-

iustificantes causam, quod id aggredierentur pro defensione prætenſæ Religionis ſuæ, cui vim iniuſtam à Cæſare inferri cauſabantur. At quis prætextum illud ad excuſandâ Rebellionem ſufficere iure merito arbitretur, quod Cæſar noua pro tunc, nouiterq; exorta in Religione diſidia, cum graui Imperij detrimento & perturbatione, pro officio Principis compescere, & vel ſaltim, ad futurum Concilium generale diſſerre ſatageret? vrgeretq; quò Eccleſiæ ac Monasteria occupata, cæteraq; bona Eccleſiaſtica, Eccleſijs, alijsq; pijs locis, ab initio foundationis, pia fidelium liberalitate donata, iam autem erepta, legitimis rurfum poſſeſſoribus reſtituerentur?

Deniq; ſi D. Collocutor illum olim Ducem & Electorẽ Saxonix, non acquieſcit vocare Rebellem, ſuum Modernũ neceſſariò non recognoſcit verũ Electorem; qui utiq; non eſt legitimè in ſuis Maioribus Elector renunciatus; ſi Vinarienſis, non eſt legitimè Electoratu priuatus. Legitimè verò non erit priuatus, ſi à Crimine Rebellionis fuerit iuſtificatus: cuius Titulo duntaxat ea dignitate fuit abdicatus. Sic D. Collocutor, dum in illum olim Ducem & Electorem Saxonix eſt nimium pius, in ſuum Modernum eſt grauiter iniurius.

Sed iam iure merito quiſpiam expoſtulauerit, & dixerit? Quis horum in hoc Theatro pacifici & Charitatiui Colloquij locus? Quid de bellicis Controuerſijs, olim inter Ducem Saxonix, & CAROLVM V. hic opus erat intrudere? Quid de iure Eccleſiarum, & Monasteriorum, bonorumq; Eccleſiaſticorum à Proteſtantibus occupatorum, diſcepta-



re? Num & ea quæ hîc sum præfatus, & ea quæ in meo responso ad sermonem D. Collocutoris Augustani, specialiter de illo Rebellium Symbolo, reposui; non melius missa, quam hic tacta fuissent? Hæc pæssim pleriq; Augustanæ Confessionis homines loquuntur: & loquentur amplius. Fateor equidem, & cum illis hac in parte conuenio, nullum minus opportunum locum, quàm hunc, discursibus huiuscemodi, inueniri potuisse: multoq; satius eos omittendos fuisse. At Symbolum illud, quod omnium harum disceptationum est origo, non ego ad hoc Theatrum accersui, sed potius accersitum propulsaui, illa cautela & moderamine, qua erat, vel poterat esse nobis Catholicis suspectum: Ea nihilominus suspicione non omittens ( quantum in me erat ) ipsum D. Collocutorem purgare, quò nullam prætenderet offensam. Et quidem quâ suspectum poterat esse Symbolum illud, nequaquam ad nos Catholicos inferendum erat: neq; inuectum ab homine extraneo, à circumspectis dissimulandum. Sed nec à D. Collocutore eius, qua talis, reiectio, tam acerbè ferenda, tam vehementer impugnanda erat. Quin potius sic explosum à nobis, simul & ipsum explodere decuerat, quò rebus peregrinis finem imposuisset, seq; ab omni suspicione expediisset.

Iam enim Symbolum hoc, nobis saltem Catholicis, potuisse esse suspectum, euidenter Historijs & rationibus suprâ deductum est: atq; adeò ea parte qua suspectum, merito ab hoc inclyto Regno: addo: à toto quoq; Christiano Orbe, iussum est exulare. Aut ergò sententiæ exilij proscripti Symboli, qua suspecti, subscribit D. Collocutor, aut non subscri-

subscribit : si subscribit, quid tanto cum ardore illi patrociniatur ? Si non subscribit, vel hoc ipso suspectum etiam se ipsum manifestè prodit ; & iam opinari cogit, quod opinari nolui, se non modo suspectum intulisse Symbolum, verum & illud quâ tale, ex Regno pelli & proscribi, nequaquâ sustinere : fortassis etiam magis ac magis velle hîc stabilire. Nec deest qui deteriora suspicetur : illum scilicet per simile Symbolû, similes olim Germanicis, in Regno Conspiraciones moliri : & eo Symbolo, velut tædas quasdam ad excitandas belli ciuilis flammâs, supponere.

At nimium D. Collocutor fallitur : neq; enim Gentis nostræ ingenium ad Seditiones & Rebelliones putet tam facilè propensum. Illud potiùs persuasum habeat, Regni Incolas, esto Religione dissidètes, animis tamè sic coniunctos sibi inuicem, suoq; Principi, vt promptiores sint vitam cum sanguine, pro suæ Patriæ, suiq; Regis incolumitate profundere, quam contra hunc, aut illam, Symbola bellica sumere, armaq; vertere. Securus hîc Princeps, in finu amoris & Fidelitatis cuiusq; sui Subditi conquiescit. Vanam proinde operam, D. Collocutor non infumat : Consilia bellicosa pro suis reseruet ; nostræ verò Patriæ genio, vt Regijs requiritur literis, sese accommodet ; & Salui conductus securitate non abutatur.

Sic itaq; illius Protestationis interuentu, & dandæ sibi Satisfactionis expostulatione, atq; instantia, euocatus, in hanc descendi arenam : eòq; produxi longiorem Sermonem : Quò & Symbolum illud D. Collocutoris Augustani, Maiorinq; suorum suspectum probaui, & importunè occasio-



ne huius Symboli, eiusque propugnatione, illum nos aliò diuertere docui, & nullam legitimam offensam potuisse prætere monstraui, & incompetenter officium Patrocini pro Duce Saxoniae, contra Ducem Saxoniae ipsum suscepisse ostendi, & Rebellionem illorum (quicunque tandem illi erant) titulo defensionis excusari non posse, deduxi, & deniq; ad eam controuersiam à nostro instituto alienam, me ab illo necessitatum descendisse manifestauit: quæ omnia sine adminiculo huiusmodi, & eorum quæ fusiùs attuli, præstare solidiùs nequii.

Quam igitur à me requisivit D. Collocutor August: Satisfactionem, recipiat. In cuius exhibitione, maiori quidem qua potui efficacia, agendum censui: at intra debitos terminos Stylum cohibere curauit. Quod si fortassis Dñs Collocutori, vel cuiquam alteri, vehementiùs visus sim, egisse; cogitet me non priuatam (vt notum est) sed publicam causam defendendam suscepisse: cum non meo priuato nomine, sed nomine Partis Nostræ Catholicæ, nec non Ill<sup>m</sup>i D. Legati Regij locutus fuerim. Iniurias quæcunq; in me priuatum hominem (facto etiam Symbolo conspirationis cum alijs) quispiam regefferit, non modo dissimulauero, sed etiam velut Margaritas lubens excepero, & peccatorum multitudinem in me commissorum, charitate operiam. At ubi publica Religionis causa agitur, omni qua æquum est constantia & zelo, quamuis impetitionem, imò & ipsam impetitionis legitimam suspicionem propulsabo,

## CAPUT IV.

*Qua ratione Satisfactio iam in ordine ad Protocollum  
admissa, rursus leuata fuerit.*

**P**Osteaquam igitur hoc modo cōcepta Satisfactio mea, ad Acta fuit præsentata, & vnanimi consensu admissa, eâ conditione (quam apponi DD. Deputati Dissidentes vrgebant) quatenus scilicet liceret Hulsemano respondere, & responsum suum Actis quoq; inferere: tandem breui post Ill<sup>mus</sup> D. Legatus, & DD. Deputati Partium, considerantes controuersiam hanc magis ad priuatum & extraneum, quàm ad publicum & proprium, quod præ manibus erat, negotium spectare: attendentes insuper, quod si Hulsemanus (vt illi permissum erat) responderet, mihiq; rursus respondendi onus imponeret; sicq; vicissim vtrò citroq; responsis interminabilibus certaretur; fore futurum, vt exiguum quod restabat temporis spatium, cum dispendio principalis negotij, hisce accessorijs impenderetur: expetierunt, quatenus consentirem, ne Satisfactio mea, licet iam admissa, Actis Protocolli infereretur: summis conatibus hoc idem per intermedias Personas agēte Hulsemano.

Re itaq; maturo perpenſa consilio, iudicaui hâc in parte nō repugnare postulatis, & rationibus Illustrissimorum, & Perillustrium Dominorum, illorumq; Authoritati cedere. Arbitratus integritati causæ meæ satis consultum fuisse, quod requisitam & promissam Satisfactionem, ad Acta exhibuerim, & quod illa exhibita, in ordine ad Protocollū

accepta-



acceptata & admissa fuerit : quod illa demum sic acceptata & admissa, non me inuito ( quod neq; saluo iure æquitatis fieri poterat ) exclusa, sed requisito & beneuolè consentiente, ex iustis potius ac rationabilibus causis, quam ob importunas Hulsemāni instantias, non inserta, imò per me ipsum vltro leuata fuerit : tantò magis quod integrum mihi remanebat, rem priuatim extra Acta Protocolli cum Hulsemāno transigere. Cessi itaq; libenter hâc in parte, & causam publicam non grauatè priuato prætuli negotio : de quo ( ne forte ambigas ) sic extat in Actis Protocolli : sub eodem die 28. Octobris.

*Dum hæc aguntur: ad Confessum Illustrissimorum & Perillustrium DD. Domini Legati, & DD. Deputatorum, & Vicedeputatorum, tum & Notariorum omnium Partium, obculse R. Pater Hieronymus à Sancto Hyacintho, scripto Satisfactionem à Domino Hulsemāno Collocutore Partis Augustanae, in sessione publicâ die 3. Octobris requisitam, & à se promissam. Quod quidem Scriptum, etsi acceptatum, & Actis inscribi, & inseri permissum fuit: attamen re melius postea perpenſa, prædictis Illustrissimis & Perillustribus Dominis, visum est differentiam illam ad principale negotium minùs spectantem, neq; hic decidendam, posse multum temporis exhaurire, cuius iam parum superest: Ideoq; à prædicto R. Patre requisuerūt, ut consentiret ne illud Scriptum Protocolli infereretur: non urgente etiam ad præsens eandem Satisfactionem Domino Hulsemāno. Interposita itaq; prædictorum Illustrissimorum & Perillustrium Dominorum Auctoritati, nec non iuste rationi illorum (pro modestia Religiosa) prædictus R. Pater deferens, facile his acquieuit. Hæc ibi.*

*Quod*

Quod quidem eo consilio ex Actis Protocolli extraxi, & hic inserui ( autentico exemplari penes me retento ) ne fortè quispiam aliquas alias comminiscatur rationes, ob quas Satisfactio mea non extet in Actis Protocolli ad quæ oblata fuerat: quas omnes facili negotio refello, atq; vno ictu retundo, dum fidem Protocolli oppono.

## C A P V T V.

*Quantum Hulsemanus laboravit, ne Satisfactio esset Protocollo inserta.*

**I**Am verò rebus sic circa publica Acta compositis & ac-  
cōmodatis, libet tecum Hulsemane, quem in rei veritate  
Christiano prosequor affectu, & Christiano stylo compello,  
libet inquam tecum nonnihil familiarius exostulare,  
quid causæ fuerit, cur ( vt suprà memini ) summis conati-  
bus occurrebas, ne Satisfactio mea, alioqui à te requisita,  
publicâ Protestatione contra me interpolatâ, Actis publicis  
Protocolli inséreretur? Expectabam ego potius respon-  
sum ex tua parte promissum, quo de mea Satisfactione  
oblata, iudicium ferres, illamq; vel satisfacisse tibi indica-  
res, vel defectus illius arguendo impugnares. Sed tu non  
modo dedignatus es respondere, sed nec Satisfactionē qui-  
dem oblatam dignatus es admittere. Grandis indignatio.  
Exploratum amplius voluimus animum tuum, & vel hoc  
humanitatis officium tibi obtulimus, vt si quid fortè in illa  
Satisfactione offensuum, vel acerbius dictum, seu scriptum  
fuisset, notatum innueres: quodq; iustum & æquum vide-  
retur,



retur, moderatum fuisset, & ita demum Protocollis insertum. At nec sic quidem per tuos acquieuiti. Interrogatus sæpius per eosdem, quid tandem in illa Satisfactione displiceret? displicere totum dixisti: totum proinde tollendum fore, totum à Protocollo excludendum.

Hic porro occurrit mihi (similitudine ex parte modi, non comparatione ex parte Personarum (absit) vtendo) quod in Historia Passionis Christi Saluatoris nostri legitur: Ductus erat Christus ad Pilatum Præsidentem. Præsides innocentem deprehensum, liberum dimittere voluit. Non patitur populus Iudæorum, sed inconditis vocibus clamat: *Tolle, tolle.* Afferit Præsides se non inuenire causam tollendi illum. Respondet Iudæus, nil in speciali, sed in generali duntaxat contra Christum allegando: *Malefactor est; Tollatur.* Querit Pilatus: *Quid enim mali fecit?* Non probat Iudæus, sed vrget vociferando: *Tollatur: non affert causas cur tollatur: hoc vnicum laborat, vt tollatur.* Instat amplius pro liberatione Christi Pilatus: *Emendatum,* inquit, *dimittam.* Nec hoc quidem contentus Iudæus, sed amplius voces eius inualescunt: *Tollatur.* Non dissimilis hic modus procedendi: Oblatum est scriptum Præsidentibus publicæ pacis in hoc Colloquio: datur facultas, ad æquam postulationem (quemadmodum supra ex Actis constat) illud Protocollo inferendi. Non patitur Hulsemanus, sed clamat: *Tollatur ex Actis.* Queritur ab illo: *Ecquid mali continet?* Totum, inquit, male factum est. Vrgetur Hulsemanus. *Emendatum ergo saltem admitte.* Inualescunt voces Hulsemani: *A vertice capitis ad plantam pedis malum*

lum est. Totum tollatur. Et Pilatus quidem tanquam iniquus Iudex, adiudicauit fieri petitionem Iudæorum: at hic nil tuæ, Hulsemane, profuissent voces, ad eradendam iam admissam ex Protocollo Satisfactionem, nisi illud, quod iam dixi, intercessisset: cuius beneficio, tibi gratulare, paruo tuo lucro, nullo meo damno.

## C A P V T VI.

*Quomodo Hulsemanus, ex contemptu Statûs Monachalis, ferebatur dedignari respondere ad Satisfactionem.*

**S**ed cur non magis respōdere placuit, & refellere totum, si totum displicuit, quod tamen suppressere non licuit? Inuestigantibus nobis secretiùs, huius rei causam assecuti sumus, te quidem opus responsi suscepisse; (cuius etiam initium, à veteri quodam Prouerbio, scil: *Licentia deteriores fieri homines*; iam innotuerat nobis) sed iterum remissile dicentem: *Quid mihi cum uno vili Monacho in certamen venire?* Sic fama ferebat: vera? an, vt plerumque solet, fallà? parum moror. Elto non defuerint aliqui, qui dicerent; te hac speciosâ excusatione, euadere siue eludere voluisse necessitatem responsi, cum nil solidum ad mea reponere occurreret. Nec abnuo, te de me, quâ Religioso, ita sensisse, & talia dixisse. Nec de odio, si aliquod in me conceperis, queror; imò cum S. Hieronymo: *Gratias* Epist. 99. *ago Deo meo, quod dignus sim, quem mundus oderit.* Porro sicut familiare & antiquum est vitium Hæreticorum, odisse



Monachos, & Monachorum institutum contemptui habere, ita nec tibi ab ea consuetudine visum est recedere, quod vel hæreditario iure sortitus videris à tuo Luthero, qui exorsam sibi vitam Monasticam pertæsus, ruptis Claustri & votorum sacris, non à Monastico tantum statu, sed etiam ab Ecclesia Catholica apostatauit: & eo postmodum odio & Stylo infecutus est vitam Monasticam, qualis decuit Apostatam, imò Hæresiarcham.

Dissimilis sibi sæpè Hæresis in dogmatibus, at plerūq, similis in vitijs: simillima semper in odio vitæ Monasticæ, quam iunctis viribus, & armis semper oppugnat, & oppugnabat diuersis sæculis. Quod & S. Augustinus in Psal: 132. de Donatistis, obseruat. Ibi enim verba illa Psalmi: *Ecce quam bonum & quam iucundum, habitare fratres in unum*, perpendens, ad itatum Monasticum applicat: cuius exemplum in primitiua Ecclesia præcessisse docet, cuius & vota in eodem statu obligantia disertis exprimit verbis, quem deniq; ab Hæreticis non tam ob aliquos (quos etiam notat tunc fuisse) falsos Monachos, quàm ex alia causâ impugnari asserit. Cùm enim inquisisset, cur illi, scilicet Hæretici, insultent Catholicis de Monachis? & introduxisset eos inquirentes, quòd & moderni nostri Hæretici inquirunt, vbi in Scriptura institutum Monachorum, vel ipsum nomen Monachi habeatur? *Quid dicunt*, inquit, *illi qui nobis de nomine Monachorum insultant, qui nobis dicunt: ostendite vbi scriptum sit nomen Monachorum?* Tum demum postquam ostendisset Monachum, dici à vocabulo Græco *μόνος*, quod significat *unus*: subiungit, & ex Scriptura Monachorum origi-

*Monachus  
unde de  
Am?*

originem sic deducit. Qui ergò sic viuunt ut vnum faciant hominem, ut sit illis verè quod scriptum est: vna anima & vnum cor: multa corpora, sed non multa anima: multa corpora, sed non multa corda, rectè dicitur *μὲν οὖν*: id est, vnus solus. Tandem concludit. Meritò insultant nomini vnitatis, qui se ab vnitae preciderunt. Meritò displicet illis nomen Monachorū, quia illi nolunt habitare in vnum cum fratribus, sed sequentes Donatum (siue Lutherum) Christum dimiserunt. Hæc S. Augustinus.

En Hulsẽmane causam originalem, vnde tibi, tuisq; proueniat, quòd tam conuitiese Monachos, natā vel accersitā occasione tractetis, quòd tanto contra illos odio ardeatis, quòd institutum hoc tam acerbè impugnetis. Inimici estis vnitatis: ideò & inimici Monachorum. Meritò displicet vobis nomen & institutum Monachorum, qui nolitis cum Fratribus Christianis habitare in vnum: qui vos ab Ecclesia separastis, cui utiq; antea eiusdem Fidei professione, eorundem Sacramentorum Cõmunione coniuncti fuistis: sed Lutherum sequi magis quàm Christum elegistis. Qui enim sunt Christi, eius Sponsam Ecclesiam per Schismata non lacerant nec discerpunt: qui autem talia audent, longè sunt à Christo. Ipsi vos probate, ipsi vestras conscientias inspicite. Palam est toti orbi, non nos à vobis, sed vos à nobis prodijisse: vtinam autem nobiscum permansissetis, nec tantum scandalum in scissurā Ecclesiæ commisissetis. Hoc porrò ab antiquo infallibile signum erat Hæresis, quo S. Cyprianus Lib: 1. contra Parmenium, conuincit Hæreticos, cum ait: *Constat illos à Christo & eius*

*Hæretici  
cui Mo-  
naches  
oderint &*

*Hæresis  
signum.*



*Euangelio separari: non enim nos ab illis, sed illi à nobis exierunt. Et S. Optatus contra Donat: Lib: 1. Cecilianus inquit, non exiit à Maiorino auo vestro, sed Maiorinus à Ceciliano. Nec Cecilianus recessit à Cathedra Petri, vel Cypriani; sed Maiorinus; cuius tu Cathedram sedes, quæ ante ipsum Maiorinum originem non habebat. Deniq; S. August: veram Ecclesiæ veræ notā hanc ponit: Ipsa est Ecclesia Sancta. Ecclesia una, Ecclesia vera, Ecclesia Catholica, contra omnes Hæreses pugnans: pugnare potest, expugnari tamen non potest: Hæreses omnes ex illa exierunt, tanquam sarmenta inuulsa de vite præcisa: ipsa autem manet in radice sua: porta inferorum non vincet eam. Hæc verus ille alumnus Ecclesiæ.*

*Lib: 1. de  
Symbolo,  
c. 5.*

*106 32.*

*Iam igitur non miror Hulfemane, quod cum vili hoc Monacho nolueris certare calamo. Attamen Conceptum sermonem tenere quis poterit? Obtinebisne illud à te, nullum vt responsum scripto Satisfactionis meæ reponas? Non tam faciliè puto id tibi persuaderis: difficilè & ego crediderim. Quos enim astus passus es? sicut quondā Petiliano scripsit S. August: l. 3. quanta cordis tempestate fluctuasti; cum legisses ea quibus tuam contra me importunam & acrem Protestationem, de imputatione Rebellionis tuo Duci Saxonie, reruderam? Imaginabar te hætenus, Hulfemane, velut alterum Eliu, talia in corde tuo agitantem: Respondebo & ego partem meam & ostendam scientiam meam. Plenus sum enim sermonibus, & coarctat me spiritus uteri mei. En venter meus quasi mustum absq; spiraculo, quod lagunculas novas dirumpit. Loquar: & respirabo paululum. &c. Quid tandem illud quod parturis? An fortassis licebit dicere:*

*Partu-*

*Parturiunt montes: nascetur ridiculus mus?*

Quomodo ridiculus mus, qui natus est rodere? Ridiculum dixerim rodentem? Ridiculus plane mus. an quia dū rodit panem, ridet saturatus, damnumq; faciens? an quia dū rodit ferrum, ridetur, quòd rodendo damnum suis inferat dentibus? Sic profecto expecto à te responsum aliquod, adinstar quidem muris rodens: sed erit apud me ridiculus mus: non qui mihi damnum inferat, sed qui sibi dentes arterat. Ideoq; vel anticipatè scutum huius Apologiæ tuis eludendis dentibus, tuiq; elidendis iaculis oppono, atque à varijs siue voce-tenus obiectis, siue deinceps Scripto obijciendis Satisfactionem meam vindico; teq; præoccupo.

## C A P V T VII.

*Quæ contra Satisfactionem falsò obijcit Hulsemanus, contra libellos eius veraciter retorquentur: Et inprimis insignis eius immodestia à Luthero suo Magistro, contagione quadã in ipsum deriuata.*

**O**mnis alijs futuribus, vel iam antè occasionaliter solutis, vel faciliè à quouis prudenti soluendis; duo potissimum cōtra Scriptum Satisfactionis meæ, per tuos Mediatōres vrgebas Thorunij (rem notam loquor, quoniam agebatur in præsentia Illustrissimorum, & Perillustrium DD. Legati Regij, & Deputatorum, ac Vicedeputatorum Partium) nimirum quòd & metas modestiæ Religiosæ excefferim, & offensus a pieraq; inferuerim. De utroq; horum ratio plenior mihi reddenda.

Ac in-



Ac in primis quidem sicut Cæcum, nemo sanus iudicem adhibet colorum, ita nec ego modestiæ Religiosæ Censorem, Instituti Monastici osorem facile admisero. Attamen quia vel importunè te in officium Censoris ingeris, ostendas velim, in quo canones Modestiæ transgressus fuerim. Num fortassis talia, hisuè similia, in meâ Satisfactione adfero, qualia tu plerumq; in tuis libellis fatidiusculè soles inferere, quæ rubor quidem prohibet, ne hic transcribam, vrget tamen iusta ratio, tuam vt instantiam retundam: & tua Scripta, meo contraponens, iustificer vel ipsis ab iniusta tua imputatione. Dabit veniam Lector honestus, quod ea referam, quæ ab honestis ægrè leguntur, nedum scribuntur.

Quàm tibi frequens est, Hulsemane, illud sordidum tuum, quo nostros impetis, adagiū: *Contra solem mingere*: Sic (præter alia loca) in Manuali contra Hagerū, fol: 120. & f. 1251. In Animad: fol: 99. & passim aliàs. Siccinè tua Scripta digna non erant meliori conspergi liquore? Taliter à te irrigata, quid mirū quòd tam putridos deinceps flosculos producant? Quàm lasciuiæ deinde sunt illæ tuæ similitudines, quibus non tam rem explicare, quàm venereum ingenium impudicis verbis, criminationibusq; adiunctis, prodere videris? Quale est illud in eodem Manuali fol: 264. *Nunquid Monachus qui paulò ante intendit seruare votum castitatis, & nunc intendens stuprare Nonnam dicitur habere intentionem seruandi castitatem?* Et fol: 105. *Concludam verò similiter. Qui Monachus non credit se grauari Umbra Monialis quàm corpus præstat, is neq; credit se grauari corpore Monialis, quod Umbram præstat.* Et fol: 935. eludens illam authoritatem, lob 15.

*Ad ali-*

*Ad aliquem Sanctorum conuertere*: qua aliqui Catholici Doctores vtuntur, ad comprobandum dogma de Inuocatione Sanctorum; egregia sanè, apposita, & digna tuâ indole similitudine explodis, dicens: *Si quis Monachus ex Breuiario diceret: Conuertere anima mea in requiem tuam. Vel legeret ex Prouerbijs: Ad os suum eas conuertit. Nunquid ferret talem interpretem: Hic Monachus conuertit se ad unam cellam Monialium: Eas, conuerteret ad os suum?* Piget plures huiusmodi factores tuos (mitiora in tali crimine suggere vocabula) huc adducere. Tibi quidem tuisque, talia, lepidæ videntur facetiæ: at cuius honestatis amico sunt spurcitia. Ex abundantia cordis os loquitur Hulfemane: loquela tua te manifestum facit. Egregium sanè Ecclesia Vitembergica habet (vt se vocauit) Ecclesiasten: Purum puri Verbi Dei præconem.

Verè videris Magistri tui Lutheri, nō postremus discipulus & Academiæ eiusdē Lutheri, (vt scribis) Professor. Te ipsius commensalem dixissem, si coæuus fuisses. Saltem de fragmentis Colloquiorum Mensalium Lutheri, & de micis illis cadentibus ex mensa Magistri tui, velut catellum ipsius non dubito te haud pauca collegisse. Esto enim talia sint illa, vt plerique tuorum, tuque ipse alicubi, nolis ea pro fetu Lutheri agnoscere: at negare non potestis primos Lutheri discipulos, ipsosque eius intimos familiares, & in siccandis calicibus strenuos socios, in magna hæc, velut Oracula quædam, reputatione habuisse: adeo quod vnus ex illis, isque Collector huiusmodi Colloquiorum, Aurifaber vocatus, scribat: *Salua conscientia & Religione, se non potuisse amplius*

*Colloquia  
mensalia  
Lutheri.*



*tantum Thesaurum Colloquiorum Mensaliuncelare, & veluti pretiosum talentum in sudario inuolutum abscondere, ne fortassis se mortuo funditus interirent. Quamobrem operam datam esse, ut quamprimum typis describerentur, descriptusq; Ecclesia Lutherana salubriter tanquam micis de mensa Lutheri delapsis uteretur, famemq; & sitim spiritualem hisce sedaret. Sed nec ullo modo ferri debere, ut talia Colloquia de rebus sublimibus digna quouus honore, & pretio, in tenebris tandem penitus obliterentur. En quanti æstimata sunt illa Colloquia, quæ vndiq; Diabolis porcis, stercoribus, lasciujijs insulsis, & inhonestis prouerbijis, vel facetijs scatent, quæ non mensam Theologorum, sed scurrarum potius (nequid deterius dicam) decebant. Scilicet talis decebat vobis vt esset Propheta, Apostolus, Euangelista, iuxta Elogia quæ illi soletis attribuere. Talis decebat vt esset Ecclesiæ (quod præsumebat) Reformator, corruptorumq; morum corrector. Talis deniq; decebat vt esset vindex puri & casti eloquij DE I. O misera gentes, quas ille seduxit.*

De hac itaque mensa Lutheri Hulsmane, eructas tu quoq; in tuis Opusculis, minùs digna viro honesto atq; modesto: Vt multò æquius tibi obiecerim summam immodestiã, quàm tu sine causã mihi opponas, cùm nil similium possis in meo Scripto designare. Cæterùm rem assumptam cõtra Aduersarium, citra omne indecorum verborum strenuè premere, (quod ego feci) nequaquam, est modestiæ contrarium: oppositum potius ignauiæ symbolum.

*1. Cor. II.* Accipe S. Bernardum *Lib: de Consider: ad Eugen:* qui locum illum Pauli expendens, vbi Apostolus cum quibusdam ex-

dam expostulat, quod libenter sufferant insipientes, & si quis extollatur, si quis in faciem cædat, &c. ne quis fortè putaret laudem hîc aliquam Corinthijs Apostolum deferre; vt eo exemplo, non dico priuatas iniurias, sed publicas DEI & Ecclesiæ offensas disimulet, quas præsertim ex officio compescere debet; sic suum sentum mellissius Doctor apponit: *Non laus hac, sed suggillatio erat quorundam mansuetudinis. Magna virtus patientia: sed non hanc tibi optauerim. Interdum impatientem esse probabilius.* Scilicet, sicut aliquando S. Bernardus inutilem agnoscit mansuetudinem & patientiam: non quòd contra Regulam mansuetudinis aut patientiæ agendum quandoq; censeat, sed quòd zelum potius pro tunc, & iram sine peccato (*de qua Psal. 4.*) depromendam suadeat; esto fortassis de impatientia ab aliquo arguatur: non secus in præsentî casu tecum mihi contingit: modestiæ quidem non renuntio, sed efficaciùs te confutare intendo. Modestia Religiosa bona & sancta: sed interdum cum Aduersario Ecclesiæ, efficacia magis opportuna. Et sicut demum ait S. Bernardus: *Interdum impatientem esse probabilius:* impatientem intellige negatiuè, non priuatiuè: ita & ego occurro tibi: Interdum immodestum esse probabilius: immodestum intellige negatiuè, nò priuatiuè.

Impatiē-  
tia ali-  
quando  
probat.

Adiungo pro meis vindicijs, insigne Aphraatis Eremitæ exemplum. Hic aliquando cùm intellexisset Imperatorem turbas in Ecclesia excitare, relictâ quiete Eremitæ, prodiit ex solitudine in publicum. Factus verò obuiam illi Imperator, coepit eum obiurgare, quòd contra Institutum Monasticum vagaretur per Urbem. Cui ille: *Dic mihi*, inquit,

Exemplū  
Aphraa-  
tæ. in vi-  
tâ P. O-  
rien. lib.  
9. c. 8.



*Imperator, si essem Virgo absconsa in cubiculo; vidiſſem autem aliquem in domum Patris ignem iniicientem, quid mihi conſuluiſſes facere? intusne ſedere? Et domum qua comburitur deſpicere? an properare, aquam ferre, Et ſuſq; de q; currere, flammamq; extinguere? Quod ſi tu me reprehendis, quod quietem reliquerim; teipſum reprehende qui hanc flammam in domum Diuinam inieceris, at non me, qui conor extinguere.*

Verto parabolam Hulfemane. Video te hominem ex turbulentis partibus, diuturniſq; bellis, occasione infauſtæ hæreſis, agitatſis, hûc adueniſſe: & Symbola rebellium Hæreticorum, excitamenta olim ciuiliũ bellorum ( prætenſam videlicet puri Verbi Dei deſenſionem ) velut tædas accenſas, in domum Paternam ( Patriam noſtram Catholicã intelligo ) iniicientem. Si hæſito, ſintne tædæ accenſæ? vel non? à quibus vtq; metuendum foret aliquod periculum; confirmat me plurium aliorum opinio, confirmat & multiplex ratio: creſcit vndiq; non leuis ſuſpicio. Exclamo, periculum incendiij vt auertam, præcaueo, præmoneo. Tu arguis, quod modetiæ Religioſæ limites tranſilio. Dico tibi Hulfemane, Virgo licet modetiſſima & iſtis modetiæ cancellis recluſa forem, nō tibi parcerem, quantumuis modetiæ & Religioſitati meæ detraheres; ſed magis ac magis clamarem, tuaſq; tædas vel ſolo ſuſpicionis oculo conſpectas denuntiarem: non ad tuam infamiam, ſed ad noſtram cautelam. Heu nunquam hîc nimia cautela. Funèſta bellorum incendia, quæ hæreſis iſta à ſuo mox initio Symbolicis hiſce tēdis ſuccendit, latè debacchata, & nec dum extincta, idq; apud noſtros vicinos, ſatis nos edocent, nil tutum ab illâ.

*Contra  
Hæreticos  
nunquam  
nimia cau-  
tela.*

ab illâ. Si tu pergis reprehendere quod contra modestiam delinquam: respondeo cum Aphraate: *Te ipsum reprehende, qui hanc flammam in domum Diuinam inieceris, non me, qui conor extinguere.*

## C A P V T VIII.

*Eiusdem Hulsemani insolens Stylus contra omnes principales Status Ecclesiæ Catholicæ: & inprimis contra Summum Pontificem, Christi Vicarium in terris,*

**S**ed quid frustra laboro, me, ab imputata per te, vindicans Simmodestia: ostende vbi, & in quo vocabulo immodestus fuerim? Quicquid offensiui prætedis, omne illud & immodestum damnas. At quænam ista quæ iure vocaueris offensiua? Num conuicia? num contumelias? num verba petulantia, tuis sæpè similia, vel semel contra te protuli, vt iniustam offensam causari posses? Potuisses sanè si talia dixissem, qualia tu in tuis Scriptis, famosis potiùs quàm Theologicis libellis, passim effutire non vereris, nulli sublimissimo Catholicæ nostræ Ecclesiæ Statui parcens: non Episcopis, non Cardinalibus, non Summo Pontifici & Vicario Christi, non quibusuis alijs. In omnes hos quicquid conuiciorum præuales, quicquid acerbissimorum maledictorum, quicquid virulentia, tam liberaliter effundis & cõgeris, vt in hoc genere primas cæteris Sectarijs partes, quò præripias, gestire videaris.

*Nulli Statui Ecclesiastico parces Hulsemani.*

Antequam igitur à tua me purgem criminatione, ostendam,



dam prius, idq; ad hominem, ex tuis scilicet libellis, quid meritò possit vocari offensuum? sicut ostendi ex iisdem tuis, quid verè sit immodestum? Pauca ex multis referam, quibus constet te conuiciandi impotentissimam semper habuisse libidinem, & nihilominus tã delicatum fuisse, vt qui nulli peperceris Ecclesiastico Ordini, vel vmbra offensæ, aut apprehensionem eius ferre non valeas. Tum demum præsentas à te offensas meas, examinabo, & an rationem offensæ iure illis possis opponere, discutiam.

Qualia tu Hulsemane, (inde enim exordiri libet) contra Summum in terris Ecclesiæ Principem, esto vt talẽ non agnoscas (quod tuum crimen non extenuat sed exaggerat) in tuis Opusculis protulisti? In Manuali fol: 519. & sæpẽ aliàs, inepto, ne dicam furioso more tuorum, illum *Antichristum* appellas. Furioso potius iam dixissem more: plus enim furijs & rabioso odio, quàm ratione, nõ modo Christianum hominẽ, sed & præcipuè Christianitatis, & Regũ atq; Imperatorũ Christianorum Summũ Præsulem & cõmunem Patrem, Christi q; apud illos in terris Vicarium, vocabulo quo rabies hæretica deterius acerbiusq; exco- gitare non poterat, Antichristum vocare non erubescitis. Ergonẽ te ludice omnes Reges ad Antichristum spectant, quotquot à primordijs Christianæ Religionis, vnà cum suis Regnis, Romano Pontifici obedientiam detulerunt? detulerunt autem omnes, quotquot ab initio Christianam Religionem amplexi sunt: vt apud antiquissimos & probatissimos Historicos reperies. Sic habes de Lucio, primo Christiano Anglorum Rege, circa Annum Christi 183.

qui mis-

Furiosè  
Hæretici  
Papã vo-  
cant An-  
tichristũ.

Papa cõ-  
muni Pa-  
tri Regũ,  
præcipuè  
Christia-  
nitati.

Papa cõ-  
muni Reges  
Christia-  
ni ab ini-  
tio obedi-  
entiã de-  
tulerunt.

qui misso ad Eleuterium Papam Legato, Pastores Spirituales postulauit, & Fugatium ac Damianum impetrauit: quorum auditâ prædicatione, Regum omnium primus Christianus factus est, vnâ cum suo Regno: videatur V. Bed: *Rex Anglia primus Regu Christianus.*  
*Tomo 1. Hist: Gent: Angl: c 4. Genebr: in Eleuterio. Sed*  
 & Tertulianus *L. contra Iudeos, cap: 7. nationem Anglicam primam omnium asserit, Fidem Christianam professam fuisse. Eandem postmodum extinctam, suscitauit, & restaurauit, paternâ curâ S. Gregorius Magnus, itidem Catholice Ecclesie Summus Pontifex. Similiter legis de Don-*  
*aldo Rege Scotie, qui primus circa Annu D. 203. cum sua Familia & Regno, admissis Victoris Papae Legatis, Sacrum Baptisma, suscepit: ex Genebr: L. 3. Chron. & alijs.*  
 De Constantino M. primo ex Imperatoribus Romanis Christiano: qui à Beatis Apostolis Petro & Paulo in visu ad S. Syluestrum Papam directus, ab eoque baptizatus est. *Primus Imperator Christianus.*  
 De Chlodoueo seu Ludouico Primo Galliarum Rege, qui primus ex illis Regibus, per S. Remigium Episcopum baptizatus, & miraculoso Chrysmate inunctus, Hormisdæ Papæ obedientiam detulit, simul ac Christianæ Religioni nomen dedit. Hoc contigit ad finem quinti sæculi: de quò fusiùs Chronistæ illius Gentis. De Recaredo Primo itidem *Primus Christianus Rex Hispanie,*  
 Regum Hispaniæ Christiano: qui circa Annu D. 585. Ariannismo abiecto, Christianam Fidem vnâ cum Subditis amplexus est, muneraq; ad S. Sedem Apostolicam misit. De quo ipse S. Gregorius M. *lib: 7. Epist: 126. vbi etiam Filium vocat: & Sacras Reliquias, quas illi & S. Leandro Episcopo mittit, mirificè commendat. De Poloniæ Primo Re-*



*Primus  
Christia-  
nus Rex  
Polonia.*

mo Rege & Christiano Boleslao Chrobry: nato ex Primo  
itidem Duce Poloniæ Christiano, Miecislao: qui Miecislao  
flaus post susceptum Baptisma Sacrum à B. Adalberto Epi-  
scopo Pragenſi, ex ordine Summi Pontificis in hæc par-  
tes directo, simul cum ſua Gente, in Chriſtianâ Religione  
eruditus & confirmatus erat. Et ille quidem Regium Dia-  
dema à Summo Pontifice Benedicto 7. postulauit, ob cer-  
tas tamen rationes, ipſe pro tunc non obtinuit, ſed ſuo Filio  
hunc ceſſit honorem. Vide Genebr: in Sylu: 2. ex Cro-  
mero, & alijs, referentibus, qualiter ab eodẽ quoq; S. Adal-  
berto, paulò ante S. Stephanus Rex Hungariæ cum ſua Gẽ-  
te, idem ſalutare beneficium recepit.

*Secundũ  
Hulsem:  
omnes hi  
Reges, &  
eorũ Suc-  
ceſſores,  
Antichri-  
ſtiani.*

Hi igitur inquã omnes Monarchæ quotquot ab initio  
ſuſcepti Chriſtianifmi, cũ ſuis poſtmòdũ Succeſſoribus, obe-  
dientiã Summo Pontifici Romano detulerunt, & in Religi-  
one Chriſtianâ cum Sede Romanâ cõmunione habuerunt,  
non Chriſto, ſed Antichriſto, ſecundum te Hulſemane, no-  
men dederunt. Cum ſuis inquam Succeſſoribus: nè fortẽ  
dicas, illos tunc Pontifices, quibus primi Reges obedientiã  
præſtiterunt, nondum fuiſſe Antichriſtos: quamuis nonnulli  
ex memoratis Pontificibus poſterioribus ſæculis, iam à vo-  
bis tales cenſeantur: Sed nec parum fuerit contra te, tuos-  
que, omnes illos primos Chriſtianos Reges, vnicũ Roma-  
num Pontificem tanquam Caput Eccleſiæ recognouiſſe,  
ad eumque velut communem ſuum Patrem recurriſſe.

*Precipui  
orbis Chri-  
ſtiani Mo-  
narchæ,  
ſub obedi-  
tiã Pape.*

Quid quod præcipui Orbis Chriſtiani Monarchæ, Impe-  
ratores Romani, Reges Hispaniæ, Galliæ, Poloniæ, vſq; mo-  
do in Romani Põtificis obediẽtiã perſiſtũt. Quod etiam tuã  
ætate,

ætate, à prima suâ inauguratione FERDINANDVS Tertius Imperator Romanus : & VLADISLAVS Quartus Rex Poloniae, solemniſſimis Legationibus suis ad VRBANVM Octauum toti Orbi testati sunt. Saltem ergo omnes isti, tuâ sententiâ, Antichristi sunt asseclæ : aude amplius, audent enim & tui : *Bestiam adorant, & imaginem eius.* Hæc vel tu negas, vel asseris. Si negas : palinodiam cantas. Si asseris, primos præcipuosq; Orbis Christiani Monarchas, & populos illorum, ingenti & intolerabili contumeliâ afficis.

Id porrò longè aliud erit, quàm dicere Ioannē Fridericū arma Rebellionis contra Carolum V. sumpsisse. Ille enim si rebellis fuit, Imperatori Romano fuit rebellis : At hi omnes Monarchæ, ipsi Summo Monarcharum Monarchæ Christo rebelles per te asseruntur. Sic tibi totus ferè, saltem præcipuus Orbis Christianus, Sūmo Pontifici obedientiam deferens, Antichristianus est, ( ô scelus ) quia utique Summus Pontifex, Antichristus est tibi.

Idem tibi ( progredior ad vltiora ) tibi inquam conuitijs allueto, non minori crimine, est, & vocatur *Belial*, fol: 934. Idem in Animaduersione contra Bellarminū f. 23. & fol: 172. cum *Moffti Turcico* tibi comparatus, qui non magis in Sedem Petri, quàm *Turcicum Archisflamen* succedat: & ad quem quicquid accepit Petrus, pari iure pertineat, sicut ad *Turcicum Moffti*. Sic placuit Summum Christianitatis Antistitem, iacrilegis conferre Paganis : miror quod etiam non,

F

præfer-

*Lutherani  
magis vo-  
lant esse  
Turcici,  
quàm Papi-  
stæ, ut vo-  
cant.*



præferre, Christianis Principibus: de quo videatur Florimundus *de Origine Heres: L. 3. cap: 10.*

Rursum fol: 173. dicis nos Vniuersalem Ecclesiam resolucere *in solos Papa iuratos, vel in vnius Papa saluam: cuius insipientiæ citra discussionem credendum sit ab omnibus fidelibus: quod & extremam impudentiam* vocas. Et fol: 180. in eam licentiam tuam laxas linguam, vt dicas: *Quicquid sit de Petro Restim Iude potius quam Petri priuilegia, si que sint, modernus Papa allegat.* Quod si quispiam (mihi enim non est animus talibus tecum colludere) si quispiam alius inquam, tibi Minister Vitembergice, tali Anagrammate **RESTIM** ad **RESTIM** reponeret?

*Excessiua  
Calumnia  
Hulsemanni.*

*Nomine quem signat IN RESTIM vade MINISTER.*

An non acriora tua meretur insolentia tanta? Et rursum in Manuali fol: 239. calumniaris *nullum sub sole tantum flagitium, quod Romani Pontifices non perpetrauerint: quorum enormia contra decalogum delicta, si recensere velis, non domus sed nec fortè mundus ea vniuersim caperet.* Sic plurimorum Pontificum egregiam Sanctitatem, quorundam vitij, obscurare, & excessiua ac impia exaggeratione obruere conaris.

Sed quanto odio imò furore omni ratione seposita in Sedē Apostolicā feraris, melius exprimere non potuisti, quā f. 1244. sic loquens: *Si Romanus Pontifex iuberet vtramque speciem sumere: esto maledictus qui ex iussu Pontificis sumeret.* In maius addis: *Factus sit qui restitutionem rei per Furtum ablata, Furti beneficium dixerit.* In hominem modestum, lingue moderatæ, oris castigati, maledicendi artis ignarū, & consequenter excessuum similem idoneum censorem. Hæc ex multis contra Papam.

*Odiū sine  
raione  
Hulsemanni.*

CAPVT

## CAPUT IX.

*Eiusdem insolens Stylus contra Cardinales & Episcopos.*

**C**ontra Cardinales verò quæ non effutis? Maximè verò contra Robertum Bellarminū, vilis pygmeus, contra robustissimū Ecclesiæ bellatorem; mulca contra Elephantem, præsumptuosè nimis insurgens, hoc inter alia contra ipsum excipis fol: 35. in Animadu: quod sit *Cardinalis*. Inde quicquid maximè odiosum poteras, contra illum regeris. Et fol: 201. *stupendam impudentiam* (ò specimen pudicitiae) ipsi obijcis. Idem sæpe aliàs; plura quoque superaddens. In Manuali fol: 587. *ad seditionem* illum concitasse dicis, qui seditionem tibi potiori iure imputandam (vt infra constabit) non sustines. Et fol: 998. *Camelum scabiosam* vocas. Et fol: 170. *summam scurrilitatem* viro tam seriò obijcis, qui nil simile vnquam tuis scurrilitatibus, suis inuexit Scriptis.

Planè quòd initiò Operum Bellarmini, ex Epistola Iacobi Gretseri, dicitur de Hunnio, qui cōtra eundem Bellarminum minus feliciter calamum strinxerat, vide annon congruè tibi possit aptari. *Genus scribendi ingressus fuerat Hunnius* (ita & Hulsemanus) *planè Lutheranium: hoc est Thra-sonicum, iactabundum, furiosum, fermè dixerim Cereusiarium.* *Genus scribendi Hulsem.* Nam vt Lutherus olim non nisi potus ad arma profusebat dicenda: sic & hodie Lutherani pracones, ita disputationes suas instituunt, vt semper temetum & zychum, & quæ ex utroq; nascuntur conuicia, maledicta, & vesaniam halare videantur.



*Quanti  
estimādu  
Status E-  
piscoporu.*

Iam verò quomodo tractas Episcopos, Ecclesiæ Prælatos, quorum semper & ab antiquo in Ecclesia magna venerationis erat. Quos S. Ambrosius *Libro de Dignitate Sacerdotum, cap: 2.* & S. Chrysost: *Homil: 4. de verb: Is:* tantum Regibus præfert, quantum *spiritus carni, calum terræ, aurum plumbo præstare dicitur*: tu verò luto commisceas omnem dignitatem illorum. Sic in Indice Animad: notas: *Ruditatem Episcoporum Papisticorum*: quasi in Ecclesia non plurimi ex Episcopis fuerint, & hætenus sint, Viri eruditissimi: quorum insignem doctrinam hucusq; Christianus Orbis miratur, & tuæ calumniæ obijcit. Quasi & quorundam aliorum modica literatura derogat Ordini Episcopali; cum Christus Apostolos, quibus succedunt Episcopi, idiotas elegerit: & in celeberrima illa Synodo Nicæna, teste Ruffino, non adfuerint plures Episcopi simplices & indocti: ex quibus nihilominus S. Spiridion, per Spiritus Sancti præsentiam, Theologastros Hæreticos egregiè confudit & confutauit; multò efficacius quàm plures literati & eruditiores fecissent.

*Lib: 10.  
Hist. c. 3.*

Quodsi in eo *Ruditatem* maximam nostrorū Episcoporū taxas fol: 93. & fol: 128. quod linguæ Hebrææ & Græcæ peritiā nō habeāt: Sanè Diuus August: erat tātus Ecclesiæ Doctor, vt qui ex vestris Hebraisantib<sup>9</sup> & Græcanisantib<sup>9</sup> vellet se illi cōparare, à toto impudētia eius exhibilaretur orbe: ille nihilomin<sup>9</sup> scribēs cōtra Petilianū, palā fatetur, & dicit:

*Lib: 1 cō.  
174 litt:  
Petil. 6.*

38.

*Ego quidem Græca lingua per parū affectus sum, & propè nihil.* Nec plus in Hebræa lingua exercitatus fuisse noscitur: Doctor igitur Ecclesiæ potest esse quispiam: licet Hebræam, aut Græcam linguam non attrectauerit. Præterquā quod  
de ve-

de vestris Rabbiniis, & illorū præsumpto Hebraisino, multa lepida intelleximus, quibus suam prætensæ linguæ Hebrææ imperitiā, magnā cum suā confusione prodiderunt.

Ibidem fol: 92. Chrisma sacrum, antiquissimo à primis sæculis vsu, vt cōstat ex II. & III. Concilio Carthag: ab Episcopis confici solitum, à te, non nisi crassa & pinguis quæque, ac lardum Germanicum meditati, immodesto vocabulo *seuum Papisticum* appellatur.

Ibidem fol: 188. *Rasura*, inquis, *& rabies, pedum, ac epomis, non faciunt Episcopum*. Hoc oportebat adiungere, ne quid Superattēdentibus tuis, ob horum defectum, derogares. At *rabies* inter Episcoporum nostrorum insignia, tu videris, an sine rabie connumeretur: Sit illa tuorum Superattendentium, non nostrorum Episcoporum, Character.

Rursū in Manuali fol: 1252. *Episcoporum quotusquisq;*, inquis, *absq; concubina vivit*. Calumniam obscæno tuo dignā ingenio exarasti. Qui plurimorum Episcoporum nostrorū honestam conuersationem nōrunt, ingentem hāc in parte insolentiam tuam non modo admirabuntur, sed etiā abominabuntur. Qualiter quæso acciperes, si quispiā nostrū dixisset: Quotusquisq; Ministrorum Lutheranorum, qui nō sit adulter? velletq; multò plures Ministros numerare adulteros, quam tu possis Episcopos designare concubinarios? Et tamen quid tui Ministri comparatione ad Episcopos nostros? Quid Episcoporum nostrorum dignitas, ad vestrorum Ministrorum gradum à laicis nil distinctum; ne aliud interim dicam?

Sed & quis nesciat longè maiorem nostrum Clerum

Calumnia  
ingens  
Hulsem-  
ni, contra  
Episcopos.



Quis sen-  
sus Lu-  
theri de  
continen-  
tia?

continentiæ habere æstimationem, quam vos Mini-  
stros? neq; talem profiteri, qualem vos præfertis, libertatē  
Euangelicam; at strictioribus ligatam legibus? nec tātā  
deniq; rei venereæ necessitatem agnoscere, quātam agno-  
uit impudicus ille Magister vester Lutherus (puto vos pa-  
riter cum illo, tanquam fidi discipuli eius) qui in sermone  
quodam de Matrimonio, non erubuit hæc scribere. *Quam  
non est in meis viribus situm, ut vir sim, tam non est mei iuris  
ut absq; muliere sim. Rursum: ut in tua manu non est ut fœmina  
non sis, sic nec in te est ut absq; viro degas. Non enim libera est  
electio, aut consilium, sed res est necessaria. Ut marem fœmina,  
fœminam mari sociari oporteat: Verbum enim hoc quod Deus  
ait: Crescite & multiplicamini: est præceptum diuinum: puta  
opus quod non est nostrarum virium, vel ut impediatur, vel  
ut omittatur; sed tam est necessarium, quam edere, bibere, pur-  
gare aluum, mucum emungere, dormire, & vigilare.* Hæc  
magnus ille quinti Euangelij Præco: præter alia indigna  
Christiano, quæ possunt videri *Tomo quinto, suorum Ope-  
rum*; nostriq; Cleri honestatem vindicare.

Sanè vel hoc vnicum dogma probrosum, quod in Scho-  
la Lutheri adedò inualuit, (licet iam nonnulli huius Sectæ,  
sui pertesi opprobrij, illud extenuent) sufficeret ad alienādos  
à suo Magistro magis cordatos quosq; ac honesti amantes  
discipulos. Rem quæ nostris contigit temporibus in Ger-  
mania notatu dignam, & præsentī instituto opportunam re-  
feram: Libet enim occasione insolentis huius Calumniæ,  
paulò fusiùs sermonē protēdere, quò magis illa suos macu-  
lare Authores cōprobetur.

Quidam ex Sacro Ordine  
Capu-

Capucinatorum, nobilissimam, pariter honestissimam quandam Matronam, Sectæ Lutheranae, conuenit, atq; ad suam <sup>Exemplar</sup> domum pedes iter agens diuertit. Exceptus priuilegio Euangelicæ Paupertatis non inhumaniter, licet homo alienæ Religionis fuerit. Cumque Matrona illa quæstiones varias (quod illius Sectæ Mulieribus familiarissimum est) de Religione cum prædicto Capucino moueret: nec tamen responsis eius acquiesceret: post longos tandem discursus, res ad Ministrum per Mulierem fuit reuocata. Consensit Capucinus, vt doctiorem quem putaret Ministrum, certo aliquo die aduocaret; cum quo præsentē ipsā de rebus Religionis disceptaret: eā conditione, vt si fortē illum euidenter, vel ipsiūmet Matronæ iudicio, confutaret, dimitteret illa suam Sectam, atq; ad Catholicam Ecclesiam, quā vocant Romanam, transfiret. Acceptauit Matrona conditionem, spondit constanter, & bonā fide futurum promisit. Die conditā venit vocatus Minister; adfuit & Capucinus: qui etiam primò aggressus Ministrum, quæsiuit ab illo, num possibile sit hominem Christianum in continentia carnis vitam suam transigere? & præceptum illud de non Concupiscendo, in cælibatu adimplere? Negauit animosè vxoratus Minister. Quærit ab illo vterius Capucinus. Quo tandem temporis spatio possit communiter Vir à Muliere, & Mulier à Viro continere? Designauit ille aliquem ad summum Mensē. Auscultat & perpendit attentè inchoatum discursum Matrona: Erat autem illa ab aliquot annis, defuncto Marito, Vidua, fuitq; illi domi Filia nubilis, sed adhuc innupta.



At Capucinus non vltra telâ disputationis protendens; sed habito altero illo Ministri, ad sua interrogata responso, conuersus ad illam Matronam, alioqui (vt dixi) honestâ: En, inquit, qualem in sectâ Lutheranâ fidem seu Religionē profiteris: ex cuius principijs de tua, tuâq; filia honestate, non licet cuiquā tuorū bene sentire; imò necesse est male suspicari, Si quidem, vt ex ore tui Ministri palam audisti, tanto tempore, quo tu vidua, tuâq; filia pubertatis annos excessit, à viris continere non potuistis. Erubuit illa: Sectæ, quæ suam honestatem probatissimam in dubiū vocat, imò innocenter damnat, agnouit prudens errorem; agnitumq; vltro abiecit, seq; Catholicæ Ecclesiæ lubens addixit.

Diceres hîc forsan Hulsemane, dono continentia munitos, posse continere. At vanum est effugium tuum, siue præsentem casum spectemus, siue principalem quæstionem versemus. Nam quod præsentem casum attinet, maculâ inhonestatis, tuis nō abstulisti. Quis enim nouit ex vobis illos priuilegiatos dono cōtinētiæ, alioqui per vos rarissimos? quis stipulatur pro illis? vbi aliàs premit dogma generaliter necessitans. Cū itaque non constet de dono concessio, omnes necesse est per regulas generales, suspectos habeas.

*Apud Lu-  
theranos,  
ex proprio  
dogmate,  
omnes su-  
specti de  
cōtinētia.*

*Defectus  
nostri nō  
sunt im-  
putandi  
Deo.*

*Pron: 19.*

Quod verò principalem attinet quæstionem, quæ inter nos & vos agitur: sentimus quidem cū Sapiētia, *cap: 8. neminem posse esse continentem, nisi Deus dederit*: simul nihilominus attendimus Ecclesiasticū monentē, *cap: 15. Ne dixeris: Per Deum abest.* Et damnamus cum Salomone, iuxta *vers: 70. insipientiam hominis, quæ vastat vias suas, Deum autem accusat in corde suo.* Asserimus porrò, tam prouidē ab

Optimo

Optimo Deo, auxilia sufficientia ad vitandum malum subministrari, vt neutiquam possit conqueri homo de Deo, quod sibi defuerit. Esto itaq; non possit esse aliquis continens, nisi Deus dederit: nulli tamen hominum datum hoc optimum, à Deo denegatur, nulli hominum auxilium sufficiens subtrahitur, quo & tentationi resistere, & peccatum cauere, & transgressionem Diuini præcepti euitare, & sic deniq; continere valeat: Nisi fortè impia & blasphema contra Deum hæresis placeat, quæ prouidentia Diuinæ derogat, quasi sufficientia auxilia & congrua media ad salutem non conferat; esto non omnibus (ex abyssalibus suis iudicijs) in ea abundantia & liberalitate quâ aliquibus: nulli tamen, minùs quàm sufficiat. Nec obstat quod non omnes contineant, quia non omnes collatum donum quòd sufficiat, & oblatum quod efficiat acceptant: sed pleriq; rebelles sunt lumini, & durâ ceruice Spiritui Sancto resistunt. Sed hæc aliò spectant: occasione duntaxat relati exempli adductâ, quod non modicum iuuat ad confutandum lasciuû dogma Lutheranum: secundum quod, si in praxi homines huius Sectæ degunt, multo plures quàm inter nostros sub seueriori lege degentes, de honestate periclitantur: & iniquè nos suo pessimo metiuntur dogmate, quod magis ipsorum honestatem, nomenq; & opinionem prostituit.

Non grauabor pro coronide impudentem retundendo calumniam, insignem cuiusdam (de nomine & autoritate parû moror, vim rationis & discursus illius magis æstimo) erronei huius dogmatis Lutherani confutationem adducere: quo salacitatis macula, quam Antistitibus nostris licen-



**Dogma**  
**L. II. r:**  
**de impos-**  
**sib: con-**  
**tinentia**  
**egregie**  
**judic. ut.**

tiosè Hulfemanus affingit, suæ Sectæ hominibus longè magis appareat impressa. Falsa, inquit ille, Hæreticorum, de impossibilitate continentia carnis, doctrina: quia ipsum DEVM D. N. arguit iniustitiæ: cùm ille strictissimè mandet fornicationem & immunditiam carnis, *ne quidem nominari inter Christianos*; ipsi impossibilem esse continentiam doceant. S. Paulus Apostolus damnat opera carnis dicēs: *Quoniam qui talia agunt, Regnum Dei non possidebunt.* Idē (vt a nos Ecclesiæ Doctores prætereā) suadet, & præfert nuptijs virginitatē. Hoc scitis, Carnis Mancipia, Hæretici. Aut ergo falsū docetis, aut Christus D. N. iniustè impossibilia requirit: & Apostolus itultè virginitatē impossibilē laudat & suadet. Hæc dura sunt, & Ecclesiæ iudicanda, relinquo. Ego quia impurā doctrinā Remp: Christianam commaculatis, politice vobiscum agam. Et primò candidè quæro: si impossibilis est carnis continentia, quomodo dum vnus coniugum diutius infirmatur, alter ab adulterio cauebit? quomodo maritus in negotijs, in legationibus, vel foris bello occupatus, de honestate vxoris securus erit, quam *religiosè incontinentem credit*? Quomodo filias vestras vt virgines, post nubiles annos desponsatis, si impossibilis est continentia? Quare leges penales adulteris statuitis, cùm adulteria vobis necessaria sint? Quomodo facultates & bona vestra, iuste in hæredes suos transferuntur, quando mora vel absentia, vagam libidinem necessariam æstimat: si vos vxores & filias vestras incontinentiam docetis, illæ, ne in Religionem delinquant, corpora turpiter prostituent, quomodo inter vos nobis, aut honesta Matrona, aut filia nominari potest?

ri potest? Secundò quæro. Cùm impossibilis sit carnis continentia, an omnes sitis adulteri, fornicatores, immundi? si non: dicite quid in diuturnâ coniugis infirmitate, vel absentia agitis? si continentes vos prædicatis, quare impossibilitatem continentiae docetis? si thorum violatis, quare adulterij famam, iniuriam reputatis? Attendite quàm grauitè per impuram hanc doctrinam in Deum, in Rempublicam, in vos ipsos, in coniuges, & proles, in honestatem morum, & puritatem Christianæ vitæ delinquantis. Et si omnino carnis imperio paretis, saltem à tam peruersâ doctrina abstinete. Hæc ille.

En quo dogma vestrum, Lutherani homines, vergit qui surculi ex illa prauis dogmatis radice prodeunt, dum peccatum originale secundum propriam rationem peccati, in ipsis quoq; renatis, Concupiscentiam esse asseritis? & super hoc ruinoso fundamento immensam molem errorum, & peruersorum dogmatum vestrorum construistis: inter quæ potissimum illud dogma: quò sicut impossibile est hominem in vira præsentis esse absq; concupiscentia carnis, ita impossibile eum à peccato cōcupiscentiæ abstinere, impossibile continere, impossibile præceptum Dei, concupiscentiam carnis prohibens, implere, adstruistis. Hinc quippè longè rationabilius & æquiùs cuilibet licuerit iudicare, vos ad honestatem, tanquam impossibilem apprehensam, nequaquam contendere; quàm liceat vobis iudicare, aut traducere nos de incōtinentiâ: quam Dei adiutorio (quod cunctis præsto est) superatu censemus possibilem.

Radix  
multorum  
errorum  
error, & cō-  
cupiscentiam pec-  
catorum ori-  
ginale pro-  
priè asse-  
rere.



## CAPVT X.

*Eiusdem insolens Stylus contra Religiosos, & Scriptores Catholicos, ac totam in uniuersum Ecclesiam Catholicam.*

**S**Ed pergamus ad vltiora, videamus quid de viris Religiosis, eorumq; statu loquaris. Eos utiq; scopum veluti præcipuum omnium conuiciorum tibi præfixisti. In Animad: fol: 37. quasi summum crimen, inter alia, Bellarmi-  
 Quomodo præcipuum omnium conuiciorum tibi præfixisti. In Ani-  
 Hulsem: mad: fol: 37. quasi summum crimen, inter alia, Bellarmi-  
 PP. Socie: no obijcis ratione Ordinis, vt vocas Irreligiosi. Iesuita est, in-  
 stylo suo quis, vnus ex ijs qui vocationem suam à spectro habent, qui mis-  
 persequi- si sunt ad Antichristum reuelandum; vt gloriantur: naturale hu-  
 INT. ius Ordinis odium in Catholicos (intellige Acatholicos Lutheranos) artificium equiuocandi, negandi, inficiandi, deniq; altum supercilium. Quæ non deinceps sparsim in tuis libellis horrenda crimina illis imponis, ex ijs, qui non magis quàm tu fide digni, illa comprobans. In Manuali f. 235. vocas: Cadmeos. fol: 552. falsissimò illis imponis, cùm ais: Iesuitarum Regula nil minùs quam pretiosas vestes ac pecunias reijcit: atq; in uniuersum is cultus corporalis ordo illis statuitur, qualis in Regum aulis non possit esse magis opiparus. Et fol: 485. eisdem vocas Nebulones.

**N**ec minùs indignè alios quoq; tractas Religiosos. In  
 Quomodo alios Re- Animad: fol: 115. stolidam Monachorum Barbariem nominas.  
 ligiosos. In Manuali fol: 387. sic eos traducis. Idem est acsi dicerem: Monachus est qui vouet castitatem, paupertatem, obedientiam: isq; est qui partim continet, partim fornicatur, partim obedit, par-  
 tim re-

*tim recalcitrat, partim indiget, partim luxu diffluit.* Et fol: 630. *Diurnas laudes, studium pietatis per Ideam tantum in Monachatu esse asseris.* Et fol: 553. obedientiam eorum *cæcum asinum stuporem* vocas. Et 1242. per conuicium ais: *Nec editur Christi Corpus, ad eum modum quo Monachi farcimina ingerunt.* Hæc sunt tuæ modestiæ & humanitatis erga viros Religiosos, statumq; illorum, magni semper in Ecclesia & ab antiquis Patribus habitum, specimina.

Iam verò Scriptores quoq; nostros, viros eruditos, quomodo laceras? Omitto quæ in Bellarminum conuicia iactas in tuo libello Animaduers: è quibus iam nonnulla tetigi. Omitto specialia, quæ de Hagero in Manuali sæpius dicis: quis enim omnia enumeret? Quomodo Rybade-  
 neyram fol: 622. *impurum canem* vocasti? Quomodo *hebetudinem: impudentiam, mendacia*, familiarius est tibi obijcere quàm probare? Celebris explicatio Pauli de Episcopo *unius uxoris viro*: tibi fol: 977. *impudens, stupida, bruta.* Scilicet facilius sic refutantur legitimæ Scripturæ expositiones, quàm profundiori inuestigatione. Promptius quoque & expeditius soluuntur argumenta, vulgari illo tuo responso, *Mentitur*: quale profecto verbū honoratioribus te, obijcere non licebat. Tandem & illorum vitio sæpius inuolui deprehenderis, qui cū destituuntur neruo rationum, substituunt aculeos conuiciorū. Hoc tibi contra nostros maximum robur. Ibi te potissimū triumphare putas, vbi pluribus scommatibus, sarcasminis, conuicijs, decerasti. Non parum tibi, iam confutasse, videris, cū probro sè ponis, *Papista dicit.* quo nullum ignobilius in tua opinio-

Quomodo  
Scriptores  
Catholico-  
cos tra-  
stat.



ne vocabulum, ad maius contra nos odium & contēptum exprimendū, arbitraris. Quid enim tibi *Papista*, nisi quod *fol: 127.* Animaduers: indicas, & ex dogmaticis nostris dicis te colligere: *Pseudocatholicus & Antichristus*? Eo scilicet iure nos *Pseudocatholicos*, quo tuos vocas *Catholicos*. Otenuem Catholicissimum vestrum, & pondere leuem, & numero breuem. Pondere quidem leuem; nam: præter vacuum titulum, more ordinario aliorum Hæreticorum, ad instar simiarum, frustra & iniquè vsurpatum, nil minus inreliquo, quàm de Catholicismo habetis. Numero vero breuem: quotidie nimirum decrecentem, euanescentem, & ad Calvinismum longè latiùs, magno cum vestro dolore & inuidia propagatum, deficientem. Rem orbi notam nimis, loquor.

Quam item familiare tibi iisdem nostris Scriptoribus crimen falsè obijcere falsò. Specialis est locus præ innumeris alijs ibidem in Animad: fol: 104. vbi de Bellarmino loquens: *Commisit*, ais, *Iesuita falsi crimen quando Hieronymi verba citat, ac si loqueretur absolutè de dubitatione circa amorem anodum Dei: cum loquatur expressè de dubitatione tempore afflictionis: quod tunc ignoretur, odionè Dei ob peccata, an amantis probatione affligamur?* Quasi Bellarminus hæc S. Hieronymi verba, ideo non adiecerit, ne per illa, suæ causæ præiudicaret, prout tu non rationibus, sed ineptis similitudinibus, imò potiùs leuitatibus puerilibus deducis: & non potiùs breuitati studens id omiserit, quò magis suam firmasset sententiam. Si enim vel tunc quando homo maximum amoris Diuini indicium, & iustitiæ suæ argumentum experi-

experitur, scilicet tempore tribulationis: dicente Scriptura: *Multa tribulationes iustorum.* Et alia Scriptura: *Quia acceptus eras Deo, necesse fuit ut tentatio probaret te.* Et iterum: *Quem diligit Dominus castigat, flagellat autem omnem filium quem recipit.* Si igitur inquam, tunc quando vel maxima signa habet homo amoris Dei, & suæ iustitiæ, nescit, ex mente S. Hieronymi, vtrum amore an odio dignus sit? quanto minùs extra hæc signa, hoc ipsum sciet? Non ergò mala fide, vt ais, nec crimine falsi, illa sunt à Bellarmino ommissa: quæ illi magis fauere, quam obesse cernis; si cernere velis, & non potius criminari.

Porro multò plura tibi ipsi Crimina falsi obijci possint, quæ non tam facilè dilues. Hæc non ex professio inuestigans, sed casuali curiositate ductus, vel in vna exigua facie paginae in tuo Manuali fol: 1010. bina deprehendi. Ibi enim tibi Bellarminus *conculcat Hieronymum.* Quomodo? quia lib: 3. de Ecclesia milit: cap: 16. ad 5. hæc Bellarminus ait: *Hieronymus in cap: 9. Danielis. Hilarius. Hyppolitus atq; Apollinarius, sine dubio decepti sunt.* Sine dubio Hulfemane deceptus es, vel decipis. Totum enim contrarium habet Bellarminus: qui sic ait. *Etsi Hilarius can: 25. in Matth: & Hyppolitus atq; Apollinarius, apud Hieronymum in cap: 9. Daniel, &c. sine dubio decepti sunt.* Moxq; S. Hieronymum pro aha sententia quam iustinet allegat: En quam enorme crimen falsi apertè commisisti? Quam diuersum enim est. *Hieronymus hoc dicens deceptus est: quod tu affigis falso Bellarmino, & inde eum allens conculcasse Hieronymum: ab eo quod dicit Bellarminus. Apollinarius cum alijs, apud Hieronymum*

Psal: 34.

Tob: 12.

Hebr: 12.

Quomodo

ipse Hulfemane

sem: fre-

quenter

crimè falsi

si commis-

sit.

mum



*mum hoc dicit, & deceptus est?* tanto magis cum eundē Hieronymum Bellarminus mox in contrarium pro sua allegat sententia.

Rursum ibidem dicis *Bellarminum pronuntiare Augustini sententiam falsam*, eò quod dicat dimissionem vxoris etiam propter alias causas quam fornicationem, posse fieri. Cum tamen Bellarminus, falsum quidem dicat, matrimonium ob quodlibet crimen posse dirimi: non autem dicat falsam Augustini sententiam, sed ipsum Augustinum, *ex lib: 1. Retract: c. 19.* adducat, nolentem nos prædictam suam sententiam absolutè sequi. Hoc autem nec dum est adhuc *conculcare Augustinum*, vt Bellarmino imponis.

Rursum in *Animaduers: fol: 6.* asseris, *Conci: Trid: Sess: 7. Can: 8. docere*, quod *Sacramenta conferant gratiam sine actuali bono motu vrentis.* Cum tamen nec in illo loco, nec alibi vnquam, similia loquatur Concilium. Docet quidem Sacramenta *ex opere operato conferre gratiam, nec solam fidem*

*Quomodo Diuina promissionis ad gratiam consequendam sufficere:* Quod in sacramentis operum operatum non excludit opum operantia. nequaquam est in Doctrina Catholica, actuale bonum motum vrentis, vel actum fidei excludere, sed potius cum actu fidei, alios præterea actus requirere. Notissimum est enim in sententia Catholicorum, sic Sacramenta ex opere operato conferre gratiam in adultis, (de his enim nobis sermo) quod si illa sint Sacramenta, quæ primā iustificationis gratiam conferunt, necessariò prærequirantur dispositiones, id est, actus quidam hominis, de quibus satis clarè & fusè agit idem Concilium, *Sess: 6. cap: 5. & 6. & Can: 4.* Si verò sint illa Sacramenta quæ augmentum gratiæ conferunt, ad illud

ad illud augmentum, ipsum quoq; hominem suis actibus, & *ex opere operantis* (vt vocant) meritorie concurrere. Quod totum vsq; adeò notum est, vt etiam à Confessione Augustana prauè detorqueatur contra nos, *quasi asseramus hominem suis operibus mereri gratiam iustificationis.* Vel ergo tu Hulsemane intelligis nostram sententiã, quam impugnas, vel non intelligis. Si non intelligis, quid impugnas quod nescis? si intelligis, cur eam aliter traducis? Primum arguit stultitiam, alterum nequitiam. Elige quod malis: neutrum tibi affigere velim. Hæc eo fine duntaxat attuli, quo monstrarem te magis obnoxium crimini falsi, quam Authores nostros, quibus id sæpius falsò imponis.

Tandem vt semel finem imponam recensendis tuis, contra nos conuicijs & criminationibus, vnum adhuc adducam locum, vbi quam maximè petulantem calumum tuum laxasti, cum in Manuali fol: 224. hæc scripsisti: *lesuitarum interest, vt numerum sue Ecclesie, & manifestò sceleratis, & occultè infidelibus augeant: quo numero nos si pondere non possunt. Vincant: & ex eiusmodi Nebulonum stabulo Catholicam Ecclesiam comminiscantur: ad quam pertineant omnes ij, qui salutem publicè Papatus non contradixerunt: quid de cætero credant? quomodo viuant? nihil refert: quòd tibi Coquus quidam Edoardus fabula mendacissima confirmat.* Ergò tibi Ecclesia nostra Catholica ab his velut potioribus, denominatur *stabulum Nebulonum?* ô penna digna poena. Vercor ne hic dum modestus esse volo, socors merito iudicer, si non condigna tibi, tuæq; licentiositati reposuero. Hic ferè locum habet illud S. Bernardi: *Interdum impatientem esse pro-*

Calumnia  
ingens  
Hulsema-  
ni contra  
totam Ec-  
clesiã Ca-  
holicam.



*babilius.* Peccatores quidem, etiam maximos, ab Ecclesia non excludimus: At Ecclesiam nostram Catholicam, non ideo *stabulum Nebulonum* comminiscimur, sed tu insolentiùs inde comminisceris. Sic tibi nostra Catholica Ecclesia, homo licentiosè nimis, (vt ab acriori temperem verbo) *stabulum Nebulonum* nominanda erat? quæ non modo ex statu Ecclesiastico, sed etiam ex statu politico, primas & præcipuas dignitate totius Christianitatis Personas, continet, tot Principes, tot Reges, tot successiuè Imperatores? Sic non solum iam Proceres Ecclesiæ, sed etiam Principes totius Christianitatis, infami calamo tuo perstrinxisti? sic posuisti os tuum in cælo, & lingua tua pertransiit terram? si autem vel modicum per me vapulas, querelis de iniuria totum aërem imples, qui tuis conuicijs, & solutissima bile omnem dignitatem suo spoliasti honore.

## C A P V T XI.

*Quomodo immerito se læsum in Satisfactione causatur  
Hulsmanus, & aliquos insuper ex Dissidentibus præsentibus.*

**S**Ed ad nostra reuertamur. Multum immoratus sum in recensendis, & simul refellendis (neq; enim aliter fas erat recensere, nisi simul refellere liceret) conuiciosis tuis maledictis, quibus cuiusvis statûs, & dignitatis Catholicæ nostræ Ecclesiæ viros impetisti: nunc iam, prout ante promisi, præsentibus à te offensas meas expendam. Quænam autem illæ? & quem petunt? Causaris læsum teipsum, læsos eos qui te ad

*Expendū-  
tur offen-  
se, quas  
præsentibus  
Hulsma-  
num.*

te ad hoc Colloquium aduocârunt: læsum Sereniss: Ducem Saxoniae: læsam deniq; totam domum Saxoniam. Cernis me nihil dissimulare? Ad singula eodẽ ordine satisfacio.

Læsum imprimis dicis teipsum in mea Satisfactione, *Halsma* & offensum grauitè. At vnde? Num, aliquo conuicio *non con-* verbo, vel simili pluribus ijs, quæ ex tuis Scriptis iam alle- *uiciofus.* gavi, tuam Personam, perstrinxi? Nil tale, quantumuis scrupulosissimè scruteris, reperies quod obijcias. Non ego te Asinum, non canem impurum, non scabiosum, non nebulonem, non Antichristum, non stupidum, non impudentem, non mendacem, non alijs epithetis, vel potius conuicijs affeci, quibus tu nostros, eorq; longè & incomparabiliter digniores, onerasti: neruosis tantum discursibus, te, tuamq; licentiositatem constrinxeram. Hoc totum crimen offensæ. Velim autem reuoces tibi, quanta erat illa offensæ ex parte tua, quando contra me acerbam & calumniosam in publico confesso instituisti Protestationem: & crimè falsi in frequentia tanta hominum iniquè obiecisti: quasi Serenissimum Electorem Saxoniae (cuius nec mentionẽ quidem ullam fecerim) Primum Imperij Ducem & Vicariũ, & de Republica non tam male meritum, Rebellem contra Carolum V. falsò appellauerim. Quo nimirum acerbiora quæq; tuorum, meorumq; pariter odia contra me exacueres: tuorum quidem ex eo quod rebellionis notam illis inuulserim; meorum verò, quod dissidiõrũ semina inter Principes iecerim. In hunc scopum, aculeata tua collimabat Protestatio. Sic quàm maximam confusionem mihi inducere conatus es, eo duntaxat, quòd tuo, tuorumq; Symbo-



lo applausum non fecerim; sed illud velut suspectum, debita cautela excluderim: dixerimq; illa verba: *Meminimus nos aliquando legisse, quosdam contra Carolum V. Rebelles, hoc Symbolo vfos fuisse.* Sic fortassis non licuit per te, nos, absq; piaculo hæc legisse? Non licuit eorum, quæ legimus meminisse? Non licuit, quæ legimus & meminimus, ad cautelam nostram aduocasse? Non licuit deniq; postulatam Satisfactionem, absq; offensa porrigere? Apage Hulsemane: duram hanc & seruilem legem, tuis, si & ipsi ferant, Saxonibus, non nobis, impone. Dum nostra defendimus, te non offendimus: dum tua retundimus, non te inuadimus.

At inquis, *Seditiosum* te in mea Satisfactione vocavi, nouumq; *Rebellionum* in Regno excitatorem feci. Tenè ego Authorem *Seditionum*, vel excitatorem *Rebellionum* feci, aut vocavi in mea Satisfactione? Reuoco me, & quemlibet Lectorem, ad Scriptum Satisfactionis meæ. Bene utique perpendenti verba Satisfactionis meæ, nec sinistrè illa detorquenti, manifeste apparebit, te non tam rebellionis, vel seditionis authorem, quàm parum cautum aut prudentem per me notatum fuisse, eò quòd in huiusmodi suspensiones te ipse ultro conijceres, cùm Symbola suspecta rebellionum, non modo ad nos inferre, sed etiam importunâ Protestatione tuâ, inuecta defendere, & defensa stabilire velle visus fuisti. Hoc erat quòd non ego te in suspensionem vocavi, sed tu ipse minus prudenter suspensionibus eiusmodi te exposuisti.

Dilem-  
ma.

Tali enim contra te dilemmate egi. *Auc sententia exilij proscripti Symboli, qua suspecti, subscribit D. Collocutor, aut non subscri-*

*Subscribit: si subscribit quid tanto cum ardore illi patrocinator? si non subscribit, vel hoc ipso suspectum etiam seipsum manifestè prodit: Quam opinari cogit quod opinari nolui, se non modo suspectum intulisse Symbolum, verum & illud quia tale, ex Regno pelli & proscribi nequaquam sustinere. Nec deest qui deteriora suspicetur, illum scilicet per simile Symbolum, similes olim Germanicis in Regno conspirationes moliri: & eo Symbolo velut tadas quasdam ad excitandas belli Civilis flammās supponere. Cernis Hulsemane, non me tibi obijcere tædarum huiusmodi suppositionem, sed parvam tuam prudentiam & circumspeditionem, qua sicut me coëgisti opinari, te suspectum Symbolum è Regno pelli & proscribi, non sustinere, ita & aliquos alios compulisti, deteriora illa de te, non quidem asserere, sed suspicari.*

Et quidem si obiecerō cuipiam, quòd probare nequiuero, offensam vocari, non repugnabo. At si obiecerō alicui quòd probare potuero (vbi præsertim res id exposcat) nescio quā ratione offensam vocare possit, nisi fortè talem quā ipsa veritas (vt vulgò contingit) offendit, & odium parit. Iam verò onus probandi omnia quæ de te dixi, vel ultro ipse assumo. Sed ijs præcisè quæ dixi, te insinere velim, nec ultra tuam extendere offensam. Quod dixi, non quod non dixi, probandum mihi incumbit, vt offensæ notā euadam. Porro sicut longè diuersum est, obijcere alicui facinus, ab eo quod est referre, quid alij de illo dicant vel sentiant: ita longè diuersū quoq; est obijcere alicui suspicionē de facto, & obijcere factum ipsum. Ad hoc enim comprobandum, quod dixerim: non defuisse aliquos talia de te locu-

*Quid ad  
suspicio-  
nem. &  
eius pro-  
bationē,  
suspici.*



ros: non est opus quòd deducam, te talem esse: sed sufficit eos vt producam, qui de te talia sunt locuti: nec enim vltra id quod obieci, amplius obligor. Ad probandam similiter suspicionem, demonstrationes vtiq; minime sunt necessariae: non enim talibus (vt constat his qui naturam suspicionis norunt) nititur suspicio, sed certitudo.

*Vnde suspectus Hulsemannus cum suo Symbolo.*

Sicut ergo non tibi obieci, quòd excites turbas vel seditiones in Regno, ita nec hoc probare sum obligatus: Obieci autem non deesse, qui suspicentur talia de te. Eos porro qui huius fuerint suspicionis, facile plures quàm velles producam. Satis sit ex nostro Collegio Catholico vix quèquam fuisse, qui non suspicaretur. Quo verò iure aut ratione talia suspicati fuerint, illorum deinceps, non meum esset, probare. Nihilominus vel iam in illis ipsis verbis meis supra allatis, sufficienter suspicionem, eiusque fundamentum, probaui, cum dixi & deduxi, suspectum te Symbolum huc intulisse, & illatum propugnasse. An enim non sufficit vel saltem suspicari talia de homine, qui Symbolum rebellium, in nostra (quicquid sit interim de sua) opinione ex Historicis probatis nata, ad nos non modo inuehit, sed etiam propugnat? Dic quæso, Hulsemane, si fortè aliquando (sicut vir consilij bellici) fuisses in castris, & illic comparuisset quispiam, qui de tessera requisitus, tesseram quam nudius tertius in Castris hostilibus destinata fuisse constaret, pronuntiasset: vel certè signa hostilia in medio tuorum Castrorum explicasset: aut denique Symbolum aduersi exercitus liberè & gloriose inter tuos proclamasset, non meritò suspectum haberes, eumq; in tuis castris aliquid moliri, vel suspican-

susplicandi saltem, ius tibi assumeres? Sic ubi tu cum Symbolo Maiorum tuorum, legitimè nobis suspecto, iactas te velle triumphare, ubi signa (in nostrâ opinione) Rebellium expandis, ubi tesseram hostium nostræ Religionis pronuntias, vel saltem suspicari permittas, quod suspicari cogis: Nec suspicionē eam tibi putes iniuriosam, quæ non est à nobis accersita, sed à te ingesta.

Accessit amplius ad eam suspicionem roborandam, quia non solum (vt paulò post initium meæ Satisfactionis <sup>Vnde suspicio antiqua</sup> indicaui, & nuper insinuavi) intelleximus te hominem esse à bellicis consilijs, verumetiam in fronte tui Manualis præfixam vidimus dedicationem Libelli, Adulpho Gustauo, nobis quidem iniquo inuasori Imperij, tibi verò *Apostolica Fidei vindici*. Cuius tu in tua dedicatoria, *multa & magna in vniuersam Christianam Rempubl: merita agnoscis*: cui ex parte Electoratus Saxonici nomina varia obligationis recensens, scilicet victoriam tribus retro Hebdomadis *ab hoste perfido* (Tillium, cæterosq; Cæsareos Officiales, *rei Papistica propugnacula*, in margine notans) *potitam, libertatem Catholicam*, (dixisses potius & veriùs Acatholicā) *quā hactenus gaudet, fidei Professionem, vitam deniq; & fortunas suas*. Qui sic inuasorem Imperij, omniumq; Cæsari Rebellium, vnicum pro tunc Asylum, obuijs vlnis excipis, iniuriam adhuc tibi fieri causaberis, quod vel saltem suspicemur sinistrè de te, tali nobis occasione per te porrectâ.

Omitto alia, sed ab alijs non puto omittenda. Illud duntaxat adiungo quàm prudenter, vel ipse prudentissimus REX noster & Dominus Clementissimus, hæc omnia præuidebat,



*Cantela  
Serenissi-  
mi Regi  
de admit-  
tendu ex-  
ternis Mi-  
nistri.*

uidebat, & de longè præsupicabatur, cùm in literis suis ad Dissidentes datis Varlauiæ die 1. Decembris, 1644. ad postulatatum illorum, quo, externos vt euocare sibi liceret ad hoc Colloquium, requirebant, conuiuendo quidem indulgit; ita tamen præcauendo respondit: *Quamuis autem nobis placeat magis, domesticam quietem per Subditos nostros potissimum tractare, ne euocatâ Exterorum industria, que iam lites grauissimas alibi sustinet tranquillitati nostræ aliquid detrimenti afferat: Ut tamen presenti negotio omnem opportunitatem provideamus, aliquos aliunde euocari posse, benignè annuimus. Volent illi dubio procul, quamuis longis regionum suarum dissidijs innutriti, pares vobis, nostræq; paci animos assumere: Et omnem sententiarum dissensionem, Regni nostri genio temperare. Votis, an præfatio Regio potius corresponderis Hulsemane, altiori Regio iudicio relinquo.*

*Convinci-  
sur de eo,  
quod ne-  
gat Hul-  
semanus.*

Causaris item, me obieciſſe tibi, tam in Respõſo, quàm in Satisfactione mea, insolens verbum (quod dum negas, reuocas) contra Ill<sup>lmo</sup> Legatum, quo licentiosam præsumptionem, Regiam mentem, per Regium Theologum interpretandi, taxasti. Gaudeo te indignitatem dictionis tuæ agnoscere, & reuocando corrigere: & in tantum de illa erubescere, vt nec in Actis quidē notâ illius volueris extitisse. At frustra circa hoc laborasti. Exceptū fuit in primo tuo Sermone à tribus iuratis Notarijs, vno Ill<sup>mi</sup> Dñi Legati, & duobus nostræ Partis Catholicæ. Exceptum fuit in altero Sermone, ab iisdem tribus, & duobus insuper Partis Reformatorum, Notarijs. Exceptum tandem auribus totius pro tunc præsentis Auditorij; Ab ipso deniq; Ill<sup>mo</sup> D. Legato in Ser-mo-  
ne pu-

ne publico, de eadem dictione grauiter contra te expostulatum. Tandem in publicando Protocollo, in altero saltem Sermone tuo, procul dubio extabit. Quod autem in hoc altero Sermone, illoq; præmeditato, non eras veritus Ill<sup>mo</sup> D. Legato opponere, probabile erit omnibus, & si connotatum non legerint, id quoq; tibi in priori extemporaneo Sermone facile excidisse. Ne verò dicat aliquis, tuque imprimis, metemerè, ac malâ fide imputâsse tibi, quòd in vtroque Sermone insolens illud (vt dixi) verbum protuleris, eò quòd in Protocollo in lucem edendo, in altero tantū, & non in priore Sermone reperietur: testimonium authenticum (cui opus fuerit producendum) curauì habere ab Ill<sup>mo</sup> & Rnd<sup>mo</sup> D. Episcopo Samogitiæ, Collegij Theologorum, Catholicorum Præsìde, & duobus Notarijs iuratis eiusdem Collegij, (tertius enim iam discesserat) quo fides adstruitur hæc verba, in vtroq; Sermone tuo, ab omnibus tribus Partis nostræ Catholicæ Notarijs, in suis Protocollis, nondum tunc, cū tibi responderem, collationatis, consignata fuisse. Tenor huius testimonij sic habet.

*Fidem facimus, quòd in omnibus tribus Protocollis nostris Catholicis, & apud Notarium Regium, & apud duos Notarios Partis Catholicae extabat, in vtroq; Sermone Hulsemani Collocutoris Augustani de die 25. Sept: & die 26. Sept: obiectio præsumptionis circa Interpretationē Instructionis Regiæ, nomine Illustriss: D. Legati Regij factam. In primo quidem Sermone, his verbis: Perceperunt Augustanae Confessionis Professores eam siue repetitionem, siue præsumptam Interpretationem Instructionis Regiæ, &c. In altero verò Sermone his verbis: Sibiq; soli licentiam, & iudici-*

*Testimonium de conuicio ab Hulsemano pro lato,*



*um interpretandi in tantum presumere, &c. Sed quia in quatuor alijs Protocolis Notariorum, Partis scilicet Augustanae & Reformatæ, in priori Sermone Hulsemani omissa erant illa verba, ortam inde controuersiam Illustriss: D. Legatus decidit, in priori Sermone Hulsemani, non ponenda esse in Protocolis collationatis illa eadem verba eius: non quia non sint dicta ab illo, sed quia non à pluribus Notarijs erant consignata in Protocolis. Idq; insistero priori sue decisioni, antea ex alia occasione factæ: quatenus illud tantum in collationatis Protocolis poneretur, quod concorditer omnes Notarij Partium, vel saltem maior Pars illorum haberet connotatum. Thorunij die 22. Sept: Anno D. 1645.*

*Adamus Kos, Canonicus Kielcen: S. R. M. Secretarius, eiusdemq; S. R. M. in Colloquio Thoruniensi Notarius.*

*Fridericus Meibohm, Parochus Elbing: Colloquij Thoruniens: Notarius.*

*Ego Georgius Tyßkiewicz, Episcopus Samogitiæ, & Præsident Theologorum Catholicorum, fidem facio, Instrumentum hoc Notariorum Partis nostræ Catholice, in Colloquio Thoruniensi, verum esse & legitimum.*

Causaris amplius me tibi obieciisse, quòd securitate salui conductus abutereris. Monuisse me potius ne abutereris, quàm obieciisse quòd abutereris, textus Satisfactionis meæ ostendit. Si vero nosse velis, quàm non sine causa hac de re te monuerim, experiare licet; & quæ in hoc Colloquio egisti, fac extra Colloquium in quocunq; alio congressu per Regnum. Prædica illud celebre Symbolum tuum: Obijce præsumptam licentiam, non dico Senatori cuipiam, sed vel vni scholari, dum modo nôrit quis sis: excita molestas illas,

illas, quas plerumq; de lana caprina mouebas, contentiones, progressum Colloquij impediendo. Fac age hæc, vel his similia, & dubitarem sanè, si forte pellem integram Vitembergam reportares. Tunc liceret intelligere, quantum te iuuat datus ad hoc Colloquium Saluus conductus, quamque iure monuerim, ne securitate eius, talibus abutereris.

Te igitur offensum à me immeritò lamentaris, cum te ipse in omnes hæc angustias cōieceris, Symbolo suspecto, suspectum teipsum feceris. Licentioso verbo, modoq; agendi, iustam reprehensionem, & de non abutendo Saluo conductu, ad monitionem promerueris. Cum sis ergo tuæ Father fortunæ, tuorumq; (vt probaui) author ipse malorum, si quid proinde offensæ prætendis, ex te, non ex me, illam capis: tibi, non mihi, illam imputes.

Multò minùs offensam ad alios (quod est alterum meæ Hulsem: odia Principū, contra Personas Catholicas, conciliat. purgationis caput) extendere potes: quorum nimirū opera ad hoc Colloquium eras aduocatus; prout & ipsi (tuā credibile suggestione) ad seipsos deriuabant, quod te videbatur petere. Familiare quippe tibi, proprijs deficientibus armis, Principum & Potentum sæculi odia trahere, contra Religiosas & Ecclesiasticas Personas, quibus cum controvertis: & quos stylo tuo conficere non vales, potentia secularis subsidio opprimere gestis. Sic in tuo Manuali fol: 391. contra Bellarminum inuehens: *Non leuem*, inquis, *iniuriam Serenissimo Galliarum Regi, & Reipubl: Venetæ, Bellarminus intulit, cauillatus, si quæreretur; quo nomine Galliam, Rempubl: Venetam, obtinent? non posse de iure Diuino respondere.* Sic & ante Ducis tui inuidiam contra me deuoluere voluisti. Sic



& hîc aliquorum Dissidentium ex Nobilitate, animos contra me exacerbare tentasti. Quibus tamen videndum erat cui magis succenserent, mihi qui te dixerim, an tibi qui te feceris, suspectum?

Te quidem aliquibus suspectum fuisse dixi, quasi tædas, ad excitandas belli ciuilis flammæ, seditioso quorundam, Rebellium Symbolo, supponere volueris: Arguebant illi: Tædæ huiusmodi non supponuntur nisi alicui. Ergo si ille supponit, nobis qui eum huc vocauimus, & fouemus, supponere intelligitur: qui tamen nihil minus quam huiusmodi flammæ concipimus. Tædas quidem alicui semper supponi non inficior; at omnia illa quibus tædæ supponuntur flammam concipere, hîc porro inficior. Si tædæ supponantur stramini, aut sarmentis, stramen & sarmenta, ex suppositis tædis accensis, flammam concipiunt: si verò tædæ accensæ columnis supponantur Marmoreis, derident illæ tædas suppositas. Non ego incolas Regni stramini aut

*Vindicantur incolæ Regni à suspicione, quia illos Hulsemani inuoluit.*

sarmentis comparaui, sed immobilibus columnis Marmoreis, quorum itabilem erga Regem, & Rempubl: fidem, atq; constātiā, mox in sublime extuli, & omnem eo ipso suspensionem suspectarum Hulsemani tædarum ab ipsis remouui: si tamen adhuc illæ tædæ ipsis potius, quàm alijs, suppositæ fuisse credantur, quod à me nec creditum, nec dictum fuit. At illi Hulsemanum, hominem sic aliquibus suspectum, huc aduocârunt? Aduocarint sanè. At integritas illorum vsq; adeò nota Orbi Polono, vt nemo aliud cogitare possit, quàm Theologum suæ Professionis, non autē hominem suspectum nomine alicuius seditionis, eos aduocare vo-

care voluisse : quem si verè talem deprehendissent , qualis in suspitione aliquorum erat , primi illum è finibus Regni eiecissent. Penes te ergo solum Hulsemane, remaneat ista nota, quàm tu ipse minùs prudenter tibi comparasti.

## C A P V T XII.

*Quomodo immeritò causatur læsum Ducem Saxoniam,  
& Domum Saxoniam.*

**V**Rges tertio loco offensam Sereniss : Electoris & Ducis Saxoniam, quem esto ab imputato crimine Rebellionis videar in mea Satisfactione velle vindicare, ipsum tamen tuâ opinione perstringo, cùm ex certa occasione adiungo hæc verba : *Recentiora non scrutor.* Et inferiùs dico : Serenissimo Electori *non obfuturum aliquos ex suis Prædecessoribus, Romanis Imperatoribus fuisse Rebelles, quam diu ille in fide data iisdem Imperatoribus, firmus & constans perstiterit.* Denique quòd Ioan : Friderico *crimen Rebellionis* inurendo, ipsi quoq; moderno Duci, cui ille sanguine iunctus, eandem notam inuro. Singulis satisfacio. Et quidem primò in genere loquendo, arbitror existimationi Serenissimi Electoris abundè per meam Satisfactionem exhibitam, consultum fuisse, ubi honorem illius tam luculenter sum zelatus, vt nemo ex suis fideliùs pro illo zelari potuisset.

Quod verò ad illa attinet verba, *Recentiora non scrutor* : ea quomodo ad sinistrum de Serenissimo Electore sensum trahi possint, non video. Quid enim ? volebas forsan Hulsemane, recentiora vt scrutarer & perquirerem ? *Minus pu-*



*dica est*; dixerat quondam Seneca, *de qua quaritur*. Inquire-  
 re in vitam alterius, est non leuiter derogare illi. *Ne insi-*  
*dieris, & queras impietatem in domo iusti* (monet Spiritus  
 Pron: 24. Sanctus) *& non vastes requiem eius*. Ab eo volui abstinere:  
 & imputatur mihi crimen. Crimine hoc notari malo, quàm  
 nimis curiositatis scrutinio.

Quod item dixerim: Notam Prædecessorum, Moder-  
 num Ducem Saxoniae non afficere, *quamdiu ille in fide data*  
*Imperatoribus Romanis perstiterit*: nec hic quidem video quā  
 ratione Ducem Saxoniae læserim. Nisi fortè volebas Hul-  
 femane, vt potius dixissem: *Etiamsi in fide data Romanis Im-*  
*peratoribus non perstiterit*. At nec Serenissimum Electorem  
 Saxoniae in violatā fide Imperatoribus, suam conuenit lau-  
 dem integram constituere: nec sine Imperatoris Romani  
 iustā læsione, talia me decuit pronuntiare: cui longè plūs  
 quàm Saxoniae Duci deferendum mihi semper censui, velut  
 Supremo in Christianitate Monarchæ.

Quod autem modernus Dux Saxoniae sanguine sit iun-  
 ctus illi, cui in fide Historicorum crimen Rebellionis con-  
 tra Carolum V. imputauī, mihi quidem (& si id probè nos-  
 sem) sufficebat pro moderni Ducis honore dissimulasse, vt  
 illis saltem non innotesceret quos hætenus latebat: con-  
 tentus autem eram de his, quos Rebelles dicunt Historio-  
 graphi, in communi ad finem Satisfactionis dixisse: *Qui-*  
*cunq; tandem illi erant*. Nec tamen tu dissimulaſti, non mi-  
 nūs modo quàm antè, incautus in adurenda & propalanda  
 nota Domus Saxonica, cū non defuissent alij penes quos  
 eam poteras permittere fore apprehensam. Cæterum,  
 quemad-

*Hulfem:*  
*Rebellio-*  
*nem pro-*  
*palauit.*

quemadmodum Mauritius, tunc quando post Ioānem Fridericum, Electoratum Cæsaris beneficio receperat, magis se honoratum, quàm in eiusdem Ioannis Friderici, sui licet cognati, reputatâ Rebellionẽ, denigratum censuit, ita & de moderno hoc idem sentio Duce.

Quod autem te dicere intellexi Ioanni Friderico non decreto Cæsaris (quod utiq; aſſeris nullibi extrare) Electoratum ablatũ fuiffe, sed per compositionem alteri, ipsi sanguine iuncto per eũ delatum. Fateor me decreta Caroli V. non reuoluiffe, nec eas subtilitates penetrasse: Sleydani cum pluribus alijs è nostris, & tuis, concordem Historicam relationem (vt insinuaui) attendisse. Quicquid in meis displicet dictis, Sleydanum, ceterosq; Historicos in ius voca: & hoc primum elabora in illis vt expungatur, quod tibi contra Domum Saxoniam ab ipsis notatum non probatur. Mihi, vel horum, sufficit testimonium ad principale intetum stabilendum, Symbolum scilicet à te productum, non immerito nobis fuiffe suspectum: quod non confert mihi, an in veritate fuerit Ioannes Fridericus, vel aliquis alius Rebellis, sed satis est ad suspicionem ingerendam, à probatis Historiographis hoc fuiffe connotatum, siue in ea ipsi fuerint sententia, siue Cæsarem (quod plus est) eius fuiffe sententiæ scripserint: quod non sine causâ adijcio: ne fortè allegatum à me Sleydanum opponas, non tam ex sua, quàm ex Cæsaris sententia, vocantem Saxonem Rebellem.

Ex Hist:  
Rebellio  
attendi.  
SNT.

Ad vltimum quæcunq; tandem in hac tertia obiectione, de læso, mediatè vel immediatè, Serenissimo Duce Saxonie per meam historicam relationem adduxeris, & contra me



tra me replicaueris illud vnicum, pro omnibus respondeo :  
 me quidem Serenissimo Electori, sicut cæteris quibusque  
 Christiani Orbis Dynastis, debitum semper deferre hono-  
 rem; sed quod in gratiam alicuius horum, stolidus fiam, &  
 historiæ toti orbi notæ ignarus, euocatus præsertim & ne-  
 cessitatus ab aliquo, ad purgandam innocentiam, & falsi  
 criminis notam; hoc porro nec vllum illorum rationabili-  
 ter requirere, nec à me honestè præstari posse arbitror. *No-*  
*stulei propter Christum*, dicebat olim Apostolus: quem hâc is  
 parte libet imitari: at propter Christum, inquam, non pron-  
 pter sæcularem aliquem Principem. Tibi hanc laudem ce-  
 do, si lubet, Hulsemane.

Quartò deniq; vrges contra me, quòd Protestantes il-  
 los (quicunq; tandem illi fuerint) de crimine Rebellionis  
 contra Carolum V. insimulauerim. Contendis enim ar-  
 ma illorum non Rebellionis sed Defensionis fuisse: non, ad  
 impugnandum Imperatorem sumpta, sed ad Sacra suæ Re-  
 ligionis tuenda, & ab oppressione Cameræ Cæsareæ, cōtra  
 pacta & rescripta Cæsaris, sua iura defendenda; quod cuius  
 mortalium iure naturali licitum esse, nemo potest negare.

*Hist: Pro-* At nuper iam dixi, & antè in Satisfactione mea expressi, &  
*testantes* iterum iterumq; repeto, mea non interesse, fuerintnè verè  
*vocant Re-* Rebelles illi, vel non? Sufficit ad legitimam, pro nostra  
*belles.* cautela suspicionem, à plerisq; probatis Historiographis,  
 perpetuis id monumentis consignatum esse, illosq; ab Im-  
 peratore pro talibus habitos, & vt tales Carceribus pœnisq;  
 mulctatos, dignitatibus detrusos, fortunisq; priuatos fuisse?  
 vt quâdiu contrariū certius nobis nō cōstet, Symbolū con-  
 spirationis illorū, iure à nobis habeatur suspectū. Ca-

## C A P V T XIII.

*Ex Protestatione Protestantium deducitur, Quæ, & ex qua Parte fuerit causa belli, contra Carolum Quintum. ?*

**A**T quia mordicùs conaris defendere, bellum illud Protestantium contra Carolum V. bellum fuisse defentionis, non rebellionis, iam euidenter, partes Protestantium sustinens, pijsissimi Imperatoris Caroli Quinti, de Catholica nostra Religione Principis optimè meriti, innocentiam inuadis. Si enim illos arma defensiva contra Cæsarem sumpsisse asseueras, Cæsaris præteritam oppressiorem accusabis. Non tam igitur ad notam Rebellionis Protestantibus magis ac magis infingendam, quàm ad optimi Cæsaris innocentiam vindicandam, & Camera Cæsareæ (cōtra quam omnem impetum vulgò Protestantes conuertunt, ne Cæsarem ipsum directè videantur petere) integritatem demonstrandam, prolixior paulò telam ordior.

Non peregrina aduoco, non de longe petitos discursus, produco: ad ipsam Protestationem Confæderatorum illorum, impressam Vitembergæ per Georgiũ Rhau, Anno Domini, 1538. Mense Decembri, te Hulsemanereucco. Vbi hoc inprimis aduerto, in Cautione Cæsarea pacis publicæ, Imperatorem, pressum necessitate (vt ibidem diplomate Cæsareo inserto insinuatur) belli Turcici, in multis condescendisse Protestantibus, cum ijsque compositionem transegisse, etiam iniquis conditionibus: ne bello

Quare  
Ca  
sar Pro-  
testanti-  
bus con-  
descendi?



antè negârant subsidia, Turcæ comuni Christianitatis hosti, prout opus erat, resistere non sufficeret. Conventionem itaq; cum iisdem Protestantibus per suos Commissarios initam, & conclusam, ratam habuit; vt nimirum inter se, & omnes Status Sacri Imperij Germanicæ nationis, Ecclesiasticos & Seculares, publica stabilisq; pax seruaretur, vsq; ad generale liberum & Christianum Concilium: aut eousque, donec vniuersi Status Imperij iterum conscriberentur. Ita quod intra hoc tempus, nemo propter Religionis, aut vllâ aliam causam, alteri bellum indiceret, inferet, ipsumuë spoliaret, caperet, inuaderet, & obsideret: neq; ad hæc faciêda per se, vel per alium, cuiquâ inferuaret: Nullus Arces, Vrbes, Oppida, Castella, Pagos, Villas, vel Prædia, insidijs occuparet, vel contra voluntatem alterius violenter eriperet, dolouë malo, incendijs, vel alia ratione alteri damnum daret, &c. sed vnus quisq; alterum verâ amicitia, & Christiano amore complecteretur. Hæc erant pacta conuenta inter S. C. M. Carolum V. & Protestantes; vt constat ex allegatâ Cautione Cæsarea, pacis publicæ, ibidem insertâ.

Iam videamus quis primùm fregerit fidem. Excusant quidem Protestantes Cæsarem, accusant Cæsaream Cameram, & indirectè ipsum Cæsarem, qui causas ad Religionē spectantes, & protunc incidentes, cognoscendi, Cameræ commiserit. At quâ occasione hoc factū? non alios quàm ipsos Protestantes, ibidem, in sua illâ scilicet Protestatione, testes adhibeamus. Quid ergo illi contra Iudices Cæsareæ Camere? Accusant illos, quod prætextu articuli positi in decreto Comitiorum Spirenſium, & Augustensium, cuius hæc

hæc sunt verba: *Nemo Ecclesiasticorum aut Secularium statuū, propter causam fidei, vim alteri inferre, vel eum inuadere seu oppugnare debeat, neq. item sua iurisdictione, redditibus, censibus, decimis, aut alijs bonis priuare, &c.* illos ergo (Iudices videlicet Cæsareæ Camerae) acculant, quod prætextu huius articuli, iurisdictionem sibi arrogent, contra quosdam ex suis, qui titulotenus Ecclesiasticis quibusdam, (sic nostros vocant) imò impijs hypocritis, & idololatris, census, redditus, & decimas, & similia bona, propter ipsorum idololatriam interdiciant. Et rursum: In omnibus causis sine ullo discrimine, & maxime aduersus quasdam Ciuitates, nempe Hamburgam, & Mindam, quarum causa absq. dubio ad Religionem pertinet, perpetuò processerunt: scilicet Iudices Camerae Cæsareæ, easq. suis censuris eò adigere conati sunt, ut suis sacrificulis, non tantum domus, census, redditus, & similia restituere, verumetiam impias Missas Papisticas, aliasq. Ceremonias, & ipsam doctrinam Pontificiam cum Dei Verbo, & sincera nostra fide ac Religione pugnantem, in pristinum statum reuocare deberent. Et rursum: Vocantur quidam nostrorum coniunctorum in ius, hac de causa, quod impiam ac Dei Verbo aduersantem Missam Pontificiam, ac Ceremonias in suis territorijs abrogari curauerint, &c. Hic arrogat sibi iudicium Camerae Imperialis cognitionem, &c. Item aliud: Si Monasterium aliquod intra nostram, vel nostrorum coniunctorum ditionem, aut territorium situm sit, in quo persone quadam eius ordinis siue Professionis erudite Verbo Dei, id vite genus, puta; plenum scandalis, & pugnans cum sincera Euangelij doctrina relinquant; aut saltem inter sese alijs Ceremonijs, Sacris literis consentaneis, utantur: cetera verò Personæ eiusdem Monasterij no-

Padæ Ca  
sari omni  
prosejā.  
tibus.

Præsen-  
siones Pro-  
testantiū  
contra Ca-  
merā Cæ-  
sarū.



line Veritati cedere, sed in suis pristinis erroribus, idolatriâ, & impietate pertinaciter perdurare: & interim tamen redditibus, ac bonis Monasterij, pro sua libidine frui & abuti. Hic nos, & nostri, ut scandalum, Idololatria, & discordia Religionis in ditionibus nostris prohibeantur, non immeritò partes nostras interponimus: quemadmodum etiam illi ipsi qui doctrinam Papisticam amplectuntur, diuersas suorum in Religione opiniones, & cultus non ferunt: Accidit iam, ut unus aut plures istorum pertinacium & indoctorum Monachorum ac Hypocritarum qui odio sincerioris doctrinæ Euangelicæ à nobis aufugerunt, spem concipiant ad suam pristinam saginam, & idololatriam redeundi: ac propterea litem mouent: asserentes suum vitæ institutum pium, & Sacris literis consentaneum esse: iam sumit sibi cognitionem Camera Imperialis iudicium: cui nos nullo modo stare possumus. Et deniq; prope finem: Cogemur, inquiunt, nostri & nostrorum legitimam tuitionem ac defensionem suscipere, & hanc iniustissimam, tum Camera Imperialis, tum aliorum iudiciorum executionem rationibus ac vijs, à iure Diuino, & legibus naturæ concessis, Deo iuuante, auertere, & impedire: & eò consilia nostra dirigere, ut nos nostriq; in causa Religionis Christianæ coniuncti, & fœderati, Veritatem Euangelicæ doctrinæ atq; ita veram Christi Religionem, explosâ iam idolatriâ, retinere: ut contra talium processum iniuriam, per Dei gratiam, cui esse queamus, &c. Hæc Protestantes.

Ex quibus proprio iugulantur gladio. Fatemur quippe quod dicunt, verum esse; nimirum inter Cæsarem, & illos, pacta conuenta fuisse, neminem causâ Religionis inuadendum, neminem suis bonis spoliandum. Admittimus item

item Cameram Imperialem traxisse Protestantes ad suum Iudicium, in causis, ut prætendunt, Religionis. Sed quâ occasione? Ipsimet non negant, sed disertis, ut visum est, fatentur verbis, se ideo à Camera Cæsarea conuentos fuisse, quòd Exercitium cultûs Religionis Catholicę prohiberent, Missarum celebrationem impedirent, census, redditus, decimas, Personis Ecclesiasticis præriperent, bona Ecclesiastica, Monasteria, & Domos Religiosorum occuparent. Hæc autem omnia recenter, & post factam vtrinq; Conuentionem, fiebant: nam & verba Protestantium, quasi de præsentis, ut palam est, hæc vniuersa referunt, ob quæ ad Iudicium Cameræ trahebantur. Primi itaq; Protestantes erant, qui fidem pactorum fregerant, primi contra Conuentionem vtrinq; factam, bona Catholicorum inuasérant. Hinc oppressi Catholici, & Ecclesiastici, conueniebant Cameram Cæsaream, conquesti de suorum, imò Ecclesiæ, bonorum inuasionem, & violenta in materia Religionis, contra pacta, oppressione. Camera verò Cæsarea habitâ à Cæsare informatione, contra illos, tanquam pactorum violatores, & alienorum bonorum inuasores, processit. Illi porrò protestantur, iniuriam sibi fieri; scilicet quia alios iniuriari non sunt permisi. Violatam sibi fidem conqueruntur, quia contra illos, primos fidei violatores, actum est: iustam deniq; causam prætexunt seditiosi sui belli contra Cæsarem, non Rebellionis, sed defensionis titulo & colore illati, quia quos contra pacta aggressi sunt, per potestatem publicam Cameræ Cæsareæ, & Tribunal Imperij, vindicari ab iniuria, sustinere non poterant.

*Causæ ini-  
quæ viola-  
ti pacti  
ex Prote-  
stantibus.*

*Protestan-  
tes querū-  
tur se ini-  
uriatos,  
quia iniu-  
riari alios  
non per-  
mitten-  
tur.*



Rebellio  
palliat  
defensio-  
ne,

Sic placet imponere Orbi. Sic omnes Rebelliones mantello Religionis, & suæ defensionis, velare. Sic ipsis Protestantibus licuit causâ prætensæ Religionis bona Ecclesiastica Catholicorum inuadere vi iniustâ: non licuit Catholicis, citra pactorum violationem sese legitimâ viâ iuris defendere. Sic deniq; Catholicorum defensio, Protestantibus Catholicos aggredientibus, erat oppressio, & grauis iniuria: contra quam proinde æquitas, & ius naturale ( vt ais Hulsmane ) coëgit illos arma defensiva suscipere. Iudicet Orbis, & quidē ex Actis publicis quæ allegaui, an arma Protestantium contra Carolum V. fuerint arma defensionis, quæ in Cæsare arguerent meritò, vel supponerēt ansam offensionis, seu tyrannidis. Tu vocaueris prout placet: dummodò non sic tuum illum Saxonem vindices, vt pium, & Catholicum Cæsarem macules. Forsan dicere posses tu, aut quispiam alius, vtrinq; iustum fuisse bellum, non in re, sed in apprehensione iustæ vtrinq; causæ. Sit planè iusta, apprehensione, nō re, causa Protestantium. Viderit alius ex dictis, an illa apprehensio regulata fuerit æquitate, vel seditione?

## C A P V T XIV.

*Quod Protestantium pretextus, Missam abolendi, fuit iniquus.*

**R**Em ad vltiorem originem reuocabis Hulsmane, & æquitatem pro tuis Protestantibus allegabis, qui, non obstantibus pactis conuentis cum Cæsare, impietatem Idolatriæ, Missam Papisticam, abolere & exterminare conati sunt:

ti sunt: eòq; omnia alia, de quibus apud Cameram Cæsaream accusabantur, direxerunt. Profundiores tecum, de fide pactorum quæstiones, non ingredior: illud à te duntaxat inquirere velim, vnde, & quo iure, quoué titulo, aliquot Lai- ci Principes Germaniæ, Dux Saxonæ, Landgravius Thu- ringiæ, Landgravius Hæssæ, &c. facta Confoederatione, viſurpârunt sibi, imò præſumpſerunt authoritatem, potissi- mum in Ecclesia Dei cultum, SS. Miſſæ Sacrificium abro- gare, & illud pronuntiare impiam idololatriam? Quomo- do antiquissimus ille, & celeberrimus Dei cultus, ante mil- le, & lōgè ampliùs annos, per totum Christianitatis orbem vlitatus, & vniuersalis Ecclesiæ authoritate & pietate fir- matus, in vno orbis angulo, Ducatu Saxonæ, post quindecim propè sæcula, reprobari ab aliquot Germanis, & tan- quam idololatricus, iure damnari potuit? Antiquitatem, Vniuersalitatem, & Authoritatem Sacrificij Miſſæ, non ali- unde nunc lubet probare, quàm ex ipsismet Aduersarijs nostris.


*Missam  
Hæretici  
idololatri-  
am vo-  
cant.*

Produco enim inprimis ipsum Lutherum in lib: de capt: Babyl: c. 1. dicentem: *Missæ creditur passim esse Sacrificium, quod offertur Deo. Accedunt his dicta SS. Patrum, tot exempla, tantusq; vsus per orbem constanter obseruatus.* Et rursum: *Nec moueat, quod totus orbis contrarium, & sensum, & vsum habeat.* Et in dedicatoria lib: de Abrog: Miſſæ: *Magnum est cer- ta tot sæculorum consuetudini, tanta multitudinis sensui, tantorūq; Authoritati reluctari.* Et rursum obijcit sibi: *Tu solus sapi?* totne errant *Vniuersi?* tanta sæcula ignorauerunt? Et deinde respondet: *Profiteor inprimis aduersus eos qui clamaturi sunt,* quod

*Antiqui-  
tas Miſſæ  
aduer-  
sarijs de-  
monstra-  
tur.*



quòd contra ritum Ecclesia, contra statuta Patrum docuerim, nihil horum me auditurum. Et in lib: de Missa priuata: *Hic non moramur*, inquit, *sic clamitens Papista: Ecclesia, Ecclesia: Patres, Patres: quia ut dixi, hominum dicta aut facta, nihil in tam magnis causis curamus. Scimus enim ipsos Prophetas lapsos esse, adeoq; Apostolos. Verbo Christi iudicamus Ecclesiam, adeoq; ipsos Angelos. Deniq; in lib: contra Regem Angliæ: Vltimò, inquit, dicta Patrum inducit Rex pro Missario Sacrificio, & ridet meam stultitiam, quòd solus velim sapere præ omnibus. Hoc est quod dixi, Thomisticos asinos nihil habere quod producant, nisi multitudinem hominum, & usum antiquum. Sic Lutherus. Consonat Calvinus lib: 4. Inst: c. 18. §. 1. cùm ait: Pestilentissimo errore Sathan totum penè Orbem excacauit, ut crederet Missam Sacrificium. Et rursùm: Congredi me lectores intelligant, cùm eâ opinione, quâ Romanus Antichristus, & eius Propheta, totum Orbem imbuerunt. Et §. 12. Non est cur ullâ hominum Authoritate, vel annorum præscriptione, patiamur nos moueri. Et §. 18. dicit: Hâc, de Missa sententiâ, inebriatos esse omnes Reges terræ & populos, à summo usq; ad nouissimum. Vel ex confelsis itaq; ipsorummet Aduertariorum nostrorum, & maximorum Missæ hostium, constat dogma de Missæ Sacrificio, & præscriptione vetustissimæ Antiquitatis, & extensione amplissimæ per Orbem Vniuersalitatis, & Patrum atq; Ecclesiæ totius Authoritate, firmatum fuisse. Quomodo igitur illud, aliquot homines Laici, auli sunt improbare, & tanquam idololatricum damnare?*



C A P V T XV.

*Quod authoritas Lutheri, & Philippi Melanthonis, pro abroganda Missa, nulla fuit.*

**S**ed forsitan interuenit Authoritas Magni Apostoli Lutheri, & Coapostoli eius Philippi Melanthonis, qui hoc Genti illi persuaferunt, eamq; in contrariam toti Orbi pertraxerunt sententiam. Magna vis profectò horum Apostolorum & Prophetarum, noui inquam Isaia, & Ieremia: Sic enim Lutherus seipsum, & Melanthonem, vocauerat aliquando in hilarioribus Colloquijs Mensalibus: *Ego Isaias: Melanthon Ieremias.* Sic Caluino pro insigni Apostolo Lutherus habitus. *L. 1. de Lib: arbitr: contra Pighium.* Quis porro non deferat tantæ authoritatis hominibus? At num illi signa Apostolatus sui aliqua exhibuerunt? Num eximiâ aliquâ sanctitate, vel miraculis, suæ veritatem doctrinæ comprobârunt? Num vel muscam mortuam suscitârunt? vel claudû saltē equû (sicut illis exprobrat quodâ loco Erasmus) *In heros nullam mi raculam fecit.* miraculo curârunt, vt suaderent hominibus, illud esse potius tenendum, quod prædicârunt, quàm quod tota hæcenus ubique tenuit Ecclesia? tot probârunt Patres? Nihil horum planè.

Vnde ergo tanta hominibus præsumptio, vt spretâ Authoritate Sacrosanctæ Antiquitatis, & Primorum Ecclesiæ Procerum, noua audeant introducere dogmata, & sententiæ Patrum, suam non modo contraponere, verùm etiam, præferre sententiam? An non ingentem vocauero præsumptionem, quod Lutherus, præter adducta præcedenti Ca-

L

pite,



Presun-  
 pti inq.  
 Lutheri

pite, *Lib: ad Ducem Georg: ait: Nullum ab Apostolorum tem-*  
*poribus Doctore aut Scriptore, tam egregie conscientias seculariu*  
*confirmasse, erudisse, confortasse, ac se speciali Dei gratia adiu-*  
*tum. Hoc certo scio, inquit, quod neq; Augustinus, neq; Ambro-*  
*sus, omnium in hac re optimi mihi pares sunt. Et rursum con-*  
*tra Regem Anglae: Dei Verbum omnibus maius est: Diuina*  
*Maeestas pro me stat. Non vereor igitur, si mille Augustini,*  
*mille Cypriani, mille Regis Henrici Ecclesiae mihi aduersentur.*  
*Hinc sui quoq; discipuli nimis creduli, quam indignè adu-*  
*lati sunt ipsi? Albertus quidam Lib: contra Carolu ad: Non*  
*dubito, inquit quin si uiueret Augustinus, Martini Lutheri di-*  
*scipulum profiteri non erubesceret. Et alter apud Hospitianiū,*  
*in Hist: Sacram: Part: Alt: praefert: Vnum folium in Luthe-*  
*ro, omnium Patrum Scriptis. Sic & ipse Lutherus, in Colloqu:*  
*Moenf: tit: de Patribus: Apologia Philippi, inquit, omnes Eccle-*  
*siae Doctores superat, etiam Augustinum. En quanti illi erant*  
*Patres? sed non potuit melius id exprimere, quam in Com:*  
*Epist: ad Gal: c. 1. ubi quod sibi apud suos maiorem Sanctis*  
*Patribus, conciliaret fidem, sic inquit: Ego suadeo Diuina &*  
*humana: omnes ergo Patres stipites & fungi fuerunt.*

Impiū di-  
 ctum Lu-  
 thero, cō-  
 tra SS.  
 Patres.

Et horrenda sunt quae & ipse, & exemplo illius Calvinus  
 quoq; contra plurimos SS. Patres in particulari protule-  
 runt: quae longo ordine recenset Grauius *Cathol: Praescript:*  
*Lib: 4. quæst: princ: 3. a. 6.* Sicut enim apud Lutherum, ita  
 & apud Calvinum protrata fuit Authoritas Sanctorum Pa-  
 trum. Hinc ite in *Praefat: Instit: Scripta Patrum non aliter*  
*admittit, quam ut seruiant; non verò ut dominantur nobis.*  
*Quid praelumptiuus dici poterat? Et Lib: 2. Instit: cap: 4.*

Calvini  
 finis per  
 neg. in  
 SS. auct.

in Ma-

in Materia Satisfactionis, omnes ferè Patres *lappos esse* asserit, aut nimis asperè & durè locutos. Et Lib: 3. cap: 5. vñm Ecclesiæ ante mille & trecentos annos oradi pro Defunctis, liberè reijcit: & ad obiectionem Patrum respondet: *Abrepti etiam, fateor, ipsi in errore fuerunt.* S. Augustino quoq; referenti petitionem suæ Matris S. Monicæ, vt sui memoria in peragendis Mysterijs fieret ad altare, talem apponit ibidem censuram; *Anile scilicet verbum, quod filius non exegit ad normam scripturæ: sed pro natura affectu alijs probari voluit.* Sic Caluinus exemplo Lutheri.

irridet  
Caluinus  
S. August.

Sed ad ipsum reuertamur Lutherū. Vnde ille tantâ securitate torrenti Patrum sese opponit? *Primus fui*, inquit, tom: 7. fol: 274. *cui Deus hac quæ vobis predicata sunt, reuelare dignatus est.* Ergo ante Lutherum nulli alteri? Liceat ergo illi etiam contra omnes sentire; qui cum primus nouā habuerit nouorū dogmatum reuelationem, nulli illam debet, quia à nullo accepit: imò liceat illi omnibus sese opponere: qui primus præ omnibus veram doctrinam assecutus est. Dicat & ipse, quod olim Petrus Abailardus dicere solebat, apud S. Bern: in Epist: 190. ad Innocentium: *Omnes quidem sic: sed non ego sic.*

Sculia  
Lutheri  
iactantia.

Sed mox occurrat quoq; illi idem S. Bernardus, iisdem quibus & Abailardo: *Quid in his verbis intolerabilius iudicem, blasphemiam, an arrogantiam? quid damabilius, temeritatem, an impietatem? An non iustus os talia loquens, fustibus tunderetur, quàm rationibus reselleretur? Nonne omnium in se meritò prouocat manus, cuius manus contra omnes? Omnes, inquit, sic: sed non ego sic. Quid ergo tu, quid melius offers? quid*

Iactantiā  
similem  
Abailardi  
confutat  
S. Bern.



subtilius inuenis? quid secretius tibi reuelatum iactas? quod tot praterierit Sanctos, effugerit Sapientes? Aquas furtiuas, & panes absconditos, puto, apponet nobis iste. Et paulo post: Qui loquitur mendacium, de suo loquitur. Tibi proinde sint, quæ tua sunt. Ego Prophetas & Apostolos audio, obedio Euangelio, sed non Euangelio secundum Petrum. Tu nobis nouum condis Euangelium. Quintum Ecclesia Euangelistam non recipit. Quid magis contra Lutherum appositum?

Sed & S. Pacianus, (qui tempora S. Hieronymi præcesserat) *Epist: 1. ad Sympron*: non minus egregie contra similes expostulat: *Quid?* inquit: *Parua nobis de Apostolicis* *Quantum SS. Pa-* *tribus de-* *ferendū.* *uiris, parua de primis Sacerdotibus, parua de Beatissimo Cypriano Martyre atq; Doctore currit Authoritas? An volumus docere Doctorem? An sapientiores illo sumus: & spiritu carnis inflamur aduersus eum, quem æterni Dei testem, nobis cruor, & clarissima Passionis corona produxit? Quid tot earum Partium Sacerdotes, quos per totum Orbem cum eodem Cypriano pax una solidauit? Quid tot annosi Episcopi, tot Martyres, tot Confessores. Age, si illi usurpando nomini huic authores idonei non fuerint, nos idonei erimus negando? Et nostram potius authoritatem Patres sequentur? & emendanda Sanctorum cedit antiquitas? & iam putrescentia vitij tempora, canos Apostolica Antiquitatis eradent? Consonat his rursus S. Bernardus, *Epist: 184.* Nunquid, ait, *Patribus doctiores aut deuotiores sumus? periculose presumimus, quicquid ipsorum in talibus prudentia prateriuit? Apodosis minus per me necessaria,* *Non sumus SS. Patribus doctiores.* *vbi vltro sequitur ipsa.**

Quantum verò ipsemet S. Bernardus detulerit SS. Patribus,

tribus, luculenter ostendit, cū contra Neotericum quendam scribens, *Epist: 77. Miror admodum, inquit, si nouus iste nouarum inuentor assertionum, & assertor inuentionum, in hac rationem potuerit inuenire, qua SS. Patres latuerit, Ambrosium, Augustinum; siue autoritate eorundem, autoritatem potiore.* Et mox de seipso loquēs: *Ab his ergo, inquit, duabus columnis, (Augustinum loquor & Ambrosium) crede mihi, difficile auelor. Cum his inquam me aut errare, aut sapere fateor. Quid verò ipsemet S. Augustinus de antiquioribus se Patribus? L. 5. adu: Iulian: c. 2. Si nullus, inquit, in nobis Dei timor, si nullus hominis pudor, cogimur illis cedere: qui, vt rursū, ait, c. 4. Vitā optimē gestā, debellatiq; suorum temporum erroribus, gloriosissimē de hoc saculo, antequam nos ebulliremus, exierunt. Et tu qui nouissimis ebullisti temporibus, tantum præsūmis, vt etiam resistere audeas?*

Nec valet, quod obijciantur aliqui SS. Patribus errores materiales. Huic enim obiectioni, abundē satisfacit Grauius citatus, *Quaest: 1. art: 6.* Neq; enim mei pro nunc est instituti, latiūs hāc prosequi. Nec obstat item prædictis, quod ipse S. Augustinus in *Epist: ad S. Hieron:* in tantum deferre videtur SS. Patrum autoritati; in quantum conformiter Scripturæ & rectæ rationi docuerint. Hoc quippè nequaquam vnus Apostata, aut suorum Sequacium iudicio metiendum est: vbi præsertim longa ætas, & multa transacta sæcula, & tot præteritorum Doctorum oracula, ac Ecclesiæ consensus, doctrinam SS. Patrum firmarunt. Tunc quippè videndum, an nullus Dei timor, nullus hominum pudor in eo, qui nolit cedere?

Obiectio-  
nes, & so-  
lutiones  
earym.



*ipse sleyd:* Sic plane in præseti casu occurrit. Toti Antiquitati, Mis-  
*in Hist:* sam impugnâdo, sese opponit vnus Monach<sup>o</sup> Apostata Lu-  
*non dissi-* therus: qui excusso iugo Religionis, fractisq; votis, Deo nū-  
*mulauit* cupatis, infami & sacrilego incestu potius quâ cōiugio, Mo-  
*factum.* niali copulatus est: vt illi merito aptâris illud Virgilianum:

*Matrimo:*

*Coniugium vocat: hoc prætexit nomine culpam.*

*cū coni-*

*ali iure*

*Can. nul-*

*lum. Ca-*

*far. infa-*

*me. L.*

*Quid er-*

*go. ff. de*

*his quino-*

*tatur in-*

*famiâ.*

qui item in suis dictis & scriptis semper sordidus, Dia-  
 bolum sæpius quàm Deum in ore habens, vel in char-  
 ta exarâs. Hæc est laus magni illius Prophetæ, & quinti Euā-  
 gelistæ. Tandē à quo ille edoctus, contra Missam pu-

gnauit? Quid vobis Lutherani opus tergiversari? Palàm

Propheta vester fatetur, *Lib: de Miss: priu. & vincti: Sa-*

*cerdot: qui habetur Tom: .7. Oper: eius, fol: 228. Edit: Vi-*

*temb: 1558. se à Diabolo persuasum, & disputatione conui-*

*Lutherus*

*à Diabolo*

*edoctus,*

*Missam*

*abrogare.*

ctum fuisse, ad credendum, Missam esse abominationem &

idololatriam; idq; nō per somnium & quietem, sed palàm,

& dum vigilaret. Refertq; per longum, discursum, siue dia-

logum suum cum Diabolo, circa hanc ipsam materiam,

quem, cui non datur ipsum legere Lutherum, videre pote-

rit fideliter extractum apud Iacobum Gaultierum, in Chro-

no! in *Prima Verit. Primi saculi. §. 15.*

Mira res profectò, quod ij Hæretici qui oppugnârunt

*Alij quoq;*

*Hæretici*

*Diabolo*

*Præcepto-*

*re edocti,*

*mysteriū*

*Euchari-*

*stie impu-*

*gnârunt.*

Mysterium Eucharistiæ, Diabolo ad hoc præceptore se vsos

fuisse palàm ipsi, secretâ Dei prouidentiâ, prodiderint. Sic

& Zwinglius *Lib: de subsid: Eucharist: circa Annum 1525.*

referre non erubescit, se per somnium edoctum fuisse à quo-

dam Monitore, (*Acer, inquit, fuerit, an albus? nihil memini*)

in illis verbis: *Hoc est Corpus meum. Iy Est,* accipiendum

esse

esse pro: *significat*. Propter quod ipse postmodum Lutherus in Libro, *Defensio Verborum Cæna*: Diabolicam hanc Zwinglij doctrinam vocavit. Sicut & in *Colloquio Vitemberg*: Malignum fuisse Spiritum dixit, qui docuit Bucerum negare, Christi Corpus & Sanguinem verè ac realiter in Eucharistiæ Sacramento existere: scilicet:

*Va tibi, Va nigra, dicebat cacabus olla.*

Sic Paræus Calvinista, in Prelectionibus Cathedasticis, opponit sibi argumentum Lutheranorum: *Doctrina Calvinistica profecta est à Demone, qui eam Zwinglio inspiravit. Ergò non potest esse vera.* Et reponit sic contra Lutheranos retorqueundo: *Doctrina Lutherana, de abroganda Missa, est etiam à Demone inspirata. Ergò similiter non potest esse vera.*

Et quidem magnus Apostolus & Doctor Gentium, protestatur: *Licet nos, aut Angelus de cælo, Evangelizet vobis, præterquam quòd Evangelizavimus vobis, & præter id quòd accepistis, anathema sit.* Nostri autem novis Evangelistis, & Evangelicis, parum interest quòd sit Angelus de cælis, vel de infernis: quòd sit *albus, vel ater*: quòd sit vno verbo Angelus, vel Diabolus, dummodo annuntiet, præter id quòd ab initio Evangelizatum est illis, præter id quòd ab initio acceperunt; ratum firmumq; est, & omne contrarium, anathema. *Annuntiet aliquid nomine Dei, Christi Vicarius in terris, Anathema sit. Maledictus, ait Hulsemanus in Manuali fol. 1244. qui ideo accipit.* Annuntiet aliquid Diabolus, spiritus tenebrarum, ater, noctu obambulans, in nocturna vigilia, vel somno; dogma est. Evangelium est. *Ego veni, inquit Christus, in nomine Patris mei, & non accipitis me: si alius venerit in nomine suo, illum accipietis.*

Pro-



Philippus  
Melanthon  
semper  
inconstans.

Progrediamur ad Philippum Melanthonem, hic profectò in suis dogmatibus tam varius & inconstans, & verè hærens Hæreticus: vt vulgò, *Cothurnus Germania*, appellatus fuerit: & illum omnes Sectæ post obitum eius, sibi tanquàm suum vendicârint: cui morienti sua mater, quam à fide Catholica abduxerat, assistens, sollicitèq; ab illo requirens, ac per Deum viuum illū adiurans, sibi vt in illa hora diceret, quænam Religio melior foret, an Catholicorum, à qua recesserat? an illa ad quam eam induxerat? clara & ab omnibus intelligibili voce respondit: *Hec plausibilior, illa securior.* Sic infelix, vel in ipsa morte fluctuabat inter magis plausibile, & magis securum.

Florim: de  
Orig: ha-  
res.

Fingit Me-  
lanthon,  
apud suos  
retineri  
Missam.

Sed potissimum, quoad hunc articulum de SS. Missæ Sacrificio, inconstantissimus fuit quoad vixit. Licet enim in aliquibus Operibus suis legatur Missam reieciisse; alibi nihilominus eam videtur admittere. Specialiter in Confessione Augustana, cuius ipse citra dubium Author fuit: *Falsò*, inquit, *accusantur Ecclesie nostræ quòd Missam aboleant: retinetur enim Missa apud nos, & summâ reuerentiâ celebratur: Seruantur & vſitatae caeremonie ferè omnes, præterquàm quòd Latinis cantionibus, admiscantur alicubi Germanicae, &c.* Quis crederet Philippum loqui hoc loco, de alia Missa, quàm eâ de qua tunc exorta erat controuersia, quamq; hucusq; retinuerat Catholica Ecclesia? Eam ergo non solum in suis Ecclesijs asserit retineri, & summâ reuerentiâ celebrari, verumetiam grauiter expostulat, quòd de hoc sui accusentur, quasi Missam aboleant: cùm etiàm ferè omnes vſitatas caeremonias obseruent, præterquàm quòd Latinis cantionibus inter-

intermisceant quandoq; Germanicas. Quis hîc cogitaret  
exclusâ substantialia nostræ Catholicæ Missæ, ob quæ illi  
summa reuerētia debetur, vbi vel ex ipsis cæremonialibus,  
non aliud variatum adstruitur, quàm Germanicarum can-  
tionum nonnulla adhibitio; nisi ea, quæ postmodum, sub-  
iungit ibidem, & quæ alibi apertiùs tradidit, dubiam fidem  
Philippi redderent? Credibile est, hunc articulum vnum  
fuisse ex illis, de quibus, teste Hospiniano *p. 2. Hist: A. 1541.* Articuli  
Aug: Cō-  
fess. am-  
bigui, &  
flexiloqui.  
recognouit postmodum ipse, se aliquos ex prædictis Arti-  
culis Augustæ condidisse, ambiguos & flexiloquos, subinde  
mutandos, atq; ad occasiones accommodandos. Sic &  
Calvinus *Ep: 32.* de eodem Melanthonē, & Bucero tradit, Richel:  
in Defens.  
eos formulas de transubstantiatione condidisse, ambiguas  
& fucosas. 6-7.

Non ergo sufficienti autoritate horum duorū, nitebā-  
tur illi Principes Germaniæ ad Missam abrogandā, quorū  
alter Diabolo præceptore hac in re vsus est: alter tam va-  
riè & trepidanter, imò amphibologicè, continuo vniuersa-  
lis Ecclesiæ vsui sese opposuit. Non hominum (dicerent  
illi) testimonio nitebamur, sed Verbo Dei. Siccine vobis  
tantum, o Lutherani, locutus est Dominus, non etiam no-  
bis? Siccine ad vos primum peruenit Verbum Dei, quod  
Ecclesiam tanto tempore latuit? Siccine vos primi, qui  
post tot sæcula, Ecclesiam Christi, verbo reuelato vobis, &  
non alijs, ab idololatria vindicatis? *Ergo vos estis soli homi-  
nes: & vobiscum morietur Sapientia.* Job 12.

Optime in rem, familiaris alioqui vobis Erasmus, ad  
Ludouicum Berum: *Nunquam mihi persuaderi potuit neq; po-  
terit,* Notabile  
Erasmū  
dictum.



terit, Christum qui Veritas est, & Charitas, tam diu passum fuisse dilectam Sponsam suam, harere in errore tam abominando, ut crustulum farinaceum pro ipso adoraret. Si hoc aliud à nostro intecto videatur (quamuis reuera non sit aliud) dicam à simili. Cui vnquam mortalium, sani sensus persuaderi potuit, Christū, qui est Veritas, & Charitas, tam diu passurum fuisse, dilectam Sponsam suam Ecclesiam, in tam abominando errore idoïolatriæ circa Missam, tot sæculis harere? Nisi fortè dicas Ecclesiam illam, in qua Missæ celebrabantur, non fuisse veram Christi Ecclesiam. At præterquam quod aliâ fusiori refutatione id exploditur, satis sit nunc, vel ipsum Lutherum, agnoscere (vt ex suprâ allegatis testimonijs illius euidenter patet) in Ecclesia, vñum Missæ receptissimum fuisse: Nec opponit Ecclesiæ nostræ aliam meliorem tunc Ecclesiam, sed solum Verbum Dei, quo vult ipsam quoq; Ecclesiam indicandam.

*Ioannes  
Hus fuit  
pro missa.*

Deniq; saltem Ioannem Hus, dixerint Lutherani veræ Ecclesiæ membrum fuisse, quem vulgò sibi adscribunt, & pro Martyre reputant. Hic porrò Missas more nostro celebrabat, & maximam illarum æstimationem habebat, & efficaciam agnoscebat, præsertim ad liberandas animas è Purgatorio. vt videre est, *Tom: 2.* Operum eius impressorum, per ipsos Lutheranos Norimbergæ A. D. 1558. inò inter alia crimina adscribitur illi, quod licet iam nossent excommunicationis sententiam contra se laram, domi tamen priuatam Missam celebrabat, assistentibus quibusdam suæ Sectæ complicitibus. Videatur præter alios Florimund: *lib: 4. de Orig: Hares: c. 3.*

Non igitur iusta ratio, sed tucatus color erat Principum illorum Lutheranorum, quòd priuatâ Authoritate SS. Miſſæ Sacrificium, tot ſæculis in Chriſti Eccleſia, toto Orbe diffuſa, uſitatum, abrogare, & tanquam idololatricum, non Dei Verbo, ſed ſuo ſenſu, & vnus Impoſitoris ductu, temerè condemnare, ob idq; Catholicos perſequi, & ſuis ſpoliare bonis, præſumpſerint; interuenientibus præſertim vtrinq; pactis conuentis, de quibus ſuprà. Multò minùs licuit eos prætextu prætenſæ ſuæ Religionis, alioqui nouiter exortæ, contra Cæſarè arma ſumere; non alia de cauſa, quàm quòd antiquos ritus Eccleſiæ, cōtra nouiter exorta dogmata, tueretur; & oppreſſos hoc nomine à Proteſtantibus Catholicos contra pacta, ſecundum iura, & leges iuſtitix, vindicaret.

## C A P V T XVI.

*Quod iniquè agant Lutherani, plebi, ſiue ſubditis, poteſtatem ſuprà Principes tribuendo, qui arguunt aliquos ex noſtris Doctōribus, poteſtatem Papa ſaltem indirectam in temporalibus aſtruentes.*

**I**llud adhuc omittere hoc loco nefas cenſeo, quod tu Hulſemane, cauſam tuorum Lutheranorum iuſtificans, contendis potuiſſe Subditos Cæſaris, contra ſuum Principem, prætextu deſenſionis, & tuendæ Religionis prætenſæ, arma ſumere, qui in Manuali tuo fol: 600. *cyclopicam & ſeditionis plenam doctrinam, gladio & igne proſcindendam*, pronuntias, quam aliqui ex noſtris Doctōribus tradunt, cum de poteſtate Summi Pontificis tractantes, aſſerunt, illum. *Quomodo*



nam pote-  
statem tem-  
poralem su-  
per Reges non modò spiritualem, sed etiam indirectè temporalem in  
 tota Ecclesia potestatem habere: hoc est; vt in causa Reli-  
 gionis, & vbi periclitaretur bonum Ecclesiæ, possit sceptrum  
 transferre, Reges deponere, ab iuramento fidelitatis Sub-  
 ditos absoluerè. Hoc vobis, tibiq; Hulsemane, grande pia-  
 culum, doctrina *Seditionis plena, gladio & igne proscindenda*  
 videtur. Et quò in odium nostros conijciatis Doctores, &  
 in maiores, quæ possint esse vestrà opinione, reducat is an-  
 gustias, consilia vestra, eò, vt plurimum, collimatis (pro-  
 ut occasione quoque huius Colloquij deprehendimus)  
Artem ma-  
litosam He-  
reticorum. quatenus omisis alijs, ad eam vnicam Controuersiam,  
 de Potestate scilicet temporali Papæ, nostros in publicis  
 huiuscemodi Congressibus, euocetis: vt nimirum nostri,  
 vel Principum, euitando offensam, Papæ Authoritati  
 derogent: vel Papæ Summam propugnando Iurisdictionem,  
 Principum, incurrant indignationem, eorumque  
 animos exasperent. Hoc non est aliud, quàm velle inter  
 Statum Ecclesiasticum, & Politicum, turbas dissidiaque  
 noua excitare. Is nempe est optatus fructus Euangelij, se-  
 cundùm Lutherum, tumultuosi; prout ipse cuidam, vt ha-  
 betur *Loc: Comm: Class: s.* respondit dicens: *Tu quereris,*  
& susci-  
pias b-  
euangelij,  
turbulen-  
tiam. quòd per Euangelium nostrum mundus tumultuetur. Respondeo:  
*Deo gratias. Hac volui fieri: Et ò me miserum nisi talia fierent.*  
 Quid mirum si sui quoq; asseclæ eundem spiritum turbulen-  
 tum vbiq; prodant.

Satis pa-  
pe quàm  
Subditum.  
Principes  
subijciuntur. At ponderandum relinquo Catholico Lectori, quidnā  
 sit consultius, an Summo Pontifici, communi omnium Re-  
 gum Christianorum Patri, eam quam nonnulli ex nostris

Docto-

Doctores agnoscunt Authoritatem supra Reges, in causa Religionis attribuere, an ipsis Regum Subditis facultatem, contra eosdem Reges insurgendi, & arma leuandi, prætextu Religionis prætextæ, vel aliunde, indulgere? quod non solum astruitur, cum bellum Protestantium Carolo V. suo Principi illatum, defenditur; verumetiam à plerisque Augustanæ Professionis hominibus, publicis illorum scriptis differtè docetur. Id luculentissime Eminentissimus Cardinalis Richelius in sua Defensione, contra Scriptum quorundam Ministrorum *cap: 8.* deducit, cuius verba licet longiora, placuit hic per extensum adducere, quibus ille post multa præmissa, Ministros Confessionistas laborantes, ut suspectam, totius Orbis Regibus, Summorum Pontificum potestatem efficiant, sic alloquitur.

Etiā qui obtusiori sunt ingenio, facile tamen agnoscunt vestrum in Regiam dignitatem, ardens, ut videtur, studium, non ex vestra in Reges beneuolentia, sed in Papam totamque Ecclesiam, odio ac maleuolentia proficisci. Sed ne videar vobis imponere, hic ego manifestè ostendam maiorem vos longè populo potestatem adscribere, quàm ea sit quam vos Papæ denegatis: quod Regibus longè perniciosum est: cum facile quisque perspiciat, multò illis esse perniciosius, si populi permittantur libidini, qui sæpè se læsum opinatur, cum non sit, qui etiam bellua est multorum capitum, qui denique suis ducitur cupiditatibus: quàm Patris reprehensioni submitti, cuius abundat in filios charitas.

*Populo*, ait Bucananus<sup>a</sup> quem Bez<sup>a</sup> præstantem, & maximi meriti hominem agnoscit, *ius est de sceptro Regni di-*



**ponendi pro libito suo** <sup>c</sup> Anglus quidam Caluino <sup>d</sup> intimus, quē  
<sup>b</sup> In A-  
<sup>sol: Go-</sup> fratrem appeilat. *Mali Principes*, ait *secundum legem Diui-*  
<sup>idm.</sup> *nam deponendi sunt: cumq; Magistratus officium negligit, tam*  
<sup>306.</sup> *liberum est populo munus eius gerere, ac si nullus esset Magistra-*  
*tus: & eo tempore Deus populo confert vsum gladij.* Idem Au-  
 thor, tempore Mariæ Anglorum Reginae, Librum de Obe-  
 dientia inscriptum edidit, Geneuæ excussum, & à Beza atq;  
 Caluino approbatum, in quo hæc verba leguntur: *Reges*  
<sup>c</sup> Goodm:  
<sup>in apol.</sup> *à populo ius regnandi habent, qui occasione datâ illud renouare*  
*poteſt.*

Non est vobis satis Reges dicere exauthorari posse; lon-  
 gius proceditis, cum cœrceri, puniri, condemnari, & occi-  
 di posse docetis, eos quoq; præmijs esse afficiendos, qui hor-  
 rendâ illa, & execranda crimina admittunt. *Vulgus*, aiunt  
<sup>f</sup> Oſian:  
<sup>in tpi:</sup> *Wicleſi Sectatores, teſte Oſiandro* <sup>f</sup> *pro voluntate ſua punire*  
<sup>Cent. art:</sup> *poteſt Principes peccantes.* Liber ille cuius modo memini  
<sup>17.</sup> tēpore Mariæ Reginae Geneuæ impreſſus, hæc habet: *Si*  
<sup>g</sup> Goodm:  
<sup>in apol.</sup> *Magistratus legem Dei infringant, ceterosq; obligent vt idem*  
*agant: & à dignitate, & ab obedientia ſibi alioqui debita exci-*  
*dunt, neque ultra pro Magistratibus haberi debent, ſed accuſan-*  
*di, examinandi, & condemnandi ſunt.* *Populus*, ait Bucana-  
<sup>h</sup> Bucan:  
<sup>de iure.</sup> *nus,* <sup>h</sup> *Principem in ius capitis vocare poteſt.* *Optandum eſt*, ait  
<sup>i</sup> Lib: de  
<sup>Jur: Reg.</sup> *idem,* <sup>i</sup> *vt præmia à plebe decernantur ijs, qui tyrannos occide-*  
*rint, vt fieri ſolet ijs, qui lupos occidunt.*

Enimuero quam in his abdicationibus formam ſerua-  
 tis? Nullam. Quod Regibus à populo deiiciendis ad reſi-  
 piſcendum tempus datis? Nullum. Seipſos veſtrâ opinio-  
 ne abdicant, cum aliter ſe gerunt ac debent. Nihilq; reſtat  
 aliud,

aliud, nisi vt se illis opponat populus, & in eos insurgat. *Abdicant se potestate Principes*, ait Calvinus, <sup>k</sup> *cum insurgunt* <sup>k In 6.</sup> *contra Deum, imò indigni sunt, qui in numero hominum censean-* <sup>Dan. 7.</sup> <sup>12. & 15.</sup> *tur, ideoq; in capita eorum potius conspuere oportet quàm illis pare-* <sup>I Epist:</sup> <sup>74.</sup> *re. Si Principes*, ait quidam Author Scotus, quem Calui-  
nus <sup>l</sup> *virum insignem appellat. Beza Euangelij in Scotia* <sup>I Epist:</sup> <sup>74.</sup> *instaurorem: quem Scoti omnes, teste Witakiero, fuisse*  
*Spiritu Prophetico, & Apostolico, præditum existimant. Si*  
*Principes*, ait ille vir, vestro iudicio adeò commendatus, *ad-*  
*uersus Deum, & Veritatem eius, tyrannicè se gerant, Subditi eo-*  
*rum à iuramento fidelitatis absoluuntur.*

Sed quæ causa ex vestræ disciplinæ præscripto, eos de-  
positione dignos efficit? sola Religio? Nequaquam: sed  
aliæ pleræq; causæ, vitæ scilicet dedecora, vitiaq;. *Nullus est*  
*Dominus ciuili*, ait Wiclefus <sup>m</sup> *nullus Prælatus, nullus Episcopus* <sup>m Apud</sup> <sup>Ofian: in</sup> <sup>epist. 101:</sup> <sup>9.</sup> *dum est in peccato mortali. Principe*, ait Zwinglius <sup>n</sup> *pos-*  
*sunt deponi, quando perfidè & extra Regulam Christi se gerunt:*  
*quo, vt ipse ait, sufficit si sceleratos prouehant, & innoxios præ-*  
*grauent, & otiosos Sacrificos defendant, (hoc est Catholicos)*  
*quod notandum.* <sup>n In Ex-</sup> <sup>plan: art:</sup> <sup>42.</sup> <sup>Heretici</sup> <sup>propriâ</sup> <sup>authori-</sup> <sup>tate de-</sup> <sup>ponen-los</sup> <sup>esse Prin-</sup> <sup>cipes per-</sup> <sup>mutant.</sup>

Quid vos de hoc genere sentiatis, ex innumeris Aucto-  
ribus possem ostendere, quòd etiam libentissimè agerem,  
si quod in eo argumento docetis, tam vobis esset opportu-  
num, quàm est perniciosum. Satis mihi fuerit Lectorem  
enixè obtestari, vt librum cõsulat inscriptum, *Apologia Pro-*  
*testantium omnium*, qui à multis annis in lucem exierunt, uti-  
lissimum: in quo multò plures inueniet in hanc sententiam  
locos: & inter alios quosdam etiam, quibus constat vestros  
Scriptis



Scriptis mandasse, quòd Diuino & humano iure, liceat Reges impios interficere, quia id Verbo Dei consentaneum sit. Quod etiam priuatus quisq; speciali impulsu tyrannum possit occidere. Doctrinam viquequaq; detestabilem, quæ nunquam Ecclesiæ Catholicæ in mentem veniet, ne per somnium quidem.

Neq; verò hæc dicta sufficiunt, imò vbi vestram exposuimus, de Regibus deponendis, sententiam, nunc quomodo vos erga Reges re factisq; geratis, inspiciendum est. Ex quo enim *Lutherus*, & *Calvinus*, errores vestros per Orbem disseminârunt, nullum locum prætermisistis, vbi illâ quam prætenditis, potestate vti possetis, quin vfi sitis. Exercitus in Carolum Quintum conflastis, quem Carolum Gandauensem, ludibrij causâ, dicebatis, vt ei in ditione sua turbas ac tumultus excitaretis, eumq; de Imperio deturbaretis.

*Heretici contra Principes arma mouerunt.* Arma in tres Gallorum Reges mouistis, Frânciscum II. Carolum IX. & Henricum III. Sub Carolo monetam alterius nomine percussistis, cui Regis nomen tribuebatis. Quomodo Mariam Scotiæ Reginam habuistis? nonnè captiuâ tenuistis? nonnè in carcere, vt Regiâ se dignitate abdicaret, coëgistis? nonnè in Mariam Anglorum Reginam ter exercitus comparastis? nonnè præteniam quandam Reginam in illam excitastis? An non vnus è vestris, Sacrilegas in eam manus immisit?

Philippum Hispaniarum Regem, pluribus Prouincijs in Flandria exuistis. Christiernus Danorum Rex, à vestris suâ coronâ spoliatus est, Regno etiam pulsus, ac deinde in vincula coniectus, vbi deniq;, vt hominum eius temporis opinio

opinio fuit, mortē illi veneno accellerârunt. SIGISMUNDVS qui nunc regnat in Polonia, coronâ sibi Hæreditario iure debitâ, quamq; sine controuersia Pater eius obtinuerat, se videt spoliatum, Patruo qui vestram profitebatur fidem, in eius locū per vestros collocato. Transyluaniâ sub Rudolpho Imperatore nuper defuncto, occupâstis; quâ ille iustissimo titulo tanquâ Vngariæ Rex potiebatur. Et hæc omnia Caluini Prædecessoris vestri exemplo fecistis, qui Geneuensem Episcopum nunquam potuit, non dico vt Episcopū, sed ne quidem vt Dynastâ, ac Principem temporalē, sustinere?

Quisquis Historias legerit, quibus ea quæ refero continentur, cognoscet ille, vos vno & eodem, sine dubio, sæculo, duobus Imperatoribus tumultus excitasse: Regem vnū re ipsâ Regno exuisse: alteri Regni sui aditum præclusisse: Regno alterum expulisse: Reginam vnam abdicasse: alteri bellum intulisse, quò eam Regno spoliaretis. In quatuor Reges arma sumpsisse, alios Principes suis ditionibus expulisse: Regem vnum occidisse: piam & sapientē Reginam, captiuam fecisse, cuius erat captiuorum vincula dissoluere; quam deniq; cum Diuinis tum humanis legibus infractis, crudeli prorsus & digno lachrymis mortis genere è medio sustulistis. Hæc Richelius.

I nunc Hulsemane cum tuis, & insultando euoca Catholicos ad disputandū, de Potestate Summi Pontificis supra Reges, & obijciemus vobis quæstionē de potestate plebis supra eosdē Reges: ac contra cateruā calumniarū, obijciemus cateruam veritatū: Paternum Pontificum Regimē, contra seditiosum tumultuosæ plebis Subditorum frequens

N

& mul-

Regni spoliatur  
Reges ab Hæreticis.



& multiplex specimen: Petri gladium in vagina repositum, & nonnisi ad iussionem Domini expromendum, contra gladium furiosæ plebis, quâuis seditione specioso pictâ colore strictum, & euaginatam. Nec ad solos hæc ex Richelio Calvinistas spectare putes: Fratres enim estis: & iunctis hæc in parte contra nos viribus proceditis: & quod pleriq; illorum scriptis, hoc vos vt plurimum factis probatis. Ideoque licet maiori ex parte de Calvinistis loquatur Cardinalis, commune nihilominus crimen cum Lutheristis, vt videre est, prosequitur.

Imò nec ipsius quidem Lutheri Patriarchæ vestri mentionem facere omisit, sed meritò in eodem crimine ipsum inuoluit: vtpotè qui contra Principes non rarò insolens admodum fuerit, quos *Lib: de Potest: Sacul. & Lib: de Libert: Christ. & alibi*, communiter vocat *maximè fatuos, maximos Nebulones, Carnifices, Christi interfectores, Herodes impios, tyrannos intolerabiles, Turcis peiores*. Et pientissimum Principem Georgium Ducem Saxoniam, eò duntaxat, quòd damnatam suam doctrinam recipere noluerit, *Apostolum Antichristi, siue Sathane*, proprio suo detrahens titulo, appellauit. Et Henricum VIII. Angliæ Regem, priusquam suæ subscriberet hæresi, tam acerbo & atroci scripto perstrinxit, vt pleriq; etiam ex ijs, qui in eius dogmata concefferant, indignè ferrent Regem sic tractatū ab illo. Carolum V. contra Ambr: Cather: scribens, vocat *Turcam Baptisatum, Turcā non Baptisato peiorem*. Hinc meritò & ipse Carolus V. Imperator, diligenter explorato, & probè perspecto ingenio huius Pseudoeuangelici, in edicto Vormatiæ A. D. 1521. edito, tale de ipso,

ipso, & suâ doctrinâ, tulit iudicium: *Obedientiam & regimen omne prorsus tollit.* Et rursus: *Populos ad rebellionem & defectionem à suis principibus, tam spiritalibus quàm temporalibus faciendam, prouocat.*

An non clarè admodum hoc innotuit per famosum illud olim Rusticorum bellum, quod illi auctore & incettore <sup>Lutherus auctor belli Rusticorum.</sup> Luthero suis Dominis intulerunt, occasione Pseudoeuangelij ab eodem Luthero prædicati, quo secundum libertatem Euangelicam, pares Dominos Subditis, & Subditos Dominis astruebat: omnem consequenter Subiectionem Potestatibus debitam tollens, & cōscientiam solius Euangelij obsequio adstringens. Propter quod & vulgare Rusticorum illorum Symbolum erat, quod & continuo ingeminabant: *VIVAT EVANGELIUM*; quali pro integritate Euangelij (contra doctrinam Euangelij) aduersus Principes suos decertarent. Quamuis postmodum perditus Hæresiarcha, videns belli illius tristem nimis exitum, receptui caneret; turbas illas iam lenitate, iam rebellium sanguine, sedari suaderet; & nonnullos libellos populari linguâ contra eosdem Rusticos vulgaret; quò se innocentem probaret, suumque, & seditiosæ doctrinæ suæ errorem purgaret. At vano labore, prout notatus, & falsè derisus fuit ab Erasmo in Hyperasp: imò & confutatus ex proprijs ipsiusmet scriptis prioribus: quibus eum apertè conuicit, quomodo prætextu assertæ præposteræ libertatis Euangelicæ, omnibus illis tumultibus ac rebellionem causam & occasionem dederit. Professus quippe erat Lutherus *Libro de Liber: Christ:* omni studio securaturum, imò & effecturum, *ut nec Ecclesia Christiana, neq*



Luthera-  
ni rebelli-  
ones exci-  
tant.

*Euangelium*, vllum agnoscat Magistratum; nec sciat quidem quid Magistratus sit. Hæc mera hominum esse commenta, comminiscens, meramq; tyrannidem ad miseros Christianos vexandos, & seruitute opprimendos. Quid plus ad excitandas rebelliones opus erat? Plura de his qui scire desiderat, legat (nec poenitebit) Florimundum de Orig: Hæres: l. 3. c. 2. vbi ex proprijs Lutheri, suorumq; scriptis & actis, tam luculenter ad oculum ostendit, vt tergiuersationi Aduersarijs nullum relinquat locum, quantum nimirum ferox hæc secta à suo mox initio, nō modo contra Summum Ecclesiæ Antistitem, sed etiam contra Imperatorem, Reges, omnemq; in vniuersum Magistratum, tantâ feritate debachata fuerit, vt vix vlla alia Hæresis simile quid vnquam ne dum deterius ausa fuisse legatur. Et tu adhuc cauilaris Hulsemane, grauem iniuriam, quod te, tuosq; homines, natura suæ Hæresis (nisi aliud Patriæ ingenium ferat) seditiosissimos, tam patentibus vndiq; indicijs, tantaq; recens occasione datâ, vel saltem suspicemur, quod vtiq; estis?

Nec queraris, me tantâ occasione per te porrectâ, ea omnia tam fusè prosecutum fuisse, & mala quæ per vestras Sectas sustinent Principes longiori ordine recensuisse. Quid enim? licet tuis, tibiq; præ alijs, passim in Libellis quos vulgasti, opportunè, importunè, nostros vocare Regicidas: obijcere illis proditiones, perduelliones, ignium suppositiones, & tot alia figmēta: nō licebit mihi promere Orbi nota? Tibinè hoc laudi erit, mihi crimini? Gaudet æquè, imò amplius, priuilegio libertatis calamus Catholicorum, gesta veritatis referre, quam hæreticus commenta confingere.

## CAPUT XVII.

*Declaratur Hulfemano, nullam illi amplius ad sua Re-  
plicam dandam : idq; duabus de causis : primò, ad  
evitandam contentionem ; secundò, ad excusan-  
dum vanum laborem ; eò quòd scripta eius  
nil habeant solidi.*

**H**Actenus Hulfemane retuli, quid mihi negotij tecum  
intercessit ; & quâ occasione Satisfactionem meam  
porrexerim. Eiusdem insuper Satisfactionis meæ firmam,  
ut reor, contra te, tuasque obiectiones factas & faciendas,  
Apologiam opposui : quæq; in eadem Satisfactione refuta-  
sti, vel deinceps refutare poteras, dissolui. Nunc superest  
ultimam tibi mentis meæ declarationem aperiam. Si post-  
quam à me his satisfactum est tibi, non tamen adhuc tibi  
satis dictum videatur, ut ea quæ hic attuli, tuo, vel si hoc de-  
dignaberis, supposititio alterius nomine, refutare, imò im-  
pugnare volueris, licet si libet : at nullum amplius à me re-  
sponsum expectes in hac materia. Ego enim iam satis feci  
tibi, tuisq; instantijs. Si tu non satis dixisti, parum moror.  
Palmam dicacitatis si mihi gestias præripere, gaudebo, non  
inuidebo. In hoc genere victor esse non contendo, lubens  
vel ante ipsam pugnam, victoriam tibi cedo.

Vnum ex tribus, in tuo quod esses exhibiturus scripto,  
forè coniicio : vel ad mutuam tecum contentionem, & per  
Scripta concertationem euocare voles : vel ea quæ attuli  
improbabis & confutabis : vel solito more tuo conuicijs &



*1. Cor. 2.* Apostoli: *Si quis autem videtur contentiosus esse, nos talem consuetudinem non habemus, neq; Ecclesia Dei.* Satisfactionem requisisti, satisfactionem recepisti. Satisfactionem improba-  
*Contentiones in Ecclesia sunt vitandæ.* it, pro Satisfactione Apologiam habuisti: si nec hîc quidem adhuc quieueris, vltimum in dicendo & replicando te fuisse gratulabor. Mihi porrò non est animus vltra respõsis tecum certare, sed vtilioribus potius tempus impendere.

Si verò ea quæ attuli improbare, & confutare tuo Scripto volueris: nec hîc quidem adhuc necessitatem mihi respondendi, imponendam fore arbitror; idq; ex duplici capite. Primò, quod si certus te non posse quicquam noui adferre, cui non iam & Satisfactionis, & præsentis Apologiæ scripto ex integro sit satisfactum; quod quidem taliter curauiformare, vt omnium instantiarum tuarum impetus frangerem. Quicquid proinde obieceris, præsentem hîc inquire solutionem. Si in contrarium aliquos alios Authores, vel Historiographos adduxeris: mihi sufficiunt, vel isti quos aduocaui, ne temerè videar fuisse locutus. Si quid in accessorijs non consonat, mihi sufficit vt principale intentum subsistat.

Deinde ex alio quoq; capite nullam mihi respondendi necessitatem futuram ominor; eò quòd nihil te solidum, contra me posse depromere arbitror, idq; ex tuis Scriptis facilè conijcio. De quibus enim, quæso, illos cum quibus decertas, confutare soles? pudet referre: nec tamen pudebat te in medium adferre. In Præfat: Animaduers: graue crimen Hieronymo Plato obijcis, quod dixit: *abscederunt,*  
*pro ab-*

pro *abscesserunt*: quasi viri eruditi puerilia hæc inter se obser-  
uent, & cesurent, quæ casu, aut errore Typographi irrepunt: *Hulsema-  
ni leuita-  
tes, in cē-  
jurandis  
nostris.*  
sicut & variatio quâdoq; numeri in citationibus: ex quibus  
plura apud te quoq; notanda, ad Scholas sagacioribus no-  
stris Grammaticis, aut certè otiosis hominibus remittimus.  
Quàm impertinens, & illud quod Hagero *in Manuali fol:  
oss.* obijcis, illum in Confessionis verbis quinquies à proto-  
typo discessisse. In quo quæso? scilicet immutauit Hage-  
rus verbum: *his*, pro *ijs*. Aliqua etiam verba transposuit,  
aliquas voculas omisit: utiq; tanti momenti fuisse puto hæc  
omnia, tamq; variantia sensum, quantū variavit hoc, quod  
*his*, posuit pro *ijs*. Similes frequenter in decursu Colloquij  
nostri scrupulositates, vel potius morositates tuas, ma-  
gna cū molestia, nec minori iactura temporis experti su-  
mus. De his, & huiusmodi, tecum ego postmodum repli-  
cando certare debeam, quæ ut plurimum vel Amanuen-  
sium, vel Typographi incuria, summa etiam adhibita dili-  
gentia incidunt? quis has nugas, & pueriles leuitates, in vi-  
ro barbato ferat? An non huiusmodi errores, multoq; plu-  
res, in ipsis tuis libellis, homines otiosi deprehenderent, &  
reprehenderent?

Iam si reliquam substantiam (si tamen quid substantia-  
le contines) in tuis considero Opusculis; tuas rationes, qui-  
bus contra Catholicos aliquid probas, tam elumbes video, *De Mol-  
semani  
scriptis cē-  
jura.*  
ut magis illæ spernendæ quàm soluendæ videantur: pleræq;  
ex illis melioris apparentiæ, iam ante à nostris Doctoribus  
abundè solutæ & excussæ, passim reperiuntur; ut nil nisi re-  
liquas paleas pauper homo adferas. Vbi verò nostrorum  
rationi-



rationibus respondes, quàm friuolas & futes solutiones adhibes? Familiaris vt plurimum tibi solutio, vel potius euasio, cùm alia non suppetant, per liberè obiectum non probatum, mendacium, per obiectam ignorationem Elenchi, vel petitionem principij, siue id appositè, siue minùs appositè fiat.

Exemplo rem illustrabo, ne tibi imponere videar. In  
*Eccles: 9.* Animad: fol: 104. & seq: agis contra Bellarminum defen-  
 dentem versionem vulgatam illius loci: *Nescit homo utrum*  
*amore an odio dignus sit?* Et in primis quàm fide illic asseris Ie-  
 suitam, id est Bellarminū, concedere loci huius vitiosam ver-  
 sionem esse, ob defectum conformitatis cum Hebreo textu, quoad  
 verba, esto quoad sensum sit conformis? tu videris. Tandem  
 cùm fatearis ipse, S. Hieronymum quem allegas, versionē  
 hanc retinere, esto illam ad particularem casum, & tempus  
 tribulationis frustra restringas, (de quo iam suprà confuta-  
 tus es) nihilominus & crimen falsi, & malam fidem obij-  
 cis Bellarmino, Hieronymum alleganti. Demum prole-  
 quens ruinosum tuum discursum, postquam dixeras Bellar-  
 minū hunc locum non de homine in abstracto, vel de ho-  
 mine impio, sed de homine iusto interpretari: subijcis: *Sed*  
*hoc friuolum est. Homo enim vox generica, distribuitur mox*  
*versu sequ: in iustum & impium, bonum, & malum, &c. Tum*  
*petit principium hac exceptio. Nam apud Papistas ideo ignora-*  
*tur amor Dei, quia homo ignorat, an sit ipse pius an impius? Et-*  
*enim si alterutrum sciret, sciret quoq; amaretur à Deo? an non?*  
*Igitur pius omnino scit amari se à Deo, etiam ex Papistarum sen-*  
*tentia.* Omitto plura tua impertinentia quæ hic inuoluis,  
 tam non

*Hulsema-  
 nus inique  
 crimē fal-  
 si obijcit  
 Bellarmi-  
 no.*

tam non consona, imò tam dissona à textu Scripturæ: Cur enim non potius de iusto loquatur Scriptura, cum de iustis tantum præcesserit ibidem Sermo: *Sunt iusti atq; sapientes?* &c. Cur secundum posteriora, de homine generice intelligenda sit Scriptura, eò quòd postmodum deuenit ad specificationem iusti, & impij: probando utiq; de iusto, quòd nesciat se amari à Deo. eò quòd *Uniuersa aequè eueniant iusto, & impio?* Deinde Vim tuæ Logicæ pro nunc attendo. *Bellarminus petit principium suà exceptione, locum Scripturæ de homine iusto explicans.* *principij eidem im-*  
Hoc dixisti. Da probandi. Nam apud Papistas, inquis, ideo *ponit.*  
ignoratur Amor Dei, quia homo ignorat, an sit ipse pius, an impius? Igitur pius omnino scit amari se à Deo, etiam ex Papistarum sententia. Infer vterius: hoc enim tibi potissimum iam incumbit probandum. Ergò *Bellarminus petit principium.*

*Spectatum admissi risum teneatis amici.*

Scisne tu Hulfemane, quid sit petitio principij, vel vbi illa obijcienda, aut quomodo probanda? Dubito valde. *Hulfema-*  
Tunc es ille gloriosus Logicus, qui disputationis strepitum *nam quam*  
adeò in hoc Colloquio vrgebas? Omnia puto Argumenta *leuiter no-*  
nostra, vnica solutione hac expediturum te putabas. *strorū sol-*  
*uit ratio-*  
*nes.*  
*Est pet-*  
*tio primi principij.* Prætereane nihil? *Est ignoratio Elen-*  
chi; adderes. Reiteretne adhuc aliquid? *Mentitur Papista.*  
Hic omne iam Hulfemani exhaustum armentarium.  
Sed & quid ineptius deducere poteras, quàm ex tali anteceden-  
tenti, tale consequens? Istæ sunt tibi demonstrationes,  
quibus de Papistis, vt vocas, sæpè frustra triumphas, & ad  
hominem eos conuincere putas. Vnus è nostris scholaribus,  
qui vel primo limine Summulas Logicales salutauit, tuas  
istas



istas exploderet, an irrideret argutias? Diceret enim Antecedens, quod frustra probas, concedo. Consequentiam ad hominem ex hoc antecedenti, non minùs quàm baculum, in angulo, colligis. Appone alteram præmissarum, & integrum forma Syllogismum, videbisq; quid tua valeat consequentia, & quàm nullatenus ex nostra sequatur sententia.

Syllogismus, porro in planis terminis hic erit, supposito tuo antecedenti, & consequenti. *Ideo ignorat homo se amari à Deo, quia ignorat se pium vel impium. Sed qui pius est, scit se esse pium. Ergo qui pius est, scit se amari à Deo.* Hic concessa maiori, negabitur in sententia Catholicorum Minor. Negata verò minori, nulla erit tua consequentia, quam nō subsumpta Minore, tanquam irrefragabilem male inferebas: ultra aliud vitium fallaciæ, quod latebat in argumento, quando ab homine ignorante an sit pius? in antecedenti, processisti absolutè ad hominem pium in consequenti: Quid verò de altera illa principali consequentia, qua obiectam petitionem primi principij inferre debebas, fiet, ex toto antecedenti, adeò impertinenti, quod assumpsisti?

Cæterù, quis nesciat, quòd aliqua propositio controuersa sine vitio Petitionis primi principij, probari possit auctoritate Scripturæ Sacræ, eandem propositionem iisdem verbis exprimente: vel certè quòd ipsa auctoritas allegata, ex antecedentibus, & connexis, ad eum sensum, quem requirit Propositio probanda, trahi possit; vt in præsentì contingere docui, cùm ostendi ex antecedentibus prædictam auctoritatem loqui de iusto, prout propositio Bellarmini probanda postulabat. Si hoc est petere principium, quis  
vnquam

vnquam ex Authoritate arguendo, non petet primum principium. ?

## CAPUT XVIII.

*Amplius ex suis scriptis deducitur, quomodo nil solide prosequatur: vt proinde non mereantur sua responsum.*

**L**ibet adiungere aliud specimen tuæ eruditionis, vt palam mundo constet, quam temerè abusus fueris calamo in tuis lucubratiunculis. In iisdem Animaduersionibus tuis, contra Bellarminum, fol. 57. dum conaris infringere Canonem Sacrorum librorum, quem non modò ex determinatione Concilij Tridentini, verùm etiam ex præscripto antiquissimi Concilij Carthaginensis tertij, recipit Catholica nostra Ecclesia; quò authoritatem eiusdem Concilij Carthaginensis hâc in parte eleuares, duo obijcis. Vnũ est, Concilium hoc etiam librum Esdræ 3. & 4. in hoc Canone computare, quod non faceret, si *Caonicum* propriè & paronymicè sumplisset. Alterum quod dicis, est, Concilium hoc, à *Papists* ad inferos damnari quod Canone 26. *vetet, Romanum Pontificem, dici Principem Sacerdotum*. Vtrumque tam pingue & crassum mendacium, vt mirum sit, quod pondere suo tuum, alioqui leuem libellum, ad inferos non deprefferit, multò veriùs quàm à nobis Concilium tertium Carthaginensẽ inferis aliquando deuocatur.

Quoad primum quidem: te per omnia Sacra obtestor, vbi vnquã reperisti in Canone Cõcilij tertij Carthaginensis,



reponi tertium & quartum librum Efdra? Remitto quemuis Lectorem ad Acta eiusdem Concilij: nec sit illi, quæso, graue, videre locum, & imposturam tantâ Hulsemani, manu palpare. Inspiciat vel ipsum ab eo ibidem allegatum, Binium, *Cap: 47.* & in alterâ Editione ibidem subiunctâ, cū Græco textu, *Cap: 24.* nec reperiet plures quàm duos duntaxat libros Efdra connotatos. Monstra Hulsemane aliud quodpiam exemplar, at non suspectæ fidei, sed quod vel Originali constet esse conforme, vel saltem communiter circumferatur; & crimen in me reuoluatur. Sin minùs: remanebis cū nota mendacis multò æquius, quàm illi, quibus eam sæpiùs licentiosè affigis.

*Hulsem:*  
*verba cō-*  
*cilij malè*  
*ad alium*  
*sensum*  
*trahit.*

Omitto interim ineptam tuam tuorumq; solutionem, quâ Canonem illum interpretamini, non in ordine ad dogmata fidei comprobanda confectum, sed in ordine ad ea quæ possint sub nomine Diuinarum Scripturarum legi in Ecclesia: quæ explicatio vestra tam absona & repugnans ipsi textui videtur, vt ea posita, nil nisi meram nugacitatem sonarent verba Concilij, tam alias clara, quòd nonnisi proteruiâ hæreticâ ad alium sensum trahi possint. Dicit enim Concilium: *Placuit vt prater Scripturas Canonicas nihil in Ecclesia legatur sub nomine Diuinarum Scripturarum. Sunt autem Canonica Scriptura, Genesis, Exodus, &c.* Sectarij dicunt: Sensum esse Concilij, *Scripturas Canonicas* vocari, *Scripturas legendas in Ecclesia.* Sensus ergò erit Concilij secundū ipsos: *Placuit vt prater Scripturas legendas in Ecclesia, nihil legatur in Ecclesia.* An non hæc mera nugacitas? An non ibidem additum est: *sub nomine Diuinarum Scripturarum?* An non

his Ca-

his Canonicis Scripturis ibidem tanquam contra distinctæ adiunguntur *Passiones Martyrum*, in Ecclesijs quoque legendæ?

Sed pergo ad alterum quod dicis, Concilium hoc tertium Carthag: quod scilicet Canonem illum scripturarû cōfecit, à *Papistis ad inferos damnatur, quod Canone 26. Vetet, Romanum Pontificem dici Principem Sacerdotum.* Et mox subiungis. *Quapropter Bonifacius Papa II. Epistola 2. ad Eulali-um ait, quod Aurelius Carthaginensis Episcopus, & Collegæ eius, in hoc Concilio (B. Augustinus, Alipius, &c.) instigante Diabolo superbire caperint contra Romanam Ecclesiam. Apud Binnium, Tom: 2. Concil: part: 1. fol: 644. Hæc tu. Papæ! quid tui Lutherani dicent? Lætum Pæana victori de Papistis canent: coronam triumphalem portabunt: Io acclamabunt. Ipsos inter se Papistas digladiantes produxisti: nec quemcunque, sed ipsum Summum Pontificem Bonifacium Papam II. Concilium illud Carthag: Aurelium cum suis Collegis, specifica (si superis placet) Augustinum, Alipium, &c. velut instigante Diabolo superbientes contra Ecclesiam, damnasse, diris deuouisse: nec hoc quidem vnus è castris Lutheranorum testatur, aut obscurus quispiam Author ex nostris, sed nominatus & celebris Binnius, qui tot voluminibus omnia Concilia Generalia & Prouincialia, summo studio collegit. Audistis hæc viri Lutherani, & causam in vestro Hulfemano euicisse putastis. At suspendite adhuc tantillum Organa in salicibus, & gloriosum Hulfemanum, mox confusionis spectaculum exhibebo vobis.*

Atq; vt omittam leuiora, de quibus non est mihi ani-



Convin-  
citur Hul-  
femianus  
falsi.

mus tecum Hulfemane contendere : falsum est imprimis & ingens mendacium, quod vnquam Catholici damnent, hoc tertium Concilium Carthaginense: imò maxime venerantur: Falsum est quod ab aliquo Pontifice fuerit damnatum, imò potius à Leone IV. d. 20. *De libellis*, approbatum est. Falsum est quod Concilium illud *Can: 26.* vetet, Romanum Pontificem dici *Principem Sacerdotum*, cum nec minimū iota de Romano Pontifice contineat ille Canon: Qui sic habet: *Vt prima sedis Episcopus, non appelletur Princeps Sacerdotum, aut Summus Sacerdos, aut aliquid huiusmodi, sed tantum prima sedis Episcopus.* Quod de Romano Pontifice nequaquam intelligitur, sed de Metropolitano duntaxat illius Prouinciæ, qui vulgò apud nos vocatur, *prima sedis in sua Prouincia Episcopus.* Cum enim Concilium hoc non fuerit Generale, sed tantum Nationale (vt conitat) non modò toti Ecclesiæ, non poterat præscribere leges, sed nec vni alteri Prouinciæ.

Quos Sta-  
tua Con-  
cilij Pro-  
uincialiu  
obligant.

Esto namq; quantum ad dogmata fidei attinet, quæ in aliquo Prouinciali Concilio stabiliuntur siue declarantur, tanquam dogmata fidei, accedente Summi Pontificis confirmatione, in tota vbiq; Ecclesia pro dogmatibus fidei sunt tenenda (non enim licet apud nos quemadmodum apud Sectarios, alia dogmata fidei in vna Prouincia, vel Ciuitate, alia in aliâ profiteri) cuius utiq; generis est Canon ille Diuinarum Scripturarum à Concilio Carthag: recensitus, quē nihilominus Concilium ibidem se à Patribus accepisse, non primū formasse asserit. Quantum tamē attinet ad mores (ex quo genere fuit illud eiusdem Concilij: ne primæ sedis

Episco-

Episcopus in illa Prouincia hoc vel illo vteretur titulo ) quod in aliquo Concilio Prouinciali sancitur, non protinus alias Prouincias ( multò minùs ipsum Summum Pontificem ) obligat, licet ab ipso quoq; Summo Pontifice approbetur, quia nonnisi pro illa Prouincia approbatum censetur vbi statuitur. Horum quippe varietas cum inuariabili doctrina fidei subsistit.

Sic itaq; Concilium Prouinciale Episcoporum Africanorum, nequaquam præsumpsit legem ponere alijs Ecclesijs, vel illarum Episcopis, multò minùs ipsi Papæ, quò nimis tali vel tali titulo non vteretur. Potiùs Siricius Papa ipsis Africanis sub pœna excommunicationis præcepit, decreta Concilij Romani obseruari, vt habet Baronius A. D. 396. & Collectio Regia Conciliorû Parisijs A. D. 1644. impressa, *Tom: 2. fol: 521.* Quî ergò Africani præcipienti sibi, præcipere, vel legem ponere potuissent? Sed hoc Argumentum Sectariorum ab Autoritate huius Concilij contra Primatum Romani Pontificis bis coctum: iam ante à Caluino *lib: 4. Instit: cap: 7. §. 3.* propositum, & à Bellarmino *Tom: 1. lib: 2. de Rom: Pont: cap: 31.* sufficienter solutum: & ipse Canon, à Binio ibidem abundè explicatus; vt nil nouum attulerit Hulsemanus, quod tanto cum apparatu visus est adduxisse.

Sed illud, inquis, est nouum quod attuli ex Bonifacio II. In tuam miser attulisti confusionem. Imprimis enim in referendo textu graue crimen falsi commisisti, quod non tam facilè elues: tu enim sic refers textum Epistolæ Bonifacij II. ex Binio. *Aurelius Carthag: Episcopus, & Collegæ eius,*  
*in hoc*

*Rursus  
falsi con-  
uincitur  
Hulsema-  
nus.*



*in hoc Concilio (B. Augustinus, Alipius, &c.) Apud Binium verò sic habet Epistola præfata Bonifacij II. Aurelius præfata Carthaginensis Ecclesiæ olim Episcopus, cum Collegis suis: transeat verborum per te variatio substantiam rei non varians: sed illud hæreat, non transeat, quod ineptè admodum addidisti intra parentesim Augustinum, Alipium: ad odium scilicet Summi Pontificis eos damnantis: ineptè inquam, vt mox patebit. Prosequeris tu deinde: Instigante Diabolo superbire ceperunt contra Romanam Ecclesiam. Binus porrò sic habet: Instigante Diabolo superbire, temporibus Prædecessorum nostrorum, Bonifacij atq; Cælestini, contra Romanam Ecclesiam, capit.*

*Eiusdem  
dolum.*

Hic paucis te volo Hulfemane. Quid mysterij, aut consilij, quod tu ex textu præfatae Epistolæ Bonifacij à Binio allegatae, omiseris illa verba: *Temporibus Prædecessorum nostrorum, Bonifacij atq; Cælestini?* Videat mundus & iudicet dolum, quem abscondit Hulfemanus. Concilium Carthaginense tertium, de quo hætenus erat sermo, & in quo Canon ille 26. ab Hulfemano allegatus, de non usurpando à primæ sedis Episcopo titulo, Principis Sacerdotum; celebratum fuit temporibus Siricij Papæ, non Bonifacij & Cælestini: Sub his enim Concilium eiusdem nominis Carthaginense, non tertium, sed sextum celebratum fuit, in quo de hoc titulo ne iota quidem extat. Reuoco Lectorem, ad omnes Chronologias, & imprimis ad ipsum Binium, ab Hulfemano aduocatum; qui initio vtriusq; Concilij, tempora horum Pontificum præfixit. Hinc quippè euidenter, & luce meridianâ, clarius constat textum Epistolæ præfatae Bonifacij Secundi, nullatenus referri ad illū Canonē 26.

Conci-

Concilij Carthaginēsis tertij, nequaquam temporibus Bonifacij & Caelestini celebrati. Quā fide igitur Hulfemane omisit ex Epistolā præfatā Bonifacij Secundi illa verba, iam facile est colligere; magisq; adhuc ex sequentibus patebit.

Sed forsā Hulfemane, deceptus es in eadem Concilij Carthaginensis appellatione: non interim satis bene numerando Concilia eiusdem nominis: quod facile crediderim: vtpotē qui magis versatus sis in Cathechismo Martini Lutheri, vel in Smalcaldicis articulis, quā in Sacrosanctis Ecclesiæ Concilijs.

Minus insuper peritū historiarum te ex omni parte probas: Prætēsa enim Epistola Bonifacij Secundi dicitur fuisse conscripta, non occasione illius Canonis 26. Concilij tertij Carthaginensis, sed occasione cuiusdam reconciliationis Ecclesiæ Africanæ cum Sede Apostolica, post diuturnū schisma factum, propter inuisum modum prosequendæ appellationis ad Ecclesiam Romanam. Ita ibidem Binius: & in Collectione Regiā impressā Paris: *tom: 11. fol: 83.* & passim apud Historiographos: qui tibi vidēdi prius erāt, quā <sup>idem Historiarum imperius.</sup> temerē effutires, quo tuam in rebus Historicis magnam probares imperitiā; vtinam vel non malitiā.

Nam vltimò tandem gradatim à te inquirō, vnde tibi constat, Papistas Concilium tertium Carthaginense ad inferos damnasse, ob Canonem 26. Ex Epistola, inquis, Bonifacij Secundi ad Eulaliū dicentis: *Aurelium & suos Collegas (Augustinum, Alipium, &c.) instigante Diabolo, cepisse contra Romanam Ecclesiam superbire.* At in hoc, (vt iam visum) turpiter errasti. Nihilominus, inquires, Bonifacius



Secundus, si non in hac, in altera saltem occasione, impeditæ videlicet appellationis ad Romanam Ecclesiam, Aurelium, Augustinum, Alipium, &c. conqueritur, *Diabolo instigante, superbisse contra Romanam Ecclesiam.* Hoc etiam vnde tibi constat? inquirō. Ex Binio, inquis, referente suam Epistolam.

Itanè ex Binio referente hanc Epistolam, vis nos conuincere, vel saltem occasione impeditæ appellationis ad Romanam Ecclesiam, *Aurelium, & suos Collegas. Diabolo instigante, contra Ecclesiam Romanam superbisse?* Atqui idem, Binus refert etiam multa Conciliabula, & detestabiles errores in illis contentos: de ijsdem ergò nos quoq; volueris arguere, eò quòd referuntur à Binio? Referuntur quidem, sed mox etiam vt Conciliabula refelluntur. Ita planè & hæc Epistola sub nomine Bonifacij Secundi refertur à Binio, sed mox ab eodem ibidè, & iterum *Tom: 1.* (quo sese refert) circa Concilium Carthag: 6. verbo, *Concilium.* *Parte prima. fol: 29.* fusissimè & solidissimè refellitur, tanquam commentitia, spuria, falsò Bonifacio Secundo assuta, mendacijs plenissima, mendacissimè imponens Schisma, illo tempore, Ecclesiæ Africanæ ab Ecclesiâ Romanâ, & Sede Apostolicâ: quod multipliciter, & efficaciter, ac penè ad oculum probat Binus vtrobiq;: quæ fusius recensere non est mei propositi: eò remitto Lectorem.

Sufficiat hæc ex primo Tomo loc:cit: adducere, quibus longiorem suum discursum probationesq; sic concludit: *Impostorem itaq; & mendaciorum frigidum concinnatorem, callidum, veteratorem esse oportuit, qui Epistolam pluribus men-*

*Epistola  
sub nomi-  
ne Boni-  
facij sup-  
posita.*

*A Binio  
refertur.*

bus mendacijs scitntem, nomine Bonifacij Secundi ad Eulalium aliquem Alexandrinum Episcopum tempore Iustini Imperatoris, mendaciter scriptam excogitauit: ut scilicet agmina Sanctorum Africanorum Martyrum & Confessorum (qui pro fide Catholica in persecutione Vandalica magnâ gloriâ certantes, atq; agonem summâ patientiâ consummantes, Martyrij & Confessionis palmam consecuti sunt) albo Catholica Ecclesia expungeret. Nam si integro ab hinc seculo, nempe a Bonifacio Primo usq; ad Bonifacium Secundum, Africana Ecclesia in Schismate perseuerauit, nihil est, ut interea aliquis legitimâ coronâ Martyrij impartiri, vel in aliquo Confessionis premio munerari potuerit: cum Cypriani, & Augustini, Africanorum Episcoporum, sententiâ, certum exploratumq; sit, nullam posse esse Schismaticorum coronam & premium, quia non dantur nisi illis qui in Ecclesie Catholice stadio legitimè certârunt. Hæc Binius (allegato etiam Baronio) de Epistola nomine tenus duntaxat Bonifacij Secundi, re autem impostoris cuiusdam, frigidi mendaciorum concinnatoris, callidiq; inueteratoris. Sic Binium in te retorqueo Hulfemane: contra quæ, nisi æquè solida & euidentia reposueris, nihil facis: æquo cuiusvis Lectoris iudicio succumbes. Cauillationibus & conuicijs hic nequaquâ euades.

Nunc porro liceat tecum expostulare. Quâ fide res fidei tuæ agis & auges tanto apparatu mendaciorum, tantâ congerie falsitatum, autoritate deniq; impostorum, mendaciorum concinnatorum, callidorumq; inueteratorum: hoc enim est testimonium allegati à te Binij, de spuria illa Epistola Bonifacij Secundi; quam etiâ ille retulerit, mox tamen & improbauit, & Authorem alium quempiam im-

Hulfemane  
nus es fi-  
dei men-  
dacy. cõ-  
probat.



storem indigitauit: Tu verò quâ conscientîâ hoc subticuisti, si docere & non fallere voluisti? Cur Binium referentem, & non refutantem adduxisti? Scilicet vt animabus Diabolicâ fraude deceptis, maiorem fucû offunderes, & in hæreticis erroribus amplius firmares.

*Ministri  
animarū  
seducti  
tes.*

Vos, ô miseros, & omni commiseratione dignos homines Sectæ Lutheranae, compello. Miseremini vel ipsi aliquando supra vestram cœcitatem, & cœcos duces nolite sequi, ne ambo iuxta sententiam Domini in foueam cadatis. Expergiscimini quandoque, & videte quomodo Pseudodoctores & pseudopastores vestri, qui non per ostium intrant (legitimâ scilicet missione) sed aliunde ascendunt ad vos, vestrâ de salute ludunt, & illudunt vobis. Videte inquam, quâ fide, & sinceritate, tractant negotium Christi, & pretiosam salutem animarum, vestrarum Christi sanguine redemptarum. Intelligite tandem semel, & scitote, quibus credidistis depositum animarum vestrarum. Et per Sancta testor, quod sæpius ipse manibus palpauî, tunc quando eiusmodi producunt, quæ maiorem, videntur pro firmandis suis erroribus habere apparentiam, maioremque vim conuincendi, & ab Ecclesiâ nostrâ Catholicâ vos alienandi, tunc inquam, maiorem vt plurimum vafriciem & dolum latere, remq; ad decipiendos incautos, Hæretico artificio instructam, subesse: quod pluribus, si intra mei propositi cancellos liceret, monstrarem ad oculum, sicut de hoc particulari casu feci: & de alijs, plures ex nostris fecerunt; serpentes scilicet istos, ex suis producentes in lucem, latibulis. Crimine ab vno, discite omnes.

Ad te

Ad te rursus Hulfemane, sermo meus reuertitur, quo ad præsens volui monstrare, qualia sint tua, quamq; futilia, & tam apertis ignorantij & mendacijs referta, vt non videantur digna responsis, sed ipsa suorū mendaciorum mole vtrò corruant. Pepercisses vtinam chartæ, nec talibus eam occupasses : Parcant saltem alij, & inelioribus seruent, quàm vt hæc tua ex professo confutent : quod nec puto facturum aliquem nisi tempus fallere, & bonas velit perdere horas : Quas ego certè similibus tuis contra me scriptis, vel responsis confutandis non impendam : ideoq; fidenter dixi, & non temerè ominando protuli, nullam mihi ex hoc capite futuram respondendi necessitatē. Iā enim exploratas habēs ingenij tui vires, ex hisce tuis, quos citaui, libellis, permittam quicquid contra me euulgaueris, à seipso refutari.

## CAPVT XIX.

*Tertia ratio proponitur, cur illi nequaquam sit respondendum : quia nimirum maledictis aliorum, minimè deceat moueri ; multò minùs illis respondere.*

**V**Ltimum deniq; quod in tuo cōtra me responsiuo scripto possum expectare, est, immensam farraginem, & insignem conuiciorum apparatus. Hic enim est ille tuus Stylus, quem vt aliās in Superioribus ostendi, velut proprium ubiq; retines : hi sunt illi flores, sed graueolentes, quibus tuos passim respersisti libellos, parū modestis & honestis, mordacia & biliosa ; scurrilibus, conuiciofa ; licentiosis, calumniōsa intermiscens,

*Egregiam verò laudem, & spolia ampla refertis.*

*Tuq; Stylusq; tuus.*

Di-



Dixeras alicubi in *Manuali* fol: 950. contra Hagerum: *Iesuita nihil disputat, sed papyrus maculat*: hoc potiori iure contra te retorqueo. Ille enim disceptationibus Theologicis & rationibus, strenuè hæresim prementibus, non maculauit sed exornauit papyrus. At æquis iudicet arbitror, num tu fordidis tuis dieterijs & cauillis, non potius maculaueris chartam, quæ amplius sub tuo genuit stylo, quàm sub prælo. Sanè si quid rei insensibili ruboris inesset, de his erubesceret, quibus tu eam inficere non erubuiti.

Si itaq; eundem stylum tuum acutum, contra me retorseris, scias imprimis me talibus minimè mouendū. A te non horreo conuicijs onerari, à quo vel laudari nolim. Vestra, Hulsemane, laus pulchra, enormis nostra macula: è

*Heretico-  
rum con-  
uicia, sūt  
nostra e-  
logia.*

contra vestrum vituperium, nostrum est encomium: vestra conuicia, nostra sunt elogia,

*Indicium recti displicuisse malis.*

Pulchrè in rem meam, magnus ille ex Gentilibus, morum Magister Seneca, *Lib: de Rem: fort: disseruit: Male,* inquit, *de te loquuntur homines? sed mali. Moueretur, si de me M. Cato, si Lælius sapiens, si alter Cato, si duo Scipiones ista loquerentur. Nunc malus displicere, laudari est. Non potest ullam auctoritatem habere sententia, ubi qui damnandus est, damnatur?* Hinc & Antisthenes laudatus, ab improbis expauit, & diligenti mox examine seipsum discutienti, subiecit: *Quid enim mali feci?* Ita & nos à vobis, non dico malis, non dico improbis, (ne verbum sit offensæ) sed probæ fidei, & Religionis nostræ Aduersarijs laudari, suspicio est criminis: è contra Criminari, laus est virtutis. Nec ideo vobis con-

bis conuiciantibus irascendum; sed magis censemus compatiendum; eo titulo, quem indicat præfatus Seneca, sic prosequens: *Malè de te loquuntur? Mouerer, si iudicio hoc facerent; nunc morbo faciunt. Malè de te loquuntur? benè nesciunt loqui. Faciunt, non quod mereor, sed quod solent. Quibusdam enim canibus sic innatum est, ut non pro feritate, sed pro consuetudine latrent.* Hæc ille: contumeliam ex similitudine canis ad integritatem textus adductam, à vobis remoueo: consuetudinem vobis amouendam relinquo.

Consuetudinem voco: verè enim adeò vobis <sup>Luthera-</sup> <sup>ni innata</sup> <sup>conuici-</sup> <sup>andi cō-</sup> <sup>suetudo.</sup> Lutheranis innata est conuiciandi & calumniandi libido, ut nihil ferè in controuersia Religionis contra nos agere, vel scribere possitis, quod non sexcentis conuicijs & maledictis sit refer-  
tum & infarcinatum; idq; tam fœcundo calamo, ut libeat etiam vltro conficta & excogitata adiungere. Quod ingenium vestrum vel hæc ipsa occasione huius Charitatiui Colloquij persæpè palpauimus, dum ex Ciuitatibus vestris, sumptis Thorunij primis informationibus, tot per Orbem sparsi sunt rumores chartis exarati, cum adeò falsis & detortis relationibus de nobis Catholicis, & progressu huius negotij, ut mirari non sufficeret animus, eam frontem homines assumere, vel magis sic frontem perdere posse, quod talibus orbem impleant, de quibus aliter ibidem visis, in facie orbis erubescere oporteret. Hoc autem non efficit aliud, quam ingens quidam pruritus, vobis profundè insitus, calumniandi & conuiciandi Catholicos: quasi causam vestram non possitis vnquam exhibere speciosam, nisi illam fœdis erga nos calumnijs & conuicijs exornetis. Ille apud vos excellentior, qui in hoc genere ingeniosior. Hu-



Maledi-  
cta pro  
maledi-  
ctis non  
sunt repe-  
denda.

Huiusmodi stylo si me quoq; aggrediaris, quàm mi-  
nimè ad respondendum prouocabis, neq; ad similia tibi re-  
ponenda euocabis. Hæsit quippè mihi doctrina S. Augu-  
stini, *Lib: 3. contra Petilianum, cap: 1.* vbi cur conuicia con-  
uicijs Petiliano non reponat, hanc assignat rationem: *Si*  
*et ego, inquit, tibi vellem pro maledictis, maledicta rependere,*  
*quid aliud quàm duo Maledici essemus? Ut ij qui nos legerent,*  
*alij detestatos abijcerent sanà grauitate, alij suauiter haurirent*  
*maleuolà voluntate. Ego quando cuiq; vel dicendo, vel scriben-*  
*do respondeo, etiam contumeliosis criminationibus laceßitus quan-*  
*tum mihi Dominus donat frenatis atq; coercitis Vana indignatio-*  
*nis aculeis, auditori, lectoriue consulens, non ago ut efficiar homi-*  
*ne conuiciando superior, sed errorem conuincendo salubri or.* Hæc  
S. Augustinus. Et meritò quidem: non enim laus magna  
ex æquo calumnijs cū aliquo certare, vel etiā illū superare.

Triobola-  
rū homo  
qui con-  
uicijs cer-  
tat.

Triobolarem hominem vocasti Hulfemane, sæpè me-  
moratum Hagerum *in Manuali fol: 1245.* At illum ego  
æquiori iure triobolarem vocauerim hominem, qui conui-  
cijs, maledictis, & opprobrijs certat. Cui proinde nefas sit  
cordatum hominem respondere: triobolares alios homi-  
nes, tribus conductos obolis, opponere præstaret, qui hâc in  
arte melius quàm vllum genus hominum, sunt exercitati:

*Et certare pares et respondere parati.*

Apophte-  
gma S.  
Gregorij  
Nazian-  
zeni.

Præter hæc occurrit mihi feltius quidam iocus S. Gre-  
gorij Nazianzeni: Congesserat aliquando aduersus magnū  
hunc Theologum, quidam Eustachius nomine, plurima  
maledicta: cūmq; opinaretur S. Doctorem maledictis se-  
cum certaturum, lepido illum dicto elusit, *Epist: 62. Erudi-*  
*tus sum,*

tus sum, inquit, *ut cum caluus essem, cum ariete obuersâ fronte non congrederer.* Idem mihi ferè caluo animus, Hulfemane, cum arietibus non congredi obuersâ fronte. Sed nec decet me, meumq; statum, conuicia conuicijs rependere. Vereor enim & reuereor censurâ S. Isidori Pelus: *Lib: 3. Epist: 231.* insignem virum quendam arguentis, quòd huiusmodi sese commiserit certamini, cum quodam, nomine Zosymo: *Illud, inquit, in te minimè probo, quòd Zosyllum specie tenus Presbyterum, Urbis piaculum, Ecclesie labem, libertatis probrum, eorumq; qui cum ipso consuetudinem habent, pestem & perniciem, ac deniq; nullo non feditissimo nomine appelles.* Attende, quaeso, quid Sanctus subiiciat. *Esi enim ipse talis est, at linguam tuam, quæ Veritatis Organum est, huiusmodi sermonibus contaminari non conuenit.*

Lingua,  
veritatis  
organū,  
conuicijs  
non con-  
taminā-  
da.

Huc facit & illud quod obseruauit S. Hieronymus *in Epist: ad Tit: Merebatur, inquit, maledictum Diabolus, cum, scilicet altercabatur cum Michaelē Archangelo de Moyſi corpore, sed per Angeli os, blasphemia exire non debuit.* Non Angelicâ innocentia & puritate glorior, sed tamen officio Angelico in Ecclesia Dei, licet immeritus, fungor, quatenus & ordinatione legitimâ Ecclesiasticâ Sacerdos, & vocatione Diuinâ Ecclesiastes: vas proinde oris mei in sanctificationem oportet possideam, quod ex munere suo, *Veritatis est organum,* ne blasphemiam aut conuicio aliquo cõtaminetur, etiamſi fortè quispiam aggressus me fuerit, idq; promeruerit. Sed & *gloriosius* reputabo, cum Venerabili Bedâ in Proverb: *iniuriâ iacendo tolerare, quàm respondendo vindicare.* Placebitq; insuper consilium S. Chrysostomi *Homil: 3. de David,*



*¶ Saul, à similitudine ignis petitus: Sicut, inquit, si inflēs in s. intellam ignis, excitas incendium; si expuis, extinguis: idem fit in inimicitia proximi: Si inflatos ac vecordes ingeras sermones, excitas ignem: sin mites ac moderatos, iram omnino extinxeris. Excitabis ergo Hulsemane. grande aliquod incendium: ego autē non intabo, nè maius excitem: sed expuam, vt extinguam. Cōtemnam putas? Respondebo cum S. Augustino, Lib: 1. contra Iulianum, c. 1. Contumelias tuas, ¶ Verba maledica, (Hulsemane) si me contemnere dixerō; Mentiar. Quomodo enim possum ista contemnere, Vbi testimonium conscientia mea cogitans, vel gaudere me video debere pro me, vel dolere pro te. Expuam ergo non contemnens, sed iuxta expositionem S. Chrysostomi, moderato animo suffocans.*

*Aut certē testimonium cōscientiæ meæ cogitans, gaudebo de me, dolebo de te, quia inquinaberis pro me, exorner vt ego per te. Neq; enim obscuriorem, sed illustriorem reddunt quemlibet tetra calumniarum & conuiciorum tenebræ, quarum densa caligo Authorem suum obruit; quem verò petit, ad maiorem splendorem expolit. Accipe pro coronide Ennodij præclara verba: In precepto quando iussi sunt, ¶c. Nec bonorum, inquit, facem meritorum maledicentis credendum est extingui posse conflatu: quomodo etsi dante tangatur inuidi, splendor vitæ, umbram venenata locutionis excludit. Authorem repetunt tenebræ quæ ad inuoluendum iubar aptantur. Nitorem siderum nox infusa non obruit. Ad genium claritatis proficit cum obscuritate conflictus.*

## CAPUT XX.

*Agitur de Responso Hulfemani contra Satisfactionem  
recenter euulgato: Et ultima ratio proponitur, cur  
non illi amplius respondendum sit.*

**D**Um hîc sum, & ultimam manum, per ultimam rationem, quâ nō amplius tibi, Hulfemane, moueor respondere, Operi huic cogito imponere; en inopinatè tuum vetus illud Prouerbiū, cuius suprà cap: 6. memini, comparet: Responsum, inquam tuum, & si tuo nomine suppresso, delitescens, tuo tamē stylo, & aliunde notissimū: quod, de te, & pro te loquens, velut alter quidam, reuera autem, tu ipse, tuus Patronus, simul & cliens, exhibes contra Satisfactionem meam, vel, vt tu vocas, Inuectiuam. Facile colligo, illud idem esse quod Thorunij confecerat: at eò vsq; suppresseras; & nunc primū Vitembergæ euulgaueras. Egregium sanè militem agis, ô Hulfemane: Ibi primū signa explicas, gladium euaginatū vibras, ad arma prouocas, vbi iam abest Aduersarius: quo adhuc constituto in campo, non comparuisti; imò quantum poteras latuisti, deliquium cordis, vel me visō, prætens.

Porro de hoc Responso tuo, eiusmodi iudicium, vir <sup>iudicium</sup> quidam probus & apprimè eruditus, in suā ad Illustriss: & <sup>de responso</sup> Reuerendiss: D. Episcopum Cracouiensem Epistolā tulit, <sup>Hulfemani.</sup> quod fideliter de verbo ad verbum, hūc transfero: *Hulfemane responsonem contra A. R. P. Hieronymum à S. Hyacintho Discalceatum, post reditum suum in Academiam Vitem-*  
bergen-



*bergensem, sine addito nomine sparsit, quam Thorunij habuit præparatam. sed eandem extradere noluit, dum defensionem Satisfactionis à prænominato A. R. Patre metuebat. Mitto exemplar Illustrissimæ Celsitudini Vestræ, &c statum quæstionis non attingit: nec argumenta A. R. P. Hieronymi soluit, sed more solito ad Veteres recurrit calumnias, quas magno numero tanquam puluerem spargit, ut sub iisdem sese abscondat, Lectorem à scopo principali abducat: & ubi res cum re, ratio cum ratione certare debet, ibi loco Responsionis, homines innocentes luto exagitat. Hæc ibi.*

*De eodem Responso tuo, ille idem sic quoq; mihi scribit: Exemplar Responsionis, quam Hulfemanus Thorunij perfecit, post reditum Verò suum in Academiam Vitembergensem, sparsit contra Satisfactionem A. R. P. V. transmissi Illustrissimo*

*D. Episcopo Cracouiensi. Non est formidabilis hostis, usitatis telis Lutheræ-  
norum est  
calumnijs  
pugnare.* *telis Lutheræ-  
norum, hoc est, calumnijs pugnare, cum aliud scutum  
non inueniat, quo tela A. R. P. V. excipere & auertere possit.*

*Sub nomine A. R. P. V. alios petit: & opinatur calumniari, esse  
Hulfem:  
calumni-  
ari putat  
soluere  
argumē-  
ta.* *respondere, aut argumenta soluere. Hæc ille. Cuius censuræ  
vix aliquid superaddendum videtur. Verè enim totum  
quicquid tuum, Hulfemane, continet Responsum, breui, at  
exacto compendio, complexus est.*

*Meam quæris sententiam de eodem tuo responso? dicam: quod ante prædixi:*

*Parturiunt montes: en natus ridiculus Mus.*

*Parturiisti magno cum dolore animi tui (vt intellexi) Thorunij, hoc scriptum tuum: vsq; Vitembergæ enixus es: natusq; Ridiculus Mus. Neq; enim tantum rodit, quin risum  
cohibe-*

cohibeat, & non magis excitet. Murem dixi fetum tuum. Si placet, bonâ venia tuâ iam corrigam, & vocabo Erinaceum; non enim in vnâ parte tantum dentes muris habet, *Eiusdem  
refponfum  
Erinacij  
fimile.* fed totus, ad inftar Erinacij, spinofus, totus aculeis conuiciorum, calumniarum, criminationum armatus.

Domesticum tibi de Erinaceo cafum referam. Contingent ad quoddam Monafterium noſtrum hîc in Polonia, allatum fuiſſe Erinaceum. Dumque Religioſi à prandijs, pro more, ad releuandum per vnâ horam animum, progrediuntur intrâ pomarium Monafterij, occurrit Erinaceus: accurrit & canis domesticus, pomarij cuſtos: qui viſo Erinaceo aggreditur illum: iam faucibus prehendere, iâ pedibus comprimere geſtit: ſed quâcunq; parte illum arripit, pungitur, & retrahitur. Porrecta iucundæ recreationis materia Religioſis per aliquot dies, qui iteratis vicibus horâ ſolitâ animalculum illud obijciunt cani, illumque vexant impropertijs, quod contra Erinaceum non præualeat. Ignominiam ſuam canis (qui & grandis, & generoſus erat) ferre amplius non potuit; ſed dum plus ſolito exprobratur illi, totâ ſpectante Communitate, in vicino Erinacei, ſummâ contentione pedibus terram eruit: foueâq; competenti factâ, pede altero protrudit Erinaceum in foſſam, moxque eiectâ terrâ obruit; ſuumq; opprobrium ſimul cum Erinaceo, mirâ ſagacitate ſepeliuit. Vix non idem cum tuo mihi Erinaceo ſpinofa, & in tractabili Tractatu faciendum occurrit: vt nimirum foſſâ humi factâ, ſepeliam illud. Sed præſtat, vt aliquas ante ſepulturam, exequias illi inſtituam.

Imprimis verò confirmor ex hoc tuo Reſponſo, nul-



Iam me vnquam habiturum necessitatem tuis, respondēdi scriptis, prout iam præconceperam, & præteritis Capitibus expresseram. Tale enim Responsum ad meam Satisfactio- nem obtuisti, quod reuera nullo ex capite meretur replica- tum Responsum.

Omitto enim mordacissimorum, & mendacissimo- rum conuiciorum immensam farraginem, quibus non mo- do me, sed etiam plures alios occasione mei, importunè admodum, vsitato stylo tuo, & impotenti conuiciandi libidine, pessimè tractas & exagitas. Videris enim nihil ali- ud agere, libros aliquos legendo, quàm fabulas, & famosissi- ma quæq; colligere, quò nostros exquisitis conuicijs petas & infames; imitatus hac in parte non apim, quæ de vrticis quoq; mel colligit; sed araneam, quæ ex ipsis etiam floribus venena, si quæ sunt, attrahit.

*api ex  
floribus  
mel ara-  
nea vene-  
ram col-  
ligit.*

Maledicta tua & conuicia in te redundant, nos coronāt. Appella me quantum vis iteratis vicibus *Monachum*; maxi- mā, vt tu putas, contumeliā: Te osorem, me cultorem vni- tatis ex S. Augustino superiùs *Cap: 6.* allegato, vel inuitus appellas. Idem de alijs dico contumelijs.

Num putas me ad similes contumelias euocabis? vtq; his tecum certem armis, aliquando induces? Iam tibi in- nui triobolarium id esse hominum. Triobolares quospiam homines, qui tecum in eiusmodi palæstra ex æquo decerta- rent, conducerem, si modo mihi adessent oboli: nimirum si Patruelis (ex liberali tuā hypotefi) Ioannis Friderici olim, successorq; illius fuisset: quam successione inuito vel iniusto titulo mihi delatam, tam auidè me putas acce-  
ptatu-

ptaturum, vt ne vix quidem à voto paupertatis, contrarium cenfeas, impetraturū. In quo quidem vehementer falleris Hulfemane? Propitius fit mihi Dominus, quia non modo pro Ducatu Saxonie, fed nec pro vniuerfis Regni mundis, fidem Deo datam in meâ Religioſâ Profefſione, infringere. Multò ſanè plures in Monafterijs noſtris Religioſos reperiēs, qui relictis maximis opibus & honoribus, pauperem & humilem vitam pro Deo elegerunt, voluntario carceri Religioſi inſtituti vltro ſeipſos mancipantes, quàm qui à voto Paupertatis repedârint ad ſæculi oblatos etiam opulentos honores, & amplas dignitates. Sed hoc currat inter alia tua conuicia, non alijs conuicijs reponenda, nec fuſioribus reſponſis diluenda.

Religioſi  
paupertatem toto  
mundo nō  
commen-  
tarent.

Omitto item illas Reſponſi tui patheticas Exclamationes, exoticas inuocationes, macaronicas interlocutiones; dum intempeſtiuè admodum, ſine vllâ cauſâ, aut occaſione alicuius ſingularitatis, vanam duntaxat præferens oſtentationem, Græca admiſces vocabula. Cur non etiam Parthorum, Medorum, Arabum, Elamitarum, voculas aliquas intertexuiſti, quò maiorem tibi apud tuos admirationem conciliares de tantarum peritiâ linguarum? Tandem omnia hæc Hulfemane, quantumcunque multiplicaueris, (multiplicaſti autem his, maiorem tui Reſponſi partem) non ſunt niſi verba, nil ad principale negotium noſtrū conferunt: punctum difficultatis non tangunt. Sicut & illæ proprii tui ſtyli certi indices, ineptæ inquam, importunæ, ſcommaticæ cōparationes, quas tu, vt argutus tibi, tuiq; videaris, non tam ad exemplificandum & illuſtrandum ali-

Hulfem:  
Rhetori-  
ca.

quid,



quid, quam ad malignè perstringendum alios, multiplicas, & accumulās.

*Idem nō  
desert Sā  
Au.*

*Quomo-  
do Luth-  
er. B.*

Omitto & illud quod meo Sancto Hyacintho, à quo de more Religionis cognomen fortior, titulum Sancti, Sanctorum inimicus, detrahis, præmissum S. detruncando: tuus verò Lutherus nescio quo ænigmate hieroglyphico, habet apud te præmissum B. nisi fortè designes Epithetum, cuius antepenultima litera, tibi quidem sit vltima muta, nobis verò sit penultima liquida.

Omitto tandem & illud, quod ad te purgandum longo adducis contextu: te nimirum nunquam Serenissimo Duci Saxoniae familiarem à consilijs bellicis fuisse, nunquam, fago, solâ duntaxat togâ, celebrem, nunquam tumultuosis exercitatum negotijs: nisi eo sensu, & in eo gradu, quo tu fufius in laudes tuas excurrens, deducis. Parum moror, hoc vel alio, vel etiam nullo modo fueris Consiliarius. Familiaritatem Principis alioqui honorificam, quam non confinxi, sed per alios accepi, eâdem facilitate quâ tibi contuli, in tuorum fide verborum leuo. Mihi, meoq; intento satis erat, talem de te rumorem reuera sparsum fuisse per quosdam tuorum, qui tibi, tuæq; ampliori reputationi, hac viâ obsequium se præstare arbitrabantur; vt nostra, quam conceperamus, suspicio, occasione Symboli à te allati, firmaretur. Ipsos mentitos exagita: me verò etiam à contradictione, facile vindica: quam alioqui non tam facilè videris tibi posse soluere, cum ex vnâ parte dicis me in principio prioris Sermonis, encomiû tibi contulisse cautelæ & modestiæ, moderato & prudenti viro, familiaris: At in decursu alteri-

alterius Sermonis, te rurſum, bellicis & tumultuoſis negotijs exercitatum vocavi. Papæ: Gordius nodus: *Diftingue tempora, conciliabis iura.* Aduertendum erat, Hulfemane, me iſta in diuerſis Sermonibus protuliſſe: in priori ſcilicet Sermone, prius illud dixi, antequâ aliud de te non innotuiſſet, quod in ſequenti Sermone expreſſi. Sed nec adeo promptè tibi encomium illud prioris Sermonis uſurpare debueras, quod nequaquam tibi, ſed ſtudioſè, in abſtracto, *Pudenti & Moderato viro*, attribui. Nimia laudis auiditas præpropere impulit te, encomium illud tibi vt applicares.

*Diuerſis temporibus ſeruiunt diuerſa.*

*Hulfem: laudis auidus.*

Omitto deniq; grandem illam animi tui elationem, quâ dedignaris acceptare Satisfactionem meam, à me reuera per te requiſitam; vt ipſa Protocolli Acta publica, ſuprà Cap: 4. allegata, teſtantur hiſce verbis: *Obtulit P. Hieronymus à S. Hyacintho ſcripto Satisfactionem, à D. Hulfemano Collocutore Partis Auguſtane in Seſſione publicâ die 3. Octobr. requiſitam, & à ſe promiſſam. &c.* Cur quando illam promittebam publice ad tuâ requiſitionem, vt conſtat ex Actis, non mox replicaſti, te illam non à me requirere, ſed tacendo conſenſiſti? Sic profeſſo non ſolum à me, verum ab omnibus communiter intellectum erat, te nimirum illam Satisfactionem à me requiſiſſe, non ab alio: quis enim ſecundum omnem æquitatem, pro alio teneatur ſatisfacere; cum Satisfactio veram vel prætenſam ſupponat offenſam, cui qui non ſubiacet, nequaquam ſatisfactorius iure requiritur? Hanc igitur Satisfactionem à me in ſenſu omnium requiſitam, & per me repositam, dedignaris admittere: eamq; conſtanter in tuo Reſponſo negaſte vnquam à me

*Idē falſò negaſſe Satisfactionem requiſiſſe.*



vno Monacho, Ducibus Saxoniae nunquam comparando, requisisse: sed à quibusdam culminibus & cacuminibus, cacumina Carmelitica transcendentibus, Saxonicaq; æquantibus, eam fieri efflagitas: *qualem, quantamq; postulaturi sunt ipsi Principes, Ventura dies docebit*, subiungens.

*Eiusdem*

*factum.*

Talem tantamq; Satisfactionem usq; in illum diem, per me licet, expectes, si meâ interim non es contentus. Minas verò tuas, & malum quod Aetnâ maius præfagis, nil moramur; quantumuis nunc primum velles esse à consilijs bellicis, sagoq; celebris. Vel si mauis, ad tuas minas,

*Idem Imperatori destrui.*

similes reponimus: ex eo quod Imperatoribus Romanis, totiq; Augustissimæ Familiæ Austriacæ vehementer detrahis, dum arma illius olim Saxonis contra Carolum V. non *Arma Rebellionis*, sed *Arma Defensionis* fuisse contendis: eoq; ipso (vt in mea Satisfactione amplius probaui) indignū aliquid pietate & Maiestate Imperiali, CAROLO V. totiq; proinde Familiæ, præ omnibus in totâ Christianitate nobilissimæ, affigis. Imò vel in hoc responso tuo, non longè post principium §. qui incipit: *Taceo transactiones. &c.* audes dicere Ioannem Fridericum *illegitimè Electoratu priuatum*, nescio quo consilio, *vtcumq;* adiungens. Quid quod Summum Pontificem publicis scriptis vocans Antichristū, Imperatores, Reges, & omnes Principes Catholicos, ex obliquo ingenti contumeliâ feris, quasi sint ex parte Antichristi? prout quidem suprâ Cap: 18. fusiùs deduxi. Et sexcenta alia eiusmodi tibi ex tuis scriptis proferā, vnde Principes Christiani longè grauiorem offensam prætexant: & subiungam similiter, quod de his omnibus, non per te vnum

*In Principes Catholicos contumeliosum.*

Mini-

Miniftellum Vitembergenfem, tantis Principibus; fed per eos qui cum Romanis Imperatoribus (vt tu ais) Maiestatem Imperij partiuntur, danda fit Satisfactio *qualem quicquamq; postulaturi funt ipfi Monarcha Orbis, ventura dies edocebit.* Non times Hulfemane? non trepidas? non contremifcis ad tantas minas? Nec ego ad tuas.

Omittis itaq; leuioribus hifce velitationibus, quibus à *In fore* principali fcopo digrederis, & diuertis, quid tandem rei folutionis habes quod mereatur vt replicem? Nū aliquid probas? num mea foluis? vt tuas probationes rurfus folutionam, tuis folutionibus nouas iterum opponam instantias. Nihil horum. Symbolum illud Maiorum tuorum, *nonnifi per extremam calumniam Symbolum dici* afferis prope finem tui Refponfi, (mifi meum me fallat exemplar.) At tu ipfe in illo tuo priori, quem refutaui, Sermone, primus *Symbolum Maiorum tuorum* vocafti: & in hoc Refponfo tuo toties itidem *Symbolum* nominaffi: nunc iam *nonnifi per extremam calumniam Symbolum* vis appellari. Quid eit Hulfemane? Oblitus es tui? Si *extrema calumnia* eft vocare illud *Symbolum*, nonnè fupra te extremam regeris calumniam, & calumniosum Calumniatoris titulum, quo me toties afficis, in te ipfum vltro calamo tuo refundis?

Præterea Symbolum hoc negas *unquam fuiſſe teſſeram* *Symboli* aut *Sacramentum Confederationis, nedum Rebellionis, apud Principes Germanos, Confefſionem Auguſtanam proficentes.* Rem *Luther: Confede- rationis teſſera.* lippis & tonforibus notam, negas. Symbolum fuiſſe, negare non potes, licet negare auſus fueris, quòd toties antè conſeſſeras. Symbolum item Religionis, Auguſtanam Confeſſio-



fessionem Profitentium fuisse, admittis in tuo responso, atque ex hac parte mihi subscribis. Symbolum deniq; fuisse illorum per consequens, qui arma contra Carolum V. leuârunt, negare non potes, nisi rideri velis. Porro dum illi in suis Conuenticulis & castris, huiusmodi Hieroglyphicas literas V.D.M.I.Æ. & Confæderationes statuendo, & contra Imperatorem pugnando, præferebant; eos huiusmodi Symbolo, ad prætextum Religionis Rebellioni conciliandum, non fuisse vsos, persuadeas tu cui poteris: mihi, meæque causæ parum interest; cui sufficit (quod toties ingeminaui, & ingemino) vel exinde non temerè deduxisse, huiusmodi Symbolum nobis fuisse suspectum, quod ij qui in nostrâ opinione Rebelles erant Carolo V. eo vsi sint ad prætextum suæ Religionis, quo prætextu postmodum bellum Carolo V. intulerunt.

Porro dic amabo, Hulfemane, si tempore illius belli aliqui de exercitu Imperatoris Caroli Quinti, illud idem Symbolum iactarent, & more Confæderatorum, suis vestibus intertextum gestarent, euaderentnè, putas, cum Symbolo suo, vel ob hoc solùm notam Rebellionis & proditionis? Tunè id cuipiam, cum totâ facultate tuâ Rhetoricâ, & hisce tuis discursibus, persuaderes? Non opinor equidem: sed quicquid tu præoccupatus affectu ad hæc dixeris, prudenti cuiusvis iudicio me submitto: & exinde facilè rem ad meum intentum applico. Nimirum, nec mihi, nec nostris modò persuadebis, quod tunc Carolo V. nequaquâ persuasisse.

Admittis tandem causâ discursus, (eitò, vt *falsissimum*, concedere non censeas) Symbolum hoc fuisse Symbolum  
Rebel-

Rebellionis. at reuocas me ad interiorem tuum *ſenſum* & *intentionem*, quâ illud protuliſti, quamq; ex *argumento* & *connexione ſermonis* me debuiſſe colligere mones. O Huſſe-  
 mane, non legiſti *Ierem: 17. Prauum eſt cor omnium*; ſiue vt *Cor homi-*  
 70. vertunt: *Profundum eſt cor ſuper omnia, & inſcrutabile: quis cognoscet illud?* Egonè tuos ſenſus, & tuas intentiones *num in-*  
 ſcrutari potui & inueſtigare? Egonè externos ſermones *ſcrutabi-*  
 tuos, eorumq; contextum, tuis internis conceptibus confor-  
 mem per omnia aſſequi potui? Tuæ in loquendo ſincerita-  
 ti detrachere nolui: noſtræ incolumitati à ſymbolo, eâ dū-  
 taxat ratione, quâ ſuſpectum erat, vel eſſe poterat, nobis  
 prouidere volui. Non licet mihi cautum eſſe, quia tibi ho-  
 minem rectarum intentionum in loquendo libet eſſe?

At fortaiſſis argues, non tam leuiter de altero grauē ſu-  
 ſpicionem eſſe concipiendā. Semel, pro ſemper, accipe re-  
 ſponſum. Mala ſuſpicio de aliquo, duabus ex cauſis poteſt *Suſpicio*  
 concipi: vel primò & principaliter ad propriam cautelam, *duabus ex*  
 quicquid ſecundariò & ex conſequenti, præter intentionem *cauſis ori-*  
 ſuſpicantis, eueniat: vel primò & principaliter ad inuaden- *itur.*  
 dum, aut damnandum alium. Et quidem dum in ſuſpicio-  
 ne, ad cautelam propriam primò & principaliter attēditur,  
 præſertim in cauſâ boni publici, ſuſpicionis fundamenta nō  
 eſt opus adeò exacto ſcrutinio examinare, ſicut in illo alte-  
 ro caſu foret neceſſe. Mea porrò prima & principalis inten-  
 tio, quam etiam diſertis verbis in Satisfactione expreſſi,  
 non erat te inuadendi: quid enim mihi inde lucri? ſed ſo-  
 lum duntaxat cautelam adhibendi: idque in publicâ cauſâ  
 Religionis. Si non credis, quomodo nunc volebas, tuis vt



ego crederem intentionibus? Si quod dixi, tantum distat, ut ais, à vero, quantum Carmelita à Carmelo: aio pariter & ego: id quod tu dicis, tantum distare à vero, quantum in meâ opinione, & rei veritate, dogma Euangelicorum (ut vocant) distat ab Euangelio.

Quod autem Symbolum illud: *Verbum Dei manet in æternum*: ex Diuino planè, Prophetico, & Apostolico, Isaiæ, & Petri Symbolo, depromptum esse asseris: fiduciamque non extinguendæ veritatis, legitimè in Consilium Reconciliationis adducendam contendis: non inficior Hulfemane: palam professus sum, & dixi: *Verbum Domini maneat in æternum*. Non Symbolum Isaiæ, & Petri, non ipsam veritatem nunquam extinguendam, sed Symbolum Maiorû vestrorum exulare feci: non quo malè malè, sed quo bono malè vsi sunt, & quatenus malè vsi sunt, vel nobis & alijs malè vsi, visi sunt.

Iam verò, quod magis præcipuam videtur tangere difficultatem, ais Ioanem Fridericum, olim Saxonæ Ducem & Electorem, *sub hastâ vi & causâ metus* resignasse beneficiû alteri suo agnato, subsecutâq; fuisse *transactiones & pacta familiae*, per quæ resignatio illa & translatio roborata est. *Et Monachum quidem Montis Carmeli nihil*, inquis, *attinet ista scire, consulat interea* (mones nihilominus) *Thannum, l. 2. 4. & 13. Hist: &c.* Mi Hulfemane, si non attinet me ista scire, quid me eò remittis vnde sciam? Sed sit planè ita ut loqueris. Legè tulerit hastâ, feceritq; vi Ioannē Fridericû resignasse beneficiû alteri suo agnato: intercessisse item *pacta & transactiones Familiae*; quid hæc ad rationes meas faciunt?

faciunt? Ego enim suspectum nobis Symbolum appellavi, quod symbolum fuisse eorum, qui Carolo V. rebelles fuerant, intellexi: Rebelles porro illos fuisse intellexi: nam apud Sleydanum tuum (præter alios) legi, ipsos, & præsertim Ioannem Fridericum, tanquam rebelles multatos, dictumq; Ioannem Fridericum dignitate septemvirali priuatum; alioqui capitis sententiâ ante damnatum, fuisse, vitamq; celsione dignitatis redemisse. Fuerit id lege belli per te, ex parte Saxonis, non Imperatoris, iusti; per me, iusti ex parte Imperatoris, non Saxonis (cur enim ego potius in tuam, quam tu in meam sententiam, concedere debeam) interuenerint postmodum pacta familiæ: & totum aliud quicquid ponis: non euacuat fundamentum conceptæ suspitionis in meâ opinione, quam nulla ratione teneor cum tuâ commutare.

*Liberum  
cuiq; opi-  
nati.*

Tandem his relictis in tuo Responso me aliò diuertis, & in spiritu vehemente contra nos inueheris his verbis: *Quid formidatis tangi vestra Ulcera, quæ Maiores vestri ingenue fassi sunt scaterere, & superstitionum & vitiorum sanie. &c. &c. Descendite nobiscum in publicum. Legite Confessionem nostram. Edite nobis diuina illa testimonia, quæ iubent commigrare in vestras opiniones. Et nolite præterea simplicibus imponere, tanquam Beati Ambrosij sententia, de constantia doctrina Catholica, magis faciat pro nouitatibus vestris, quam pro commentis Mahumeti. Fatemini ipsi, quod Ambrosij atque non fuerint de fide. Ut suspicantur, Libri Tobia, Iudith, Baruch, Machabeorum, pro Canonicis, idq; sub pœna anathematis; sed postea hoc esse definitum pro articulo fidei. Fatemini peccatorum omni-*

*Hulfema  
ni rana  
iaculata.*

*um enu-*



um enumerationem in Confessione, eâ etate nondum fuisse definitam, tanquã necessariam: atq; alia eiusmodi, quæ progressu Colloquij ponemus vobis ob oculos. Nunquid hæc est perpetua illa formula eiusdem doctrinæ; hodie id decernere pro articulo fidei, tam verum, tamq; necessarium, quod Ecclesia Catholica, Ambrosij etate, non habuit pro vero, non habuit pro necessario, multò minus pro articulo fidei sub anathematis pœnâ suspiciendo?

Hæc tu Hulfemane, extra Chorum quidem (vt aiunt) saltando, ad locum nihilominus S. Ambrosij, in meâ Satisfactione adductum, recurrendo, nostræque Catholicæ Ecclesiæ, velut malè applicatum, arguendo, magno prosequeris apparatu. At inprimis obseruo (quod & initio huius Capituli notavi) quàm animosum Militem te exhibeas modò, postquam ex arenâ descendisti, postquam congregari nobiscum ante, miris industrijs, tergiuersationibus, & euasionibus (vt ex Protocollo publico in lucem edendo clarius patebit) subterfugisti? postquam ad tuos iam lares remeasti? Ibi primum in theatro tuo Vitembergico, procul ab Aduersario, procul à certamine, animositatis tuæ argumenta depromis, absentes prouocas, arma per aëra vibras, & de imaginario hoste triumphas. Cur publicâ, vt constat ex Actis Protocolli, Ill<sup>mi</sup> & Rnd<sup>mi</sup> D. Episcopi Samogitiæ, Præsidis nostri Collegij, inuitatione, præsens prouocatus, non comparuisti? ibi certè locus & tempus opportunum

*Ecclesia  
Sagenæ  
in Euangelio  
comparata.*

erat, eam, quam nunc iactas, animositatem comprobandi. Exprobras vlcera nostra. Et quando Corpus Ecclesiæ in aliquibus suis membris vlcera non habuit, quam Christus ipse in Euangelio Sagenæ, de omni genere piscium congregan-

greganti, bonosq; & malos continenti, comparauit? Non abscondimus, Hulfemane, etiam nunc, vlcera noſtra, ſed ſicut primis temporibus, ita & modernis, vbi, & quando opus eſt, propalamus, vitia reprehendimus, abusus damnamus, delinquentes caſtigamus: quæ dum vos in noſtris Libris reperitis, ( prout & tu in hoc Reſponſo facis) ad contumelias contra Eccleſiam, & Perſonas Eccleſiaſticas, conuertitis: & pleni vos ipſi deterioribus longè vlceribus, cum Phariſæo voſmetipſos malè iuſtificatis. Porro ſicut abusus in Eccleſiâ Catholicâ corrigendos, quoad mores, reperiri non negamus; ita errores in doctrinâ fidei reformandos, inueniri nunquam admittimus. Ac proinde nullam vnquã *abusus moru non praeindici- ſan fidei.* rationem coram Deo habituros aſſerimus illos, qui prætextu aliquorum abuſuum, in materiâ morum, ſeparant ſe ab Eccleſiâ noſtrâ Catholicâ; de quo fuſiùs in alio Opusculo, quod huic Apologiæ præmitto.

Porro aliqua in Eccleſiâ Chriſti, ſucceſſu tēporis determinari, quæ ante determinata nō erāt, & declarari pro articulis fidei, quæ antea in ſe iā erāt articuli fidei, eſto nō quoad nos, *Declara- tio doctri- nae, non eſt vari- atio.* nec veritati Eccleſiæ noſtræ Catholicæ, nec perpetuæ, eiſdē- que, ac inuariabili doctrinæ illius, formulæ derogat, quominus eadē prorsus, quæ tēporibus S. Ambroſij erat, nunc quoque cenſeatur eſſe. Inquiro enim Hulfemane, eandemne cē- *Eadē Ec- cleſia ante, & poſt aſcenſio- nem Chri- ſti ſuit.* ſes fuiſſe Eccleſiâ à Chriſto fundatam ante ſuam Aſcēſionē, cū eā quæ poſt eiſdē Aſcēſionē, Spiritu Sancto in die Pentecoſtes fuit repleta? Eandem proſecto velis, nolis, in ſubſtantiâ cenſere debes. Nunquid verò omnia Eccleſiæ illi, ante Spiritus Sancti deſcenſum, quæ & poſt eiſdem Spiritus San-



tus Sancti descensum, nota fuere? Accipe ipsum Christum  
 Ioan: 16. loquentem: *Adbuc multa habeo vobis dicere, sed non potestis  
 portare modo. Cum autem venerit ille Spiritus veritatis, doce-  
 bit vos omnem veritatem. &c. ille me clarificabit, quia de meo  
 accipiet, & annuntiabit vobis.* Absq; omni igitur contro-  
 uersia, multæ veritates ante aduentum Spiritus Sancti, oc-  
 cultæ erant primæ illi Ecclesiæ, quas consequenter habens  
 ignotas, non amplectebatur tunc, vt dogmata fidei, licet in  
 se talia fuissent; donec venisset Spiritus S. qui docuit illam,  
 & annuntiavit illi, *omnem veritatem.* idq; citra omnem va-  
 riationem Ecclesiæ, siue doctrinæ, sed saluâ idēitate illius.

Antea ad  
 uentum  
 Spiritus  
 S. multa  
 veritates  
 latebant  
 Ecclesiæ.  
 Ecclesiæ  
 vsus de-  
 terminā-  
 di aliquid  
 in fide, ab  
 Apostolis  
 profusus.  
 Amplius, *Act: 15.* orta erat grauis quæstio, idque inter  
 credentes, de Circumcisione, & seruandis legalibus Moysis:  
*Surrexerunt quidam, ait B. Lucas, de heresi Phariseorum, qui  
 crediderunt, dicentes: quia oportet circumcidi eos: præcipere quo-  
 que, legem seruare Moysi.* Quæstio sane ad materiam fidei  
 spectans: constat enim iam de fide, abrogatam esse legem  
 Circumcisionis: tum nihilominus veritas hæc non consta-  
 bat. ideo enim inquit Sacer textus: *Conuenerunt Apostoli, &  
 Seniores, videre de verbo hoc.* Tandemq; determinatum  
 est in illo Concilio, fideles nullo modo esse circumciden-  
 dos. Hinc S. Paulus inuehitur contra eos, qui inducebant  
 circumcisionem: *Ecce ego Paulus dico vobis quoniam si cir-  
 cumcidamini, Christus vobis nihil proderit.* Et mox eos qui  
 hoc illis persuadebant, velut anathemate ferit, cum subdit:  
*Vnam & abscindantur, qui vos conturbant.*

Fuit ergo in Ecclesiâ a primordijs, & vsq; modo est, au-  
 thoritas, non vt vos per calumniam imputatis nostris, im-  
 ponitis

ponitis veftris, nouos fidei articulos condendi, (quod nullus vnquam noftrūm docuit) fed declarandi & determinandi aliquid, tanquam de fide tenendum, quod in fe quidem femper erat articulus fidei, quoad nos, tamen nondum pro dogmate fidei innotuerat; neq; enim omnia fimul innotuerant, fed occasione emergentium hærefum, vel nouarum difficultatum, decidi opus erat, quod latebat.

In huius authoritatis poffeffione perenni & inuiolabili, erat Ecclefia à primis fæculis, & controuerfa aliqua, congregato tandem Concilio, ne fideles omni vento doctrinæ circumferrentur, ex promiffâ fibi non ad tempus, fed perpetuâ afiftentiâ Spiritus S. omnem veritatem illam edoçturi, & in æternum cum illa manfuri, determinabat, & fuæ determinationi fub anathemate parere iubebat, ac contumaces quofq; anathemati fubijciebat.

Sic in Oecumenico Concilio Nicæno, in Symbolo fidei, videre eft in terminis. Sic in Concilio Conftantinopolitano primo, *Canone 1.* omnia dogmata hæretica Eunomianorū, Arianorū, Pneumatomachorū, anathematizantur. Sic in Cōcilio Ephefino ad finē, in Decreto Synodi, de fide: ij qui ex laicis inuēti fuerint, sentire vel docere ea, quæ cōtinebantur in oblatâ expofitione è Charifio Presbytero, de vnigeniti Filij Dei incarnatione: fiue fcelerata & puerfâ Neftorij dogmata, anathemati fubijciuntur. Sic in alijs confequenter Concilijs factum cernimus, vt quæ antea anathemati non fubiacebant, per eadem Concilia fubijciebantur; & nihilominus non ob hoc fideles ab Ecclefia velut tyranicâ abhorrebant, vel recedebant, aut non eandem doctrinæ formu-



lam seruari arbitrabantur, vt tu Hulsemane cum tuis, ex hoc eodem capite arbitraris.

*In Maria-  
bilu do-  
ctrina Ec-  
clesia.* Profer nobis vel vnicum clarum exemplum, quod Ecclesia nostra Catholica nunc teneat de fide, & sub anathemate, cuius aliquādo contrarium de fide, & sub anathemate, tenuit: & causam euicisti, doctrinamq; fidei variatam apud nos comprobasti. Tu porrò nunc solummodo aliquid, V.G. determinatū, de fide, & sub anathemate, à Concilio Tridentino monstras, quod antea non habebatur pro tali, sed liberè contrarium opinari cuilibet licebat citra periculum hæresis: id profectò non est variabilitatem doctrinæ ostendere, sed feliciorem eius in diem progressum monstrare; quod tantum abest, vt contrarietur vnitati, integritati, & sinceritati doctrinæ fidei, quin potius conforme sit scripturis ante allegatis: & praxi in primitiuâ Ecclesiâ, primitiisq; sæculis vsurpatis. Id totum vel tu adhuc non intelligis: & es multum indocilis: vel non vis intelligere: & caue ne proteruis habearis.

Sed libet ad hominem te confutare Hulsemane, seruata proportione ad solum principale meum intentum. Tu in Opusculo tuo infra citando, velut oraculum quoddam Lutheranae Synagogæ, plurimas subtiliùs recenset & decernit hæreses: consequenter contraria earum dogmata tanquam articulos fidei definis. Attende nunc quid dicam. Si vel centesima, saltem pars cætus pauculorum tuorum Lutheristarum, antequam hunc tuum librum legerit, eadem omnia, quæ tu, pro hæresi habet, & contraria illorum pro articulis fidei, multo promptiùs pedes tuos quotidie deoscu-

deosculaturum me spondeo, quàm tu hoc idem cum spontanea mihi seruitute stipularis, si vel vno teste idoneo te comprobauero, Serenissimo Electori Saxoniae à consilijs bellicis vnquam fuisse. Superaddam & ego aliquid amplius. Et nihilominus, si postquam tua scripta reliqui de tuo cætu legerint, eamque fidem Lutheranam tunc primum esse apprehenderint, quæ illa damnat pro hæresi, quæ tu damnas, contrariaq; recipiat pro articulis fidei, quæ tu recipis: Si tunc primû, inquam, id pro vero & necessario sibi tenendum persuaferint, quod ante nesciuerant, num acquiesces, non eandem esse formulam doctrinæ vestri cætus; licet nonaginta nouem partes illius, hætenus illam pro doctrina sua propria non habuerint, & illa reliqua centesima pars fortassis adhuc maiori ex parte de ipsa hæsitet? Verùm piget hisce euanidis immorari, & tempus perdere. Eo porro fine adducta sunt obiter, non tam vt responsis soluantur, quàm vt nulla ex professo responsa, iure exigere monstrentur.

Id tamen non libet dissimulare, quòd cum tu Hulse-mane, largo ore & calamo, immensis calumnijs, conuicijs, & iniurijs, me aspergas, imò obruas, inuideas tamē hæc, velut Margaritas & vniones, inter Monilia Sanctitatis per illa parandæ, à me computari: ipse nihilominus nihil tale à me referens, præter solidam & neruosam refutationem, iactas te huiuscemodi margaritis ornatum, & exinde gloriosius, quàm quemquam ex alijs Sectarijs, in huiusmodi congressibus cum hostilibus decertantem, in suam domum ex Charitatio Colloquio reuertentem. O cur de his ornamentis nesciuit Pastor ille, tuæ Sectæ, Glogouiensis, vt ijs quoq; te



in reditu suo Vitembergam, non tam ornaret, quàm oneraret, vnà cum alijs nouis honoribus & titulis, quibus te cumulauit.

Fama quippè publica, postquam totum iam ferè Orbem impleuit, nouissimè quoq; ad meas aures (vt potè, què vocas Eremitam) peruenit: te in reditu transiisse Glogouiam, ibiq; à milite præsidario Suecico, & Ministro Lutherano eiusdem loci, humaniter exceptum, & pro Dominicâ die detentum. Cùm verò Præco ille Verbi Dei, inter concionandum Dominicâ Aduentus, mysteria Dominicæ Palmarum recenset: quomodo nimirum Christo ingredienti Hierosolymam, varia seruiuerint instrumenta; vt potè rami arborum, vestimenta hominum, & præcipuè Asinus, cui Christus infederat: tandem per digressionem applicauit tibi Asinum illum, dicens: Asinum talem, Ecclesiasticū & Spirituale, fuisse D. Hulsemanum, qui ideò optimo iure, non iam Hulsemanus, sed Eselmanus nominandus esset, quod Corpus Christi Mysticum & Spirituale, Ecclesiam videlicet Lutheranam, in Colloquio Charitativo Thoruniensi, humeris suis tam feliciter portauit, vt nec minimū membrū eius læsum fuerit. Quàm opportunè hic seruirent illi ea, de quibus tu (frustra licet) gloriaris, Monilia; si de his ipsi quoq; constitisset: vt his ornatum te in suam remitteret Patriam.

Sic Hulsemane, gloriosus vndique, & nouis auctus titulis (non à me, sed à tuis) nouiq; honoribus, tuis insuper imaginarijs Monilibus, tuam ingrederis Vitembergam. Sit hæc fama, quam retuli, fabula, vel veritas, (nec tu certiora semper refers in fide aliorum) cam certè non confinxi, sed  
amplif.

*Hulsema-  
niologiū.*

amplissimo passu, passim & vbiq̃ue, vagari intellexi : eo verò fine hic eam adduxi, quo te monerem, vt nactus nouum & honorificum Symbolum, siue per solam famam, siue per famam simul & obsequium Pastoris illius Glogouiensis, nō tam facilē illud transferas ad gentem tibi inuisam : nimirū ad Monachos, & specialiter Carmelitas : quibus in tuo Responso, dicis, ex GREGORII Papæ IX. effato, *solos Asinos Masculos successisse in ministerium*. Sic & alibi, vt suprā Cap: 10. indicaui, viris Religiosis aliquid Asinini tribuis. Parce Hulsemane, titulo tuo, à tuismet tibi collato. Sint tua tibi insignia integra; quæ tibi non inuidet Carmelitica Familia, vel vllus Ordo Religiosus. Aut certè caue, ne conuicium Asini toties in te retorqueas, quoties illo viros Religiosos feris.

Quod si nec sic quidem conuicia Asinina in nos iactare desinas, vide ne quid simile contingat tibi, quod ætate tuâ contigit cuidam Caluinistæ : prout Iacobus Gaulterius in suâ Chronologia, circa sæculum decimum septimum, mihi fol: 821. refert, in hunc modum : *Mense circiter Iulio, anni eiusdem 1613. Villanoue, in Prouincia Vinariensi, moritur Notarius quidam publicus Caluimianus : qui Sacerdotes, pro Defunctis, dum ad sepulchrum deferrentur, psallentes, irridere, ac rudentibus Asinis equiparare consueuerat. Hic cum effertur, ecce apparet magnus Asinus coloris fuscæ, qui nullâ ratione abigi potest, quantumcunq̃ id iubeat Minister : quiq̃ unde venerit ? aut cuius fuerit ? nemo scit : is quidem circa mortui cadauer horrendum in modum rudens ac sepulchrum eius aliquoties circumiens : demum eos qui funus erant comitati, ad defuncti domum rede-*  
Panair-  
risori ca  
remonia-  
rum Ec-  
clesiæ.  
unies,



*untes, secutus, euanesceat.* Et mox certitudinem huius relationis confirmat, subiungens: *Res ita explicata, illic explorataq; omnibus est, ut nemo siue Catholicorum, siue Calvinistarum, inficiari audeat.* Quod contigit Calvinistæ, caue, ne tibi quoque Lutheristæ, contingat; eademq; pœna afficiat, quos commune crimen ligat.

Et quidem pleriq; Summorum Pontificum, Carmelitas, Successores Essenorum, in suis Diplomatis vocârunt: qui quidem Esseni, in antiqua lege, erant filij Prophetarum, circa Iericho, ad instar Religiosorum, degentes: dicti Esseni, quasi Eliseni, ab Eliseo Prophetâ; quem in locum Eliæ, pro suo recognoscebant Superiore. Vel certè secundum S. Chrysostomum, *Hom: 44. in Act: Apostol: & Philonem, in Lib: cui titulus: Quod liber sit probus;* Esseni à vitæ sanctitate erant dicti. De quibus fusiùs. Nicephorus *Lib: 2. Hist: Carmel: c. 15.* Genebrardus *Lib: 1. Chronol: Anno Mundi 3272.* Pli-nius *Lib: 5. Nat: Hist: c. 17.* Et Solinus *cap: 36.* præter plures alios Sacros & Profanos Authores. His ergò Essenis, Carmelitæ, iuxta Pontificum dicta, non Carmelitis Asini, successerunt. At tu Hulfemane, celeberrille Academiae Vi-tembergenfis (vt iactas) Professor ac Theologus: imò (si Superis placet) Prælatus & Presbyter illius Ecclesiæ; scilicet in eo gradu, quo illi, qui à Moffti Tûrcico, (cui alibi placuit temeritati tuæ, Summum Antistitem nostrum comparare) ordinati sunt, nō verò secundū Ordinem Melchisedech: tu ergò inquam talis, ac tantus, adhuc in legendo offendis, vt & verba transponas, & legas, pro *Essenu, Asinu.*

Aut certè malignus quidam humor oculos tuos occupa-  
pauit,

Vide P.  
Thom :  
Carmel: c. 15.  
Discal: in Regu-  
lâ. Part: 1. cap: 1.

pauit, vt quondam Antipheronti : quem Aristoteles *Lib: 3. Meteor: c. 4.* refert, taliter oculos affectos vitioso quodâ humore habuisse, vt nonnisi se videret, sibi ipse semper obijceretur, seipsum, suamque imaginem, continuò ob oculos versaret. Sic tibi Hulsemane, Asinus vbiq; obijcitur : scilicet Antipheron sibi, tu ipse tibi.

Hæc de tuo Responso, contra meam, vt dicis, Inuectiuam : vel veriùs de tua Inuectiua, contra meam Satisfactionem : Ex quâ, vt dixi, ampliùs confirmor, me semper liberum forè futurum, ab onere respondendi tibi, quicquid iterum, atq; iterum, contra me euulgaueris. Quandoquidē & ad hæc quæ in prædicta tuâ Inuectiua complexus es, ex dictis hætenus, in promptu habeas responsum ; ad quæ te, Lectoremq; remitto. Quod enim symbolum tuum tanquam innoxium iustificas, luculenter è contra probaui, quantum illud ad suspensionem pro cautelâ ingerendam sufficiebat, & in ipsa Satisfactione *Cap: 3.* & postmodum *Cap: 12.* atq; sequentibus. Quod verò contra eandem Satisfactionem meam multis inueheris, hæc omnia elido *Cap: 7.* & seq. Quod deniq; ad conuicia spectat quæ multiplicas & acuis : nonnullas item obiectiones in Causâ Religionis : hæc huiusmodi esse, nullam vt postulent replicam, ostendi *Cap: 17.* & seq: vsq; ad præsens, inclusiue.

Itaq; nec futilia tua opus habebo ampliùs refutare : nec cum contentioso congruum arbitror contendere : nec cum maledico maledictis certare ; quin potiùs in illa bonâ fide, quam de me concepisti, & in tuo Responso expressisti, te conseruabo : quòd nimirum *necdum maledicere didicerim.*



Fateor Hulsmane, quòd necdum hanc Artem didicerim : sed nec in eâ Scholâ, vt aliquando addiscerem, me exercitauerim. Tibi Scholæ illius Lauream, imò & Cathedram, vtrò cedo : ipsi lubens renuncio.

*Heretici  
post alteram  
correctionem  
reponendi.*

Vltimam tandem nunc adiungo causam, quæ potissimum calamus meum ad respondendum tibi, si quid fortè adhuc contra me præsumpseris, cohibebit : & est Apostoli Regula *Titi: 3. Hæreticum hominem, post vnâ & alteram correctionem, deuita.* Non te facîle, vt opinor, Hæreticum hominem appellari patieris, Hulsmane. Vtinam sic nolis esse, sicut nolim te vocare. Nescio verò quam possis iniuriam prætere, si eo te vocabulo appellem, quo tu ipse nos Catholicos haud rarò vocare præsumis; & nostram doctrinam Hæreticam sæpiùs audes appellare. Sic videre est, præsertim in Lib: *Animaduers: cap: 1.* vbi velut alter Apollo ex tripode, multiplices Papatus hæreses pronuncias. Quid miramini viri Lutherani; quòd Summus Pontifex ex Cathedra Petri damnat Hæreses? En vnus Prædicans ex Cathedrâ Vitembergensi, audet, non minùs præsumptuosè, quàm inaniter, tot contra Catholicam nostram Ecclesiam Hæreses pronunciare, illamq; de tot hæresibus damnare.

Hæreticum ergò si te dixero, qui nos ex vna parte iniquè vocas Hæreticos, quiq; ex alia parte, doctrinam hæreticam, à vera Christi Ecclesia legitimè damnatam, palam proliteris, & obstinatè, ac contumaciter defendis, iniuriam tibi nequaquam fecero. Post vnâ itaq; & alteram correctionem, quam hætenus per me recepisti, te iuxta Apostoli

stoli Consilium, in posterum iam deuitabo. Interim ta-  
men precor, & precabor Coelestem Regem, velamen vt ab  
oculis cordis tui auferat, illuminet tenebras tuas, &  
vocet te in admirabile lumen suum, ac  
reducatur in viam veritatis.

A M E N.

LAUS DEO, VIRGINIQUE  
MATRI.

*Omnia Cēsura & Iudicio SS. Romana Ecclesia, qua est  
Columna & firmamentum Veritatis,  
subyicio.*

*Paratus corrigere, quacunque erunt  
corrigenda.*







Index Alphabeticus rerum notabilium, quæ in  
hoc libello continentur.

A.

- A** Bailardus confutatur à S. Bernar-  
nardo, 83.  
Adagium Hulfemani, 32.  
Anglo um Rex, primus Christianus, 39.  
Antichristū vocant Papā Hæretici, 38.  
Antichristiani, secundū Hulfemanū,  
sunt omnes Principes Catholici, 40.  
Antipheron sibi semper visus, 145.  
Aphraatis exemplum, 35.  
Apis ex floribus mel, aranea venenū  
colligit, 126.  
Apophtegma S. Gregorij Nazianz. 120.  
S. Augustinum irridet Caluinus, 83.  
S. Augustinus quid de Patribus an-  
tiquioribus se sentit, 88.  
Augustane Confessionis articuli, am-  
bigui & flexiloqui, 89.

B.

- Bellarminus calumnijs impetitur, 43.  
Idem vindicatur à crimine falsi, 54.  
& seq.  
Eidem insulse imponitur petitio  
primi Principis, 105.  
Bellum contra Carolum V. Rebellio-  
nem Historici vocant, 15. & seq.  
Bellivulticorū Author Lutherus, 99.  
Cæremoniariū Eccl. irrisor punitus, 143.

C.

- Cæsari quis Dux Saxonie fuerit re-

- bellis, 13.  
Cæsar Protestantibus sese opponit, 18.  
Idem constrictus Protestantibus con-  
descendit, 73.  
Cæsaris pacta cum Protestantibus, 75.  
Hæc violant Protestantes, 77.  
Caluinus negligit SS. Patres, 82.  
Idem S. Augustinum irridet, 83.  
Canis industria, 125.  
Catholicismus qualis apud Luthe-  
ranos, 54.  
Colloquij charitativi finis, 1. 9. & seq.  
Eius progressum quid retardabat, 2.  
Idem Hulfem: inturbat, 7. 9. 19.  
Colloquia mensalia Lutheri, 33.  
Concilium Cathaginenſe falso à no-  
stris damnatum asseritur, 109.  
Concilij Provincialis Statuta, quos  
obligant, 110.  
Concupiscentia an sit peccatum pro-  
prie, 51.  
Continentia impossibilis apud Luthe-  
ranos, 46. 50.  
refutatur hoc, exēplo notabili, 47.  
Continens quisq. potest esse cum Dei  
auxilio, 48.  
De Continentia, omnes suspectos ha-  
bet Lutheranum dogma, Ibid.  
Conuicijs non est certandum, 120.  
& seq.

- Cor hominum inſcrutabile, 123.  
Deo nōn

## Index Alphabeticus.

### D.

- Deo non sunt defectus nostri impu-*  
*tandi,* 48.  
*Dei auxilio continens quicq. esse po-*  
*test,* 48. & seq.  
*A Deo nulli denegatur auxilij ſuffi-*  
*cientia,* 49.  
*Diabolum præceptorem ſequuntur*  
*Hæretici, de impugnando Eucha-*  
*ristiæ myſterio,* 86.  
*Diabolo potiùs, quàm Summo Pon-*  
*tifici, Hæretici volunt obedire,* 87.

### E.

- Eccleſia Catholica nunquam expu-*  
*gnari poteſt,* 30.  
*Eccleſiaſtico Statui nulli parcit*  
*Huſſemanus,* 37.  
*Eccleſiam calumnijs perſequitur*  
*Huſſemanus,* 57.  
*In Eccleſia contentiones ſunt vi-*  
*tandæ,* 102.  
*In Eccleſia doctrina declaratio, non*  
*eſt variatio,* 137.  
*Eccleſia eadem, ante & poſt Aſcen-*  
*ſionem Chriſti fuit,* Ibid.  
*Eccleſiam multæ latebant veritates,*  
*ante aduentum Spiritus S.* 138.  
*Eccleſiæ uſus determinandi aliquid*  
*in Fide, ab Apoſtoliſ profluxit, ibid.*  
*Eccleſia inuariabilis doctrina,* 140.  
*Eccleſia caremoniarum irriſionis*  
*pæna,* 143.  
*Eccleſia ſagena in Euangelio com-*  
*parata, in qua boni & mali,* 136.

- Episcoporum Status quanti aſſi-*  
*mandus,* 44.  
*Episcopi calumnijs impetuntur ab*  
*Huſſemano,* 44. & ſeq.  
*Epistola ſub nomine Bonifacij ſup-*  
*poſititia,* 114.  
*Eadem à Binio reſutatur,* Ibid.  
*Eraſmi notabile dictum, de veritate*  
*Corporis Chriſti in Euchariftia,* 89.  
*Euchariftiæ myſterium Hæretici im-*  
*pugnant, Diabolo præceptore*  
*edocti,* 86.  
*Externi quâ conditione ad Colloqui-*  
*um ſunt admiſſi,* 10. 64.

### F.

- Fidei non præiudicat morû abusus,* 137.  
*Fides non querit; nec quaſtionibus*  
*exponitur,* 10.  
*Fides Catholica nulli errori obnoxia,* 11.  
*Fidei res mendacijs comprobatur*  
*Huſſemanus,* 115.

### G.

- Gallia Rex primus Chriſtianus,* 39.

### H.

- Hæretici poſt alteram correptionem*  
*vitandi,* 146.  
*Hæreticorum antiquum vitium odiſ-*  
*ſe Monachos,* 27. & ſeq.  
*Hæretici omnes ex Catholicis pro-*  
*dierunt,* 29. & ſeq.  
*Hæreſis ſignum,* ibidem.  
*Hæreſes ſarmenta,* 30.

Contra



# Index Alphabeticus.

|                                                |                |                                                 |                |
|------------------------------------------------|----------------|-------------------------------------------------|----------------|
| <i>Contra Hæreticos nunquam nimia</i>          |                | <i>Declarationi instructionis Regia de-</i>     |                |
| <i>cautela,</i>                                | 36.            | <i>trahit,</i>                                  | <i>ibidem.</i> |
| <i>Hæretici Papā vocant Antichristū,</i>       | 38.            | <i>In suum Ducem modernum iniurio-</i>          |                |
| <i>Hæretici Missam vocant idolola-</i>         |                | <i>sus,</i>                                     | 12. 14. 19.    |
| <i>triam,</i>                                  | 79. 86.        | <i>Ab eo non erat Symbolum propugnan-</i>       |                |
| <i>Idem Diabolo præceptore edocti,</i>         |                | <i>dum, &amp; quare,</i>                        | 20.            |
| <i>mysterium Eucharistia impu-</i>             |                | <i>Contemnit Religiosos,</i>                    | 27.            |
| <i>gnant,</i>                                  | 86.            | <i>Imitatur Lutherum in contemnen-</i>          |                |
| <i>Idem Diabolo potius, quàm Sum-</i>          |                | <i>dū Religiosis,</i>                           | 38.            |
| <i>mo Pontifici, obedire malunt,</i>           | 87.            | <i>Eius responsū est ridiculum,</i>             | 31. 124.       |
| <i>Hæretici isdem telis se conficiunt,</i>     |                | <i>Adagium ipsius,</i>                          | 32. 123.       |
| <i>ibidem.</i>                                 |                | <i>Eius scripta parum modesta,</i>              | 32. & seq.     |
| <i>Idem propria authoritate, deponē-</i>       |                | <i>Immeritò conqueritur se laesum,</i>          | 36.            |
| <i>dos esse Principes, docent,</i>             | 95.            | <i>&amp; seq.</i>                               |                |
| <i>etiam necandos,</i>                         | 94. & seq.     | <i>Nulli Statui Ecclesiastico parcat,</i>       | 37.            |
| <i>Idem contra quos Principes arma</i>         |                | <i>Eius libelli famosi potius quàm</i>          |                |
| <i>mouerunt,</i>                               | 95.            | <i>Theologici.</i>                              | <i>ibidem.</i> |
| <i>Ab isdem Reges spoliatur regnis,</i>        | 97.            | <i>Papam vocat Antichristum,</i>                | 38.            |
| <i>Hæreticorum conuicia, nostra sunt</i>       |                | <i>Et Belial,</i>                               | 41.            |
| <i>elogia,</i>                                 | 118.           | <i>In Principes Christianos contumelio-</i>     |                |
| <i>Hispania Rex, primus Christianus,</i>       | 39.            | <i>sus,</i>                                     | 40. 130.       |
| <i>Hulsemannus vocatur ad Colloquiū,</i>       | 2.             | <i>Secundum ipsum omnes Reges Chri-</i>         |                |
| <i>Idem Praeses à Dissidentibus insti-</i>     |                | <i>stiani, qui deferunt obedientiam</i>         |                |
| <i>tuitur,</i>                                 | <i>ibidem.</i> | <i>Papa, sunt Antichristiani,</i>               | 40.            |
| <i>Illius responsum ad sermonem Regij</i>      |                | <i>Eius excessiva calumnia,</i>                 | 42.            |
| <i>Theologi,</i>                               | 3.             | <i>Ipsius Papa odium sine ratione,</i>          | <i>ibid.</i>   |
| <i>Eiusdem sermo refutatur,</i>                | <i>ibidem.</i> | <i>Eiusdem insolens stylus contra Car-</i>      |                |
| <i>Ab eo Symbolum suspectum, inue-</i>         |                | <i>dinales &amp; Pontifices,</i>                | 43.            |
| <i>ctum,</i>                                   | <i>ibidem.</i> | <i>Genus scribendi illius,</i>                  | <i>ibidem.</i> |
| <i>Eius protestatio, prætextu imputata</i>     |                | <i>Quomodo S. Chrisma vocat,</i>                | 45.            |
| <i>Rebellionis Saxonie Duci,</i>               | 4.             | <i>Eiusdem ingens calumnia contra</i>           |                |
| <i>Contra eundem reprotectatio, s. 13. 14.</i> |                | <i>Episcopos,</i>                               | <i>ibidem.</i> |
| <i>Idem Colloquium interturbat,</i>            | 7. 9. 19.      | <i>Quomodo stylo suo persequitur Reli-</i>      |                |
| <i>Malè colligit offensam ex repudiato</i>     |                | <i>giosos, &amp; Scriptores Ecclesiasticos,</i> |                |
| <i>Symbolo,</i>                                | 11.            | <i>12. &amp; seq.</i>                           |                |
|                                                |                |                                                 | <i>Quomodo</i> |

# Index Alphabeticus.

|                                                                                      |               |                                                          |           |
|--------------------------------------------------------------------------------------|---------------|----------------------------------------------------------|-----------|
| <i>Quomodo PP. Societatis,</i>                                                       | 52.           | <i>Eidem, insulsè petitionem primi</i>                   |           |
| <i>Quomodo alios Religiosos,</i>                                                     | ibidem.       | <i>Principij imponit,</i>                                | 105.      |
| <i>Eius conuiciis,</i>                                                               | 53. 59.       | <i>Ipse conuincitur falsi,</i>                           | 107. 110. |
| <i>Catholico, um quomodo soluit argu-<br/>menta,</i>                                 | 53. 103. 105. | <i>&amp; seq.</i>                                        |           |
| <i>Eiusdem immodestia,</i>                                                           | 53.           | <i>Verba Concilij malè ad alium sen-<br/>sum trahit,</i> | 108.      |
| <i>Quid apud ipsum Papista,</i>                                                      | 54.           | <i>Eius dolus,</i>                                       | 112.      |
| <i>Quàm falsò crimen falsi obijcit no-<br/>stris,</i>                                | ibidem.       | <i>Historiarum imperitiam prodit,</i>                    | 113.      |
| <i>Quomodo ipse crimen falsi commit-<br/>tit,</i>                                    | 55.           | <i>Res fidei mendacijs comprobatur,</i>                  | 115.      |
| <i>Contra Ecclesiam ingens calumnia<br/>eius,</i>                                    | 57.           | <i>Ipse stultus,</i>                                     | 117.      |
| <i>Quas prætendit offensas,</i>                                                      | 58.           | <i>Iudicium de responso eius,</i>                        | 123.      |
| <i>Quò collimabat Protestatio eius,</i>                                              | 59.           | <i>Erinacio est simile,</i>                              | 125.      |
| <i>Verba Satisfactionis, pro sua offensa,<br/>sinistrè detorquet,</i>                | 60.           | <i>Rhetorica eius qualis,</i>                            | 127.      |
| <i>Vnde suspectus cum suo Symbolo,</i>                                               | 62.           | <i>Idem non desert Sanctis,</i>                          | 128.      |
| <i>Vnde suspicio aucta de illo,</i>                                                  | 63.           | <i>Laudis audax idem,</i>                                | 129.      |
| <i>Conuincitur de eo quod negat,</i>                                                 | 64.           | <i>Falsò negat se Satisfactionem requi-<br/>sisse,</i>   | ibid.     |
| <i>Testimonium de conuicio ab eodem<br/>prolato,</i>                                 | 65.           | <i>Eiusdem fastus,</i>                                   | 130.      |
| <i>Quicquid offensa prætendit, de se il-<br/>lam capit,</i>                          | 67.           | <i>In suo responso nihil soluit,</i>                     | 131.      |
| <i>Odia Principum, contra Ecclesiasti-<br/>cas Personas, conciliat,</i>              | ibid.         | <i>Sui oblitus,</i>                                      | ibid.     |
| <i>Ipse Rebellionem propalauit,</i>                                                  | 70.           | <i>Ipse iactantia vana,</i>                              | 135.      |
| <i>Imperatoris innocentiam inuadit,<br/>dum Symbolum suum nimis pro-<br/>pugnat,</i> | 73. 130.      | <i>Elogium eius,</i>                                     | 142.      |
| <i>Eius lenitates in censurandis nostris,<br/>103.</i>                               |               |                                                          |           |
| <i>Censura de scriptis ipsius,</i>                                                   | ibid.         |                                                          |           |
| <i>Iniquè crimen falsi obijcit Bellarmi-<br/>no,</i>                                 | 104.          |                                                          |           |

## I.

*Impatientia, aliquando probatur,*  
35. 57.

*Imperator primus Christianus,* 39.

*Iniuria quomodo vindicanda,* 121.

*Ioannes Hus stat pro Missa,* 90.

*Iudicium de responso Hulsemani,*  
123.

## L.

*Lingua, veritatis organum, non est  
conuicijs contaminanda,* 127.

*Luthera.*



# Index Alphabeticus.

- Lutherani magis esse volunt Turcici,*  
*quàm Papistæ, ut vocant,* 41.  
*Lutheranum dogma omnes susce-*  
*ptos habet de continentia,* 48.  
*Lutherani impossibilem continenti-*  
*am dicunt,* 46. 50.  
*refutantur exemplo notabili,* 47.  
*Lutheranorum Catholicismus,* 54.  
*Lutherani deficiunt ad Calvinistas,*  
*ibidem.*  
*Lutherani subditis potestatem supra*  
*Principes tribuunt,* 91. 93.  
*Lutherani rebellionem excitant,* 100.  
*Iisdem innata conuiciandi consue-*  
*tudo,* 119.  
*Lutheranorum est calumnijs pu-*  
*gnare,* 124.  
*Lutherus damnat Rebellionem con-*  
*tra Principes,* 16.  
*Idem approbat postea,* 17.  
*Lutherus accomodat doctrinam su-*  
*am temporibus,* 18.  
*Idem Monachos odit,* 28.  
*Mensalia colloquia ipsius,* 33.  
*Lutheri quis sensus de continetia,* 46.  
*Lutherus seipsum Isaiam, & Melan-*  
*thonem Ieremiam vocat,* 81.  
*Idem nullum miraculum fecit,*  
*ibidem.*  
*Prefert se SS. Patribus,* 82.  
*Eius conuicium contra SS. Patres,*  
*ibidem.*  
*Stulta iactantia ipsius,* 83.  
*Idem Missam abrogare à Diabolo*  
*edoctus,* 86.
- Eiusdem matrimonium cum Moni-*  
*ali,* *ibid.*  
*Lutheri spiritus & sui Evangelij*  
*turbulentus,* 92. & seq.  
*Lutherus qualis in Principes,* 98.  
*Idem author rusticorum belli,* 99.  
*Idem sub prætexitu libertatis Euan-*  
*gelicæ, rebellionis causam dedit,*  
*ibidem.*  
*Lutherus quomodo B.* 128.
- ## M.
- Malis displicere, laudari est,* 118.  
*Maledicta pro maledictis non sunt*  
*reponenda,* 120.  
*Ministri animarum seductores,* 116.  
*Missam abolere iniquè Protestantes*  
*contendunt,* 78. 89. 91.  
*Missæ antiquitas ex Aduersarijs de-*  
*monstratur,* 79.  
*Missam Hæretici idololatriam vo-*  
*cant,* 79. 86.  
*Missam abrogare, à Diabolo Luthe-*  
*rus edoctus,* 86.  
*Missam apud suos retineri sinit Me-*  
*lanthon,* 88.  
*Pro Missa stat Ioannes Hus,* 90.  
*Monachus unde dictus,* 28.  
*Monachorum inimici, qui unitatis*  
*inimici,* 29.  
*Mundi odium, laus est seruorum*  
*Dei,* 27.
- ## O.
- Obedientiam Papæ Reges Christiani*  
*ab initio*


## Index Alphabeticus:

- ab initio detulerunt,* 38. & seq.  
*Sub obedientia Papa, etiam nunc sunt*  
*Præcipui Orbis Christiani Monar-*  
*cha,* 40.  
*Opinari cuiq; liberum,* 135.
- P.**
- Papam Hæretici vocant Antichri-*  
*stum,* 38.  
*Idem communis Pater Regum Chri-*  
*stianorum,* ibid.  
*Papa, cuncti Reges Christiani ab ini-*  
*tio obedientiam detulerunt,* ibid.  
*Et qui illi fuerunt,* 38. & seq.  
*Eiusdem sub obedientia etiam nunc*  
*sunt,* 40.  
*Papam Hulfsemanus sine ratione odio*  
*habet,* 42.  
*Penes Papam quomodo potestas tem-*  
*poralis supra Principes,* 92.  
*Papa satius, quàm subditis, Princi-*  
*pes subiiciuntur,* ibid. & seq.  
*Papista quid apud Hulfsemanum,* 54.  
*Pastoris Ecclesiastici munus,* 1.  
*SS. Patribus præfert se Lutherus,* 82.  
*SS. Patres negligit Calvinus,* ibid.  
*SS. Patribus quantum deferen-*  
*dum,* 84. & seq.  
*SS. Patres quomodo asimat S. Ber-*  
*nardus,* 85.  
*Philippus Melanthon semper incon-*  
*stans,* 88.  
*Idem Cothurnus Germania dictus,*  
*ibidem.*  
*Eius moribundi sententia de Catho-*
- licorum Religione, & sua,* ibid.  
*Idem fingit Missam apud suos reti-*  
*neri,* ibid.  
*Polonia Rex primus Christianus.* 40.  
*Principes deponendos esse propriâ*  
*authoritate Hæretici docent,* 95.  
*Etiam occidendos,* 94. & seq.  
*Eisdem proprijs spoliârunt regnis,* 97.  
*Protestantium prætextus à Rebellio-*  
*ne excusari nequit,* 19.  
*Idem probantur Rebelles,* 72.  
*Protestantibus constrictus Casar con-*  
*descendit,* 73.  
*Cum Protestantibus pacta Casaris,* 75.  
*Eadem ipsi violant,* 77.  
*Protestantium prætensiones contra*  
*Cameram Casaris,* 75.  
*Protestantes iniquè Missam abolere*  
*nituntur,* 78. 89. 91.
- R.**
- Rebellionis tessera fuit Symbolum*  
*Lutheranorum,* 3.  
*Rebellionis crimen moderno Saxonie*  
*Duci non est imputatum,* 6.  
*Rebellio ex Historijs probatur,* 15.  
*71. 135.*  
*Rebellionis occasio,* 18.  
*Rebellio defensione Religionis pal-*  
*liatur,* 19. 72. 78.  
*à Rebellionem Protestantes excusari non*  
*possunt,* 19. 72.  
*Rebellionem propalavit Hulfsema-*  
*nus,* 79.  
*Rebellionis quomodo Lutherus cau-*  
*sam dedit*
- V**




# Index Alphabeticus.

- Sam dedit,* 99. *Idem rebellis plectitur,* 16.  
*Rebelliones Lutherani excitant,* 100. *Saxonia Dux modernus à Rebellio-*  
*Reges Christiani obedientiam Papa*  
*deferunt,* 38. & seq. *ne vindicatur,* 13.  
*Reges qui fuerunt primi Christia-*  
*ni,* 39. *Saxonia Dux modernus in quo fingi-*  
*Religiosos quomodo persequitur Hul-*  
*semanus,* 52. *tur lusus,* 69.  
*Religiosi paupertatem toto non com-*  
*mutarent mundo,* 127. *Scotia Rex primus Christianus,* 39.  
*S.* *A Suspicionem incola Regni vindican-*  
*Suspicio quomodo probanda,* 6.  
*Suspicio duabus ex causis oritur,* 133.  
*Symbolum Lutheranorum,* 3. 134.  
*Idem quare suspectum,* 20. 30. 135.  
*Idem Rebellionis fuit tessera,* 3. 131.  
*Improbatur idem,* 4.  
*Importunè ab Hulsemano ad Collo-*  
*quium Charitativum allatum,*  
*8. & seq.*  
*Idem initium fuit Rebellionis,* ibid.  
*Idem initium Hæresis Lutherana*  
*dedit,* 8.  
*Idem non in se malum, sed male*  
*usurpatum,* 9.  
**T.**  
*Triobolaris homo qui conuictis cer-*  
*tat,* 120. 120.  
*Temporibus diuersis diuersa ferui-*  
*unt,* 129.  
**V.**  
*Vitiam Antecessorum non est affigen-*  
*dum Successoribus,* 14.  
*Vita alterius non scrutanda,* 69.




10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100





U  
V  
W  
X  
Y  
Z



Biblioteka Jagiellońska



## Excellentissime & Illustrissime D.

idace, de tenore tali.

przez Niedziel dwie nie było wiadomości z Polsk  
pisat do Grassa a Pbnar Generalnego w Wiedniu Posz  
gistrą, rekomendując listy na pocztach z Polskij do F  
est: Vestrā rebus meis facile polliceor. Quid reliquum est,  
Vestrā immortalis gloria fastigium, diuturnum S. R. Imp  
erum subsectorum moderamen, Augustissime Domus floren  
mentia, continuam ex communi posse triumphorum feriem, al  
pacis urentem oleam, ex ea, quā prae ceteris in Majeſt:  
feror, animi & submissionis devotione, exoptans, Augustissim  
ve triumphalem manum Majeſt: Vestrā reverenter exoscul  
mi mentem & animum inspexi, adeoque gratiam corundem

Quamvis minime dubitem, ita esse ubique, Postarum  
ditiones Sac: Cas: Reg: Majeſtatis, literarum securitati ab  
cellentia provium; ut quilibet Instituto hoc publico  
mercio commode & certo frui possit. Memor tamen  
sex circiter annos, dum in simili functione tractandae pacis  
Turca in Hungaria morarer, imputatum mihi fuisse, ex oc  
one deperditarum in postea literarum me concernentium,  
eas singulāri recommendatione a die ingressus mei in Reg  
hoc, Excellentiae Vestrā non inſinaverim. Facio id in  
sen. arum, cum debita in Personam Excellentiae Vestrā, tot  
orum plenam, observantia & cultu, enixe rogans, quāt  
ctas meas, tam has, quas per Viennam Cracoviam, usq  
am per Agriam & Tokainum, in Poloniam dirigendas  
unc recipiendas habeo, accuratori diligentiae & curae Do  
rum PostMagistrorum, ne deperdantur in Postis, recom  
re dignetur. Quid, quō magis iustitiae & aequitati con  
est, eo faciliorem mihi ab Excellentia Vestrā ejus rei su  
sum polliceor, non defuturus Excellentiae Vestrā in oc  
renibus meoſque cum promptis obsequiis & non ſecus

